



1-10

1-10

1-10

1-10



deirry, Jacques Hyacinthe

**AMBROSII  
CATHARINI**

*VINDICIÆ.*

1.1.1

-1

17000000

17000000

17000000

# AMBROSII CATHARINI

VINDICIÆ.

DE NECESSARIA  
IN PERFICIENDIS SACRAMENTIS  
INTENTIONE,

*THEOLOGICA DISPUTATIO*

OPERA AC STUDIO

F. JACOBI HYACINTHI SERRY

Ord. Præd. Doctoris Sorbonici,

*Et in Academia Patavina primarii Sacræ  
Theologiæ Professoris.*



PATAVII, MDCCXXVII.

Typis Jo. Baptistæ Conzatti.

SUPERIORUM PERMISSU.

. 1 . . .

. 1

1011 1011 1011 1011

1011 1011 1011 1011



TRIUMVIRO LITTERARIO  
**LAURENTIO**  
**THEUPOLO**

ÆDIS D. MARCI PROCURATORI,  
ET EQUITI

F. JACOBUS HYACINTHUS SERRY  
FELICITATEM.



*Aud mihi multum  
circumspiciendum  
fuit, SENATOR AMPLISSIME,  
ut cum mihi Mæcenatem atque Pa-  
tronum adsciscerem, cujus in sinu,*  
2 3 *Vin-*

Vindicationes has meas publici juris  
factas, tanquam in portu atque per-  
fugio reponerem; ut bona illic pace,  
si fieri quidem id potest, adversus se-  
culi livorem, ingeniorumque venena,  
perfruantur. Tua se se sponte obtu-  
lit singularis humanitas, Viro prin-  
cipe, Musarumque nostrarum Præsi-  
de felicissimo vere digna; qua me,  
meosque labores in Tui præsidio at-  
que tutela latere voluisti: quo ex tem-  
pore, cum subita in me procella deto-  
naret, addensaque nubes fulmen ine-  
vitabile minarentur, Cælum inno-  
xio capiti protinus serenasti; nec mo-  
do fulmen, fulmen inquam, quod  
vel ipsi percussi reverenter adorent,  
procul avertisti; sed & sceptrâ mihi  
Jovemque, benignissima suffragatione  
conciliasti.

Hujus

Huius ego beneficii magnitudinem,  
cum sola possim veneratione concipere,  
sospitalem mihi dexteram pronus ac  
venerabundus exosculor; fama peri-  
culo; quæ viro cuique honesto ac libe-  
ro vita ipsa charior est, insperata ope  
tua subductus, soteria Servatori vo-  
veo; non illa longè quaesita, non pre-  
cibus corrogata, non emptæ pretio, sed  
me ipsum; ad humanitatis tuæ aram,  
tanquam sacrum anathema, redivi-  
uus appendo.

Hos ego grati, ac bene memoris ani-  
mi sensus, quos nulla mihi dies im-  
minuet, sed magis magisque accen-  
det; non modo praesentes testor, sed  
et posteros meminisse volo. Sic sane  
dum de Te loquetur sera posteritas,  
cœlestesque ingentis animi dotes, ge-  
staque grandia prædicabit; dum ad-

ministratam bene sapienterque Rem-  
publicam ; dum datum litteris pa-  
trocinium , ac litteratis exemplum ;  
dum summos Magistratus , ad popu-  
lorum salutem feliciter gestos ; dum  
obitas ad summos Ecclesie Hierar-  
chas , Regesque maximas legationes ;  
quibus Veneti Nominis maiestatem ,  
ad exteras quoque gentes , ac mun-  
di ultima extendisti , debitis laudibus  
celebrabit ; me quoque umbraticum  
hominem , peregrinum his terris ,  
& hospitem , inter magnificentia tua  
vere regia , ingentisque benignita-  
tis atque clementia miracula nume-  
rabit .

..... Hoc Reges habent  
Magnificum , & ingens , nulla quod  
rapiat dies ,  
prodesse miseris .

Vale

*Vale Mæcenas optime ; præsidium  
dulce , decusque meum ; pro quo ni-  
si quam dedisti vitam vivere , ean-  
dem ponere superi donent , debitor  
moriar .*



# PRÆFATIO.

I.



Ur Theologiam hanc, de  
necessaria in Sacramentis  
ministrandis intentione,  
Disputationem in publicum  
mittam, illud præsertim in  
caussa est, quod in Ambro-  
sio Catharino; Tridentinæ olim Synodi  
Theologo præstantissimo, mei quoque vindi-  
cias compulsus sum adornare. Cum enim an-  
te annos quinque supra viginti, hoc idem  
argumentum tractarem in Scholis; ac de ex-  
terna, ut vocant, Ministrorum intentione,  
pro Catharino nostro ex Cathedra dicerem;  
illico sparsi susurri, vulgati rumores, imo &  
delatæ ad Ecclesiæ Præsules surdæ querelæ,  
me sub honesto Theologi summe catholici  
nomine, Lutheri atque Calvinii errores in  
scholas invehere, stillare discipulis noxia, pe-  
riculosa cudere dogmata, sacros Tridenti-  
næ Synodi Canones infringere, violare.

Hæc dum Ardeliones hi nostri, adver-  
sum me crebra mussitatione, in speciem pie-  
tatis composita blaterarent; criminationes il-  
las omnes, quanquam atroces ac falsas, sur-

## P R Æ F A T I O.

da aure pertransii, atque contemsi; quod canes scirem notis non allatrare solitos, sed ignotis. Calamum, etsi valde pruriret mihi, ad depellendam injuriam, non statim acui, sed cohibui; missaque ad tempus, ex Apostoli consilio, defensione, qua famæ consulerem, dedi locum iræ, livori, invidiæ; silentioque sat interim bene ultus, me rebus servavi secundis: quod ita tunc servire scenæ, rerum mearum ratio postulare.

II. Nunc vero cum primum illum in me factum æmulatorum impetum videam deservescere, sedari animos male turbatos, redire, ferenum, turpemque rerum istarum ignorantionem, (unde maxime natæussiones atque querelæ) remitti paululum, atque depelli: imo cum hoc ipsum Catharini systema, solis ferme Galliæ Theologis olim acceptum, in Theologorum tandem Italarum gratiam, a quibus modò persæpe defenditur, videam rediisse; opportunum justæ defensionis fore locum existimavi; qua planum facerem universis, quàm procul a Lutheranis & Calvinianis erroribus distet Viri summi, de externa ut aiunt Ministrorum intentione, sententia; quàm bene cum Tridentinæ Synodi Canonibus congruat; quàm disertis Romanorum Pontificum, Conciliorum, ac  
Pa-



## P R Æ F A T I O.

Patrum judiciis confirmetur; quàm demum luculentis rationum Theologicarum momentis atque præfidiis muniatur; nihilque præ se ferat systema ingeniosissimum pietati, religioni, priscis Ecclesiæ moribus non apprimè consonum.

Hanc primam edendæ, vulgandæque Theologicæ elucubrationis rationem habeto: quam non remordendi libido, sed tuendi honoris & Catharini & mei, justus ac nobilis sensus excivit.

III. Accedit altera vulgandi Opusculi causa, quæ publicum Theologiæ Professore non movit modò, sed prorsus adstrinxit: ut nempe studiosi Adolescentes, quibus ea vehementer arrisit opinio, dum ex Cathedra dicerem, quique eandem illam in publicis circulis tueri gestiunt, atque defendere; contra adversariorum oppugnationes, multo validius muniantur. Quapropter Lutheranorum & Calvinistarum errorem, a quo ne latum quidem unguem distare opinionem hanc nostram, nonnulli fidenter effutiant, multo quàm olim in Scholis feceram, validius confutavi; Ecclesiæ Catholicæ dogma, hoc de argumento, in Tridentina Synodo definitum, multo acrius defendi, ac luculentius: tum demum quæcunque Ambrosio Catharino,

## P R Æ F A T I O.

rino, aut ab auctoritate, aut a ratione, aut ab historia, seu objecta sunt olim, seu obijci modò possunt, ac etiam fingi, cassa illa, futilia, ac plane nulla, cumulatissime demonstravi. Imo in adversarios ipsos, objecta persæpe retorsi; illosque suis ipsorum rebus atque tendiculis implicavi, atque conclusi.

Sequitur loco ultimo, ad susceptæ defensionis cumulum, totiusque Opellæ coronidem, deductum ex jactis inter disputandum doctrinæ principiis, Corollarium, de necessaria in Sacramentis etiam suscipiendis intentione, longe gravissimum: quo eandem suscipientium ac ministrantium, quod ad ipsam attinet intentionem, rationem esse demonstratur. Id porro secunda veluti manu dum agitur, alter non absimilis Lutheranorum & Calvinistarum error plenius refellitur; & Ambrosii Catharini doctrina magis magisque firmatur, latisque non semel Ecclesiæ judiciis roboratur.

IV. Cæterum in eo vindicando firmandoque Systemate, nullam ego, ex ipsius Catharini, a quo vulgo creditur inventum, auctoritate petii probationem, nullam ex illius fama nominis confirmationem adduxi; quòd dudum ex Tertulliano didicerim, *Veritati nil posse*

## P R Æ F A T I O.

*posse præscribere, non spatia temporum, non intervalla locorum, non patrocinia personarum; ne-  
moque nesciat, digniora multo, imo ado-  
rata terris ac Cælo capita, in absurdas sæ-  
pe sententias abiisse. Si quis tamen Ambro-  
sium Catharinum (cui primum Lancellotto Po-  
lito nomen in sæculo fuit) nosse amat; quam-  
vis privatis opinionibus posset, ex fama nomi-  
nis, honorumque titulis, auctoritatem con-  
ciliare; Epitaphium consulat, tumulo ejus  
incisum, Senis in Etruria, in Templo D.  
Francisci, a Polita familia olim extructo;  
quo munerum ejus, dignitatumque tituli com-  
pendio recensentur,*

D. O. M.

*Lancellotto Polito Compse Archiepiscopo, quem  
sicuti primis ab annis, virtutes principes com-  
plexe sunt omnes, sic ad ætatis usque vespèram  
mirifice semper exornarunt. Is decimoquinto æta-  
tis sue anno, utriusque Juris lauream adeptus,  
in Senensi Gymnasio publico professor, ingentique  
laude, nondum vigesimumquintum attingens,  
mille axiomatibus, in celeberrimis Italiæ & Gal-  
liæ Academiis strenuè defensis, Romæ Consistoria-  
lis Aule advocatus a Leone X. factus est. Tan-  
dem studia illa & honores pertusus, mutato no-  
mine in Ambrosium Catharinum, (in honorem  
S. Catharine, & B. Ambrosii Sansedonii Com-  
civium*

## P R Æ F A T I O.

*civium ejus, quorum erat devotissimus) ante annum trigesimum, Dominicane familie nomen dedit. Ex qua mox a Paulo III. ad Episcopatum Minoritarum erectus, ad Sacrum Concilium Tridentinum missus, ibi in sustinendo sententiarum certamine, adversus veritatis hostes, nullis non ostendit lumen animi, consiliique sui. Demum a Julio III. vocatus, a quo prius etiam Compesc Archiepiscopus renunciatus fuerat, dum Romam ad amplissimos Purpuree honores proficiscitur, honoribus major, Neapoli decessit, plurimis ingenii monumentis posteris datus: Etatis sue anno LXX. salutis humane MDLIII.*

V. Non est tamen dissimulandum; Ambrosium Catharinum; tametsi Dominici instituti Professore, juratum D. Thomæ discipulum nec fuisse unquam, nec haberi voluisse; eumque varia cum Cajetano primum, tum postea cum Dominico Soto, aliisque Scholæ Thomistæ Professoribus, subiisse certamina, quæ aversum ejus animum probent. Hujus a Scholâ Thomistica defectionis causam istam fuisse ferunt: quod cum in Comitibus generalibus nostris, de Viro Theologo deligendo ageretur, qui summam D. Thomæ, totius Ordinis nomine, ad Novitiorum studentum usum interpretaretur; ambroque, Catharinus nimirum & Cajetanus, qui

## P R Æ F A T I O.

qui Theologicæ eruditionis laude supra cæteros eminebant, honorificum munus ambirent, atque prensarent; Catharinus Patrum suffragiis ceciderit, Cajetano posthabitus. Quo casu Catharinum spe sua decollatum dixisse addunt, non sine quodam exulcerati animi sensu, *Noluistis me habere pro Thomâ, habebitis me contra Thomam*. Quo ex tempore cœperit transfuga alienis in castris militare; seu verius nulla destinato sequi castra, nec nostra, nec hostium; sed suo in Theologicis studiis genio indulserit.

VI. Utcunque tamen res ipsa cesserit, de qua nihil præter auditum habeo, fatendum bona fide, hanc ipsam Catharini a Schola Thomistica defectionem, habitasque cum nostris quæstionum pugnas, lucro nobis potius esse, quàm damno; quod ad istam attinget controversiam, de externa in perficiendis Sacramentis intentione. Quandoquidem cum de multis exoticis opinionibus, ab ipso defensis ac propugnatis, litem illi movissent Theologi nostri; imo cum Paulo III. Rom. Pontifici, expostulationis libellum obtulissent, quo eum de sexaginta circiter temerariis, ut aiebant, & a communi Theologorum sensu alienis opinionibus accusabant; de externa tamen in perficiendis Sacramentis

tis

## P R Æ F A T I O.

tis intentione, ab eo tam publice, tam so-  
 lemniter defensata, filuere; nullamque ei;  
 hujusce Systematis occasione, litem intentarunt.  
 Quod certe argumento est, hanc ipsam  
 sententiam ne levi quidem erroris suspicione  
 laborasse, imo summo tunc Theologorum  
 consensu fuisse susceptam. Alias nec stylo  
 pepercissent adversarii, nec a censuris, quas  
 tanta in eum libertate distringebant, sibi  
 temperassent: quique in illius scriptionibus,  
 vulgatisque libellis culicem, ut vulgo dicitur,  
 excolabant, camelum minime deglutiissent.



IN-

# I N D E X

## C A P I T U M.

- Cap. I. **P**rotestantium error, de Ministrorum intentione refertur: Ecclesiæ Catholicæ fides proponitur, explicatur. Pag. 2
- Cap. II. Ecclesiæ Catholicæ fides de Ministrorum intentione probatur, atque defenditur. 8
- Cap. III. Protestantium momenta, ex Historiis Ecclesiasticis petita diluuntur. 16
- Cap. IV. Aliis Heterodoxorum momentis occurratur. 24
- Cap. V. Ambrosii Catharini Systema, de externa ut aiunt intentione proponitur, explicatur. 34
- Cap. VI. Catharini Sententia, Concilii Tridentini auctoritate firmatur; Ecclesiæ legibus, moribus, & usibus stabilitur; latè olim ac nuper iudiciis comprobatur. 41
- Cap. VII. Hæc eadem sententia, Doctoris Angelici suffragio, Romanorumque Pontificum iudiciis confirmatur. 54
- Cap. VIII. D. Augustinus Catharini sententiæ præformator, atque assertor ostenditur. 67
- Cap. IX. Idem Catharini Systema rationibus Theologicis confirmatur. 78
- Cap. X. Satisfit Objectis in contrarium fieri solitis;

- itis ; ac primum quidem ex Concilii Tridentini auctoritate petitis. 91
- Cap. XI. *Petita ex D. Augustino , & D. Thoma , recentium Theologorum momenta refelluntur .* 102
- Cap. XII. *Objecta ex Romanæ Inquisitionis Decreto difficultas eliditur , expeditur .* 112
- Cap. XIII. *Momentum a prisca Patrum Orientalium Historia petitur eliditur , exsufflatur .* 118
- Cap. XIV. *Ducta a ratione , adversus Catharini Systema , momenta reliqua diluuntur .* 122
- Cap. XV. *Quæ & qualis in Sacramentis administrandis , eadem in suscipiendis desideratur intentio .* 141
- Cap. XVI. *Suscepti , sine ulla prorsus consensione , & intentione etiam externa , Sacramenti Ordinis exempla duo producuntur , & explicantur .* 146
- Cap. XVII. *Externa in suscipiendis Sacramentis intentio sufficit , ut rata sine validaque , quoad characteris impressionem ,* 175



**F A C U L T A S**  
**Reverendissimi Patris Generalis Ordinis Prædicatorum.**

**C**Um Rev. Adm. Pater Magister F. Hyacinthus Serry Librum, cui Titulus est, *Ambrosii Catharini Vindiciæ: de necessaria in perficiendis Sacramentis intentione Disputatio Theologica*, composuerit, illudque prælo subijcere desideret, Nos harum serie, nostrique Officii autoritate, quantum in nobis est, & servatis aliàs servandis, paternè indulgemus, dummodo ab Adm. RR. PP. Magistris F. Josepho Nofadini, & F. Antonio Camerin luce dignum judicetur, eorumque censorio in scriptis calculo approbetur. In Nomine Patris, & Filii, & Spiritus Sancti Amen. In quorum fidem &c.  
Datum Romæ in Conventu nostro S. Mariæ super Minervam die 2. Novembris 1726.

**Fr. Thomas Ripoll Mag. Ord.**

**Reg. fol. 1.**

**Fr. Gayetanus Benitez de Lugo  
Mag. & Socius.**

**AP.**

APPROBATIO THEOLOGORUM  
Ordinis Prædicatorum.

**C**Um a Reverendissimo Patre Magistro Generali Ordinis nostri fuerimus deputati, ad examen Libri, cui titulus est, *Ambrosii Catharini Vindiciæ: de necessaria in perficiendis Sacramentis intentione, Theologica Disputatio*; editi ab Adm. R. P. Magistro F. Jacobo Hyacintho Serry, Academiæ Patavinæ publico Theologiæ Professore; ad libri hujus examen, qua potuimus diligentia incubuimus; nihilque in eo deprehendimus, quod aut fidei, aut bonis moribus adversetur; imo non pauca observavimus Scholis nostris plurimum profutura: utpote quæ Doctoris Angelici mentem, de eo quod illic pertractatur argumento, & aperiant, & egregie defendant. Quapropter Opusculum hoc publica luce dignissimum judicamus.

Datum Patavii in Conventu nostro S. Augustini die 30. Novembris 1726.

F. Joseph Nofadini Magister, & Doctor Collegiatus.

F. Antonius Camerin Magister, Doctor Collegiatus, & Conventus S. Augustini Prior.

NOI

## NOI RIFORMATORI DELLO STUDIO DI PADOVA.

**H**Avendo veduto per la Fede di revisione, ed approvazione del P. F. Tomaso Maria Gennari Inquisitore, nel Libro Intitolato: *Ambrosii Catharini Vindiciæ: de necessaria in perficiendis Sacramentis intentione*; Non vi esser cos' alcuna contro la Santa Fede Cattolica, e parimente per attestato del Segretario nostro, niente contro Principi, e buoni costumi, concediamo licenza a Gio: Battista Conzatti Stampatore in Padova, che possa esser Stampato, osservando gli ordini in materia di Stampe, e presentando le solite copie alle pubbliche Librerie di Venezia, e di Padova,  
Dat. 23. Settembre 1726.

- ( Carlo Ruzini K. Proc. Rif.
- ( Andrea Soranzo Proc. Rif.
- ( Z. Piero Pasqualigo Rif.

*Agostino Gadaldini Segret.*

AM.



I

# AMBROSII CATHARINI

VINDICIÆ.

DE NECESSARIA  
IN PERFICIENDIS SACRAMENTIS  
INTENTIONE,

*THEOLOGICA DISPUTATIO.*



**D**E Intentione , in Sacramen-  
tis , non pie quidem ac re-  
ligiose , sed rite valideque  
adminiſtrandis , ſuſcipien-  
diſque neceſſaria , dicere juſ-  
ſus , quantum ad ſtudioſæ  
Juventutis , quæ mihi in diſciplinam tradita  
eſt , institutionem ſatis ſit , faciam pro ſoli-  
to meo more docendi . Nempe quid ea de re ,  
Catholica Fides habeat , primo omnium loco  
ponam , & contra hujus ætatis Heterodoxos  
quàm breviffime potero explicabo , atque de-  
fendam . Tum quid in Catholicis Scholis opi-  
nionem ſit liberum , multo fuſius tractandum  
aggrediar ; celeberrimumque Ambroſii Catha-

A

rini,

rini, Tridentinæ olim Synodi Theologi Systema, de externa, ut vocant, in perficiendis Sacramentis, intentione, quo Theologicæ nunc Scholæ undique personant, bono in lumine ponam, propugnabo, defendam, & ab inconsultis quorundam censuris pro modulo vindicabo. Opus porro faciam eo lubentius, quod ea summi Viri sententia, quæ ante annos circiter octoginta conclamata, ac deplorata videbatur, quod a paucis intelligeretur, in Scholarum tandem honorem venerit, & in litterariis congressibus, quibus jam sæpe defenditur, Eruditorum, a quibus cœpit intelligi, plausum accipiat.

## C A P U T I.

*Protestantium Error, de Ministrorum Intentione  
refertur: Ecclesiæ Catholicæ Fides  
proponitur, explicatur.*

I. **T**Ametsi in re Sacramentaria, multis capitibus errent novæ Reformationis Architecti, nuspiam tamen stolidiori labuntur errore, quàm ubi Sacramentorum Administratos tanquam truncos, & stipites nobis occulant, qui rem sacram perinde faciant, tametsi nil cogitent, nil animo intendant, imo  
vero

vero sacra Myſteria palam irrideant ; atque deludant .

Hoc nobis doctrinæ portentum Lutherus venditat lib. de Captivitate Babylonica Cap. de Baptiſmo , & toto paſſim libro de abroganda Miſſa privata , quem anno 1534. iratis diis in publicum miſit . Erroris ſuffragatores habet Joannem Calvinum in Antidoto contra Concilium Tridentinum , ad Canonem 11. Selliſionis ſeptimæ , Tilmannum lib. de ſexcentis Pontificiorum erroribus , Kemnitium 2. parte Examinis ; omneſque geminæ ſectæ Profeſſores , quorum hæc una vox eſt , una ſententia , Sacramentum re ipſa perfici , tametiſi Miniſter perficere non intendat , inoriturum omnem aperto joco , ac ludo derideat .

Nobis Catholicis videtur aliter . Nullum Sacramentum exiſtimamus , niſi Miniſter ſerio peragat , velitque re ipſa id agere , quod vera facit , & frequentat Eccleſia . Quod ne forte a nonnullis perperam accipiatur , neve ſub æquivoco laboret Catholica veritas , nonnulla præmonere opus eſt , quæ agitandæ graviffimæ controverſiæ lucem afferant .

II. Recolenda in primis venit,altaque mente deſigenda multiplex intentionis acceptio . Cum enim intentio proſcriptum voluntatiſ ſit , quo Miniſter Sacramentum conferre de-

liberat ; triplex intentio secernitur : habitua-  
lis nempe , quæ prompta quædam facilitas est  
operandi ex habitu ; seu infusus ille sit , seu  
etiam acquisitus : aut si mavis prona voluntas  
est operis faciendi , in actum tamen nullatenus  
influens , de quo nulla est plerumque cogitatio ,  
vel memoria . Sic viri ebrii , largiorique  
potu depositi , ac plane recocti , ea  
quandoque incogitantes peragunt , quæ usu  
antea frequentabant . Actualis intentio præ-  
sens animi applicatio , & attentio est ad opus ,  
quod peragitur . Virtualis demum illa dicitur ,  
quæ ex actuali intentione præcedente , nec  
per contrariam intentionem , nec per nota-  
bilem temporis moram interrupta , in homi-  
ne perseverat .

Habitualement intentionem minime suffice-  
re Catholici docent , quod etiam in dormien-  
tibus , & ebriis reperiatur . Actualement non  
requiri , ultro concedunt ; quod hæc ob præ-  
cipites animi evagationes , in potestate no-  
stra plerumque non sit . De virtuali , ad-  
versus Lutheranos , & Calvinistas , tota  
lis est .

Quocirca tamen studiosam Juventutem  
monitam velim , decimo tertio Christiani no-  
minis sæculo , nondum eam triplicis inten-  
tionis distinctionem , in Scholis Theologicis  
inva-



invaluisse ; omnemque intentionem , quæ actualis non esset , ab illius ætatis Theologi habitualem fuisse dictam : ita tamen ut quandam intentionem habitualement agnoscerent , quæ virtute præcedentis actualis , influat in effectum ; qualem in præsentia virtutalem Theologi nuncupant . Quapropter dum Doctor Angelicus 3. parte quæst. 64. art. 8. ad 3. scribit *Intentionem habitualement sufficere , ad perfectionem Sacramenti* ; loquitur pro more illius ætatis ; eoque nomine virtutalem intentionem intelligit , quæ nimirum uti proxime subjungit , *Virtute primæ intentionis , influit in Sacramentum* . Quæ enim pure habitualis intentio est , in actum nullatenus influit .

III. His proludii loco positis , consentiunt jam Theologi plane omnes , ( idque a Tyronibus observari omnino velim , quod & ab Innocentio IV. notatum est , in Caput , *si quis puerum* , extra de Baptismo , & ejus effectibus , ) consentiunt inquam , nequaquam desiderari distinctam intentionem faciendi quod facit Ecclesia Romana Catholica , quæ sola vera Ecclesia est ; sed generalem intentionem faciendi quod vera facit Ecclesia , a Christo Domino instituta , quæcumque tandem illa credatur esse : quamquam in hujus rei ferendo

judicio ; quænam scilicet vera Ecclesia sit , Minister aberret . Imo si quis forte Calvinianæ sectæ Minister , rem sacram peragens , distincte intenderet facere quod facit Ecclesia , exempli gratia Genevensis , aut Anglicana , adhuc valide faceret ; quia ille hæc etiam in hypothesi , intenderet facere quod vera facit Ecclesia , a Christo Domino instituta : atque in eo duntaxat falleretur , quod spuriam Ecclesiam Genevensem , & Anglicanam , universalis Ecclesiæ , a Christo Domino institutæ membrum esse sibi fingeret . Uno verbo , judicium , ut Schola loquitur , speculativum , rectum haberet Minister ille , quo crederet id esse faciendum , quod vera facit Ecclesia : quamquam judicium practicum falsum esset , quo schismaticam Genève , aut Angliæ Synagoga , veram Christi Ecclesiam esse existimaret .

Consentiunt etiam Theologi omnes , non desiderari in Ministro intentionem producendi effectum Sacramenti ; sed satis esse intentionem perficiendi Sacramentum ipsum ; quamquam revera Sacramenti effectum omnino nollent . Cujus quidem ratio est : quia causam intendere satis est , ut effectus virtute intelligatur intentus : quisquis autem causam sine effectu voluerit , & intenderit ,

pu-

pugnantia velle censetur . Quare Ecclesia Catholica Pelagianos , & Calvinianos , in ipsius gremium redeuntes , novo Baptismate tingendos nunquam existimavit , aut Baptisma in alterutra secta susceptum , irritum habuit ; quamquam Pelagiani Ministri originale peccatum , quod fictitium arbitrantur , Baptismate deleri nollent ; Calviniani vero Characterem sacra lotionis animæ imprimi diffiteantur .

Quocirca cum aliàs Viri nonnulli Galliarum eruditi , Calvinianos in Ecclesiam reduces , idcirco novo Baptismate initiarent , quod illi *in remissionem peccatorum* minime baptizati viderentur , quia veram remissionem peccatorum fieri negant ; Pius V. Pontifex Sanctissimus eam agendi rationem improbat : eodemque duce , & auspice reprobarunt Concilia Gallicana privatarum Ecclesiarum , & Calvinistarum Baptisma validum pronunciarunt : nempe Concilium Ebroicense Ann. 1576. Rhotomagenſe Ann. 1581. Rhemenſe , & Turonenſe 1583. Aqueſe 1585 ; & Tholoſanum 1590 .

Iis circumscriptionibus temperata , ac bono in lumine posita Catholicorum sententia , de intentionis necessitate , probanda jam nobis est , omnique momentorum genere

confirmanda : ut publicam Ecclesiæ causam adversus hujus ætatis Heterodoxos pro virili parte tueamur.

## CAPUT II.

*Ecclesiæ Catholicæ Fides , de Ministrorum intentione probatur , atque defenditur .*

I. **I**N probationem itaque veniunt loco primo sacræ litteræ, quibus palam aperteque liquet, Sacramentorum Ministros a Deo esse datos, & constitutos, ut Mysteriorum dispensatores : sic *Nos existimet homo*, inquit Apostolus 2. ad Corinth. 3. *ut Ministros Christi, & dispensatores Mysteriorum Dei.* Porro dispensatores dici non possunt, nisi intentionem veram, atque sinceram habeant. Qui enim constituitur dispensator, prudenter debet agere, proindeque ex rationis judicio, adeoque cum libera, & veri nominis intentione.

Accedunt in ejusdem veritatis confirmationem Ecclesiasticæ definitiones, antequam Lutherana, & Calviniana Hæresis oriretur. Prima quidem Concilii Constantiensis, ubi homines de hæresi suspecti jubentur interrogari : *An credant, quod malus Sacerdos, cum de-*  
bita

bita materia , & forma , & intentione faciendi  
 quod facit Ecclesia , vere baptizet , & vera  
 conferat Sacramenta ? Contraria enim assertio  
 unus ex VVicleffi erroribus erat : hoc itaque  
 ad Fidei professionem pertinere supposebat  
 sacra Synodus , intentionem faciendi quod fa-  
 cit Ecclesia , in Sacramentorum Ministro de-  
 siderari .

Altera definitio ex Concilio Florentino  
 desumpta est , seu verius ex Eugenio IV. in  
 Decreto ad Armenos , ( aberrant enim qui  
 illud ab ipso Concilio Florentino editum pu-  
 tant ) ubi septem Ecclesiæ Sacramentis recen-  
 sitis , ita subjungitur : *Hæc omnia Sacramenta*  
*tribus perficiuntur , videlicet Rebus tamquam mate-*  
*ria , Verbis tamquam Forma , & persona Mi-*  
*nistri , conferentis Sacramentum , cum intentione*  
*faciendi quod facit Ecclesia .* Hincque factum  
 est , ut antequam Tridentina Synodus , ad  
 pleniorum Lutheranæ , & Calvinianæ sectæ  
 proscriptionem cogeretur , articulum hunc  
 Martini Lutheri , inter alios bene multos  
 proscripserit Leo X. *Si Sacerdos non serio , sed*  
*joco absolueret , si tamen credat pœnitens se esse*  
*absolutum , verissime est absolutus .* Adeo ve-  
 rum est , seriam , sacri ritus peragendi vo-  
 luntatem in Ministro desiderari .

Majorum exempla secuti sunt hac in parte  
 lau-

laudati Pontifices, Eugenius IV. & Leo X. Baptismum enim ab energumeno datum, cui non fuerat lucidum intervallum, cassum, nullum, irritumque pronunciavit Firmilianus Cæsariensis Episcopus, tertio Christiani nominis sæculo, ut ex ejus ad S. Cyprianum Epistola compertum est. Ordinatio pariter ab Episcopo temulento, & ebrio attentata, futilis prorsus, & nulla judicata est, teste Eusebio Lib. 6. Hist. Ecclesiasticæ Cap. 33. non alia sane de causa, quàm quod temulentus, & energumenus veræ, & propriæ intentionis sint penitus incapaces; si & temulentus sit plane recoctus, & energumenus lucidis careat intervallis.

II. Neque leve rationum pondus est, quibus malenatus Lutheri, & Calvinii error exploditur, Ecclesiæ Catholicæ sententia confirmatur. In primis enim Sacramentorum administratio actio humana debet esse: ut enim Christus homines Sacramentorum Ministros instituit, ita Sacramentorum administrationem, actionem humanam esse voluit; ne forte rei sacre Ministri more pecudum Altaribus ministrarent. Actio porro humana esse non potest, nisi ex intentione fiat: non enim humana est nisi libera sit; nec iterum libera, nisi fiat ex rationis judicio, cum electione

## I N T E N T I O N E. 11

ctione voluntatis . Atque hinc petitur discriminis ratio , Sacramentum inter , & frumentum , aut pharmacum ; quorum exemplis Lutherani turpius abutuntur . Ad istorum quippe vim , & efficaciam , nihil Medicus , & Agricola conferunt ; & tam prodesse homini possunt , si fortuito , & casu se offerant , quam si consulto offerantur .

Rursus , quoties actio aliqua varios ad fines referri potest , ad unum non determinatur , nisi ex voluntate , & intentione agentis . Porro Sacramentalis actio , ut externa Infantis ablutio , varios ad fines referri potest : Infans enim perinde aqua potest abluī , vel ad munditiam corporis , vel ad sanitatem , vel per jocum . Necesse itaque est , ut determinetur ad Sacramentalem effectum , per intentionem abluentis , quæ verbis Sacramentalibus exprimitur , *Ego Te baptizo &c.*

Iterum id discriminis intercedit , inter instrumentum vivens , ac liberum , & instrumentum inanimatum ; quod illud & se moveat , & moveatur , istud moveatur duntaxat . Quare primum non modo agentis principis motu eget , sed & semetipsum ad agendum determinare debet . Jam Sacramentorum Ministri , Christi Servatoris instrumenta sunt , non inanimata , aut necessaria , sed

vi-

viventia ; ac libera : quamobrem inter administrandum Sacramenta , se se debent ad agendum determinare : quod certe fieri nequit , nisi vera intentione ducantur , certoque consilio .

III. Neque vero Luthero , & Calvino favet , quod vim suam omnem ex Christi institutione Sacramenta derivent . Quamquam enim res ita sit , applicationem tamen a Ministris habent , tanquam ab instrumentis animatis , & ratione utentibus . Eo plane modo , quo judicia a subjectis Judicibus lata , robur omne a supremo Principe mutantur , qui ferendi judicii potestatem delegavit : neque tamen rata illa sunt , atque valida , si forte joco proferantur , nullaque subjectis Judicibus voluntas insit , justitiam ministrandi . Imo nec lata sententia putanda esset , neque executioni demandanda , si supremus etiam Princeps , per jocum , ac deridiculum , aut forte si mero depositus damnaret aliquem capitis : quia nec ipse quidem ita velle censeretur , qui certa tunc mente , & deliberata voluntate non ducitur .

His momentis ducta Synodus Tridentina Sess. 7. Can. 11. , & Sess. 14. Can. 9. eos omnes anathemate petiit , qui intentionem non requiri contenderent , faciendi quod facit



cit Ecclesia ; quique Sacramentum perfici dicerent , tametsi Sacerdoti desit animus serio agendi , totumque ritum joco peragat . Si quis dixerit in Ministris , dum Sacramenta conficiunt , & conferunt , non requiri intentionem saltem faciendi quod facit Ecclesia , Anathema sit .... Si quis dixerit , Absolutionem Sacramentalem Sacerdotis non esse actum judiciale , sed nudum ministerium pronuntiandi , & declarandi remissa esse peccata confitenti , modò tantum credat se esse absolutum ; aut Sacerdos non serio , sed joco absolvat , Anathema sit .

Quo judicio recentium Sacramentariorum error damnatus est , & impletum tandem aliquando D. Augustini votum . Is etenim Lib. 7. de Baptismo contra Donatistas Cap. 53. quæstione mota , quid de Baptismo mimice , & joculariter ministrato sentiendum esset , num raturus esset habendus , necne ? Sententiam præcipitare noluit , seque Concilii OEcumenici definitionem , novamque revelationem desiderare significavit : *Nobis tutum est* , inquit , *in ea quæstione non progredi aliqua temeritate sententiae , quæ nullo in Catholico regionali Concilio cæpta , nullo plenario terminata est : sed Divinum Judicium , per alicujus revelationis oraculum , implorandum esse censerem* . At quo ex tempore controversia in plenario Concilio Tridenten-

dentino eliquata fuit, dubitare jam nefas est: ingentisque audaciæ rei sunt Calviniani, ac Lutherani, qui hanc Augustini ea de re dubitationem, in erroris sui quaecumque præsidium accersunt; cujus modestiam, in OEcumenicæ Synodi definitione amplectenda, imitari debuissent.

IV. Neque tamen ea qualiscumque D. Augustini subdubitatio, de Baptismo mimice collato, num validus esset, an invalidus, Calviniano Systemati prodest. Non enim idcirco ea de re dubitavit Sanctissimus Doctor, quod minus perspectum haberet, an intentio Ministri ad Baptismatis perfectionem necessaria foret: sed quod ambigeret, an cum mimico joco necessaria stare possit intentio. Potest enim mimus Baptisma conferens, repentina pietate commoveri, sicque non modo necessariam, sed & rectam intentionem habere: quod S. Genesio, Christianorum Baptisma in scena ludenti contigisse plerique putant. Potest etiam mimus, quamvis perversa sit ejus intentio, vel ita se gerere, ut ridenti, & jocandi causa, aliquid serio velit efficere. In primo quidem casu, mimus deest intentio faciendi quod facit Ecclesia: in altero intentionem illam fortassis habet, aut certe eam habere videri potest. Quæ cum ita sint,

ni-

nihil quidquam Augustinus affirmare voluit; donec divina revelatione, & OEcumenicæ Synodi definitione, res aliàs subobscura prodiret in lucem. Nec propterea de intentionis necessitate dubitavit, ut Calviniani audacius effutiunt; sed dubius hæsit, num intentio necessaria, mimis in theatro ludentibus nonnunquam adesset: quæ facti potius, quàm dogmatis quæstio est.

Non eam tamen Sacræ Synodi definitionem expectandam censuit Augustinus, quæ dubium facti solveret; an scilicet hic, aut ille mimus nil nisi jocari voluerit, aut etiam occasione jocandi aliquid serio voluerit agere: hoc etenim factum privatum, ac singulare, imo etiam jocantis mente sæpissime abditum, nulla unquam definiet Synodus OEcumenica: sed definitionem expectari voluit, novamque cœlitus illustrationem, quæ dubium juris solveret; de sufficientia scilicet, atque valore hujus aut illius modi baptizandi; tale ferendo judicium, quod inter certas Ecclesiæ definitiones haberetur. Quod fecere postea Sacræ Synodi, Constantiensis, Florentina, & Tridentina. Sed jam ad diluenda protestantium momenta progrediendum.

## CAPUT III.

*Protestantium Momenta ex Historiis Ecclesiasticis petita diluuntur.*

**I.** **S** Cenam suam Lutherani, & Calviniani ludunt argumento ex scena petito; ex Genesio scilicet mimo, qui cum Christianæ Religionis Mysteria coram Diocletiano Imperatore luderet in theatro, ægrotum se finxit, ac simulavit; & ab altero mimo suam quoque scenam ludente, per derisum baptizari voluit: sed a Deo derepente mutatus, theatrale Baptisma sibi ab histrione ministratum sincero suscepit animo, ac postmodum pro Religione ipsa quam luserat, mortem oppetiit. Hinc extundere sibi putant novæ sectæ Professores, valere re ipsa Sacramentum, tamen si nulla ministranti adsit intentio, totusque ritus minime, ac joculariter peragatur.

Confecutionem negare fas fuerit, tamen si rem ita contigisse fateremur, uti Novatores obtendunt. Nullo etenim veteris memoriæ documento liquet, Genesii Baptisma in theatro susceptum, ratum ab Ecclesia habitum esse. Equidem sacris Ecclesiæ fastis

Ge-

Genesius adscriptus est , ad diem 25. Augusti : bene est , at non aquæ Baptismo , sed sanguinis ; sive martyrio pro Christi fide post scenam absolutam appetito . Ita Theologi pene omnes : quod utique argumento solvendo sufficientissimum est.

Sed & ego plus audeo , qui facta hujusmodi historica non obæsa omnino nare excipere soleo . Genesii Baptisma in theatro susceptum , putidis fabulis accensendum existimo . Movet me in primis silentium Scriptorum veterum ; quod gravissimi in rebus historicis momenti esse , nemo nescit . Nullus quippe ante nonum Ecclesiæ sæculum , quo Ado Viennensis Martyrologium adornavit , historiam hanc nobis vendidit ; quam sub Diocletiano , quarto scilicet in eunte sæculo contigisse feratur . Qua porro sorte fieri potuit , ut per annos ferme 600. qui a Diocletiano ad Adonem usque effluerent , nullus hujusce facti mentionem iniecerit , si vere in Ecclesia contigisset ? Sane historiam hanc D. Augustino ignotam fuisse , certò liquet . Is etenim Lib. 7. de Baptismo contra Donatistas Cap. 53. prolixè admodum disputat , num Baptisma a mimo de repente mutato susceptum , ratum haberi posset , ac validum ? Difficultatem vertit in

B

omne

omne latus Doctor Sanctissimus : quō casu nihil illi erat ad institutum accommodatius, quā vulgatum Genesii factum per censere. At ne verbum quidem ea de re illi excidit.

Movet me insuper recentium Scriptorum in facto narrando dissonantia: quo nullum falsitatis argumentum majus esse potest. Ado quippe Viennensis Genesium non ab altero mimo baptizatum inducit, sed a Christiano Sacerdote, quem simulato verbo in scenam advocasset Genesius. Surius, aliique non pauci a Baronio recensiti in Annalibus ad annum 302. Genesium tinctum obtrudunt, ab altero mimo, quem tamen Angelus monuisset, ut rem sacram serio pieque ministraret. Alii ab Angelo ipso tinctum effutiunt, quo momento mimi illi rem sacram luderent. Ita sane fabulatores mutuo dissidio committuntur.

Movet me demum ipsa etiam dissonantium narrationum ineptia. Ecquis enim sibi fingat, Christianum Sacerdotem simulato verbo advocatum, ad ludricum spectaculum, in Ecclesiæ Catholicæ derisionem explicatum accedere, suasque ludentibus operas locare voluisse, ut legimus apud Adonem? Quis credat ausum illum, coram Diocletiano Christianorum persecutore insensissimō,

mo ; se se in theatrum inferre , sacra sua celebraturum ? Quis credat illum peracto Baptismo , tuto capite recessurum fuisse ?

Rursus , quod de Angelo mimum admonente fabulantur alii , ut sacrum ritum serio pieque ministraret , insulsum est ; nisi & illud addatur , mimum illum Genesii baptizatorem , ab eodem Angelo ad fidem fuisse conversum ; quod tamen a nemine proditum est . Aliàs admonendus potius erat , ut a re sacra facienda sibi temperaret ; cujus vel sola in theatro ministratio sacrilegium est . Quare cum tot ex capitibus nutet Genesii historia , ruit quod ex illa petitur Lutheranorum argumentum .

Quamquam & aliàs nihil inde extundere possent Lutherani . Seu enim a Christiano Sacerdote in scenam vocato ; seu a mimo per Angelum , ut rem sacram serio perageret admonito ; seu demum ab ipsomet Angelo , Genesium in theatro baptizatum ponamus ; debitam ministrantis intentionem accessisse certum erit : ut nihil inde præsidii colligant Lutherani , & Calvinistæ .

II. Ex altero Historiæ Ecclesiasticæ monumento præsidium petunt Sacramentarii recentiores : ex facto scilicet S. Athanasii adhuc pueri , quod a Sozomeno Lib. 11. Historiæ

Ecclesiasticæ Cap. 17, & a Socrate Lib. 1. Cap. 14. memoriæ proditum est. Scilicet cum puer Athanasius S. Alexandrum Episcopum Alexandrinum, Baptisma solemniter ministrantem sæpius observasset, eundem die quadam infantili simplicitate imitari voluit; cæterosque secum ludentes pueros catechumenos baptizavit. Re ab ipsomet Alexandro Episcopo per speculam observata, & ad consilium Sacerdotum vocata, Baptisma a ludente puero collatum, ratum validumque habitum est. Porro, inquiunt Lutherani, nullam puer ille rei sacræ faciendæ intentionem habere potuit, sed ludendi; stat ergo absque intentione validum Sacramentum, imo & Sacramentum joco peractum.

Factum hoc a Sozomeno licet, & Socrate recensitum, vix ac ne vix quidem admiserim, quod ex putido anachronismo falsi convincitur. Rem sic evinco, annorumque rationes subduco: attentum Lectorem duntaxat opto. S. Alexander, quo quidem Episcopatum Alexandrinum gerente, puer Athanasius luisse dicitur, ludendoque socios baptizasse, in Sedem Alexandrinam erectus est, anno duntaxat 321. uti S. Hieronymus in Chronico fidem facit. Athanasius vero post annum duntaxat quartum, hoc est anno 325. quo Concii-



ciliū Nicænum habitum est, non modo jam  
 Diaconus erat, eoque nomine atque titulo  
 Concilio huic interfuit; verum etiam jam  
 tunc inter celeberrimos illius ævi Theologos  
 censebatur, egregiamque tunc temporis, in  
 debellandis Arianis operam posuit. Imo post  
 Concilium Nicænum, hoc est anno 326. Ale-  
 xandrinus Episcopus inauguratus est, S. Ale-  
 xandro defuncto. Qua itaque forte fieri po-  
 tuit, ut S. Alexandro Ecclesiam Alexandri-  
 nam regente, puer luserit Athanasius; puer  
 inquam, qui potius multos admodum annos  
 tunc temporis numerabat; ut & Diaconus  
 esset, & celeberrimus Theologus haberetur,  
 & ad Episcopales infulas post quatuor aut  
 quinque annos assumeretur? Fabula igitur est  
 putidissima, quæ de puero Athanasio decan-  
 tatur.

Sed age, res ita fuerit ut obtenditur, puer-  
 que sub S. Alexandro luserit Athanasius, dum  
 Baptismum sodalibus contulit: rationis ni-  
 hilominus compos erat; ritum quem ab Epi-  
 scopo exerceri viderat imitatus, id profecto  
 intendit animo, quod per Episcopum facie-  
 bat Ecclesia. Neque vero ludus, cui puer  
 indulgebat, intentionis sinceritati quidquam  
 officit. Bisariam quippe contingere potest,  
 ut quis per jocum Sacramenta conferat. Pri-

mò dum Sacramentum subiectum est ; ut ita dicam , ex quo ludus , & oblectatio captatur : quando videlicet qui ludunt , vere intendunt conficere Sacramenta , animo tamen oblectationis inde capiendæ : eo plane modo , quo quis ex avaritia Sacramenta ministrans , vere utique ministrare vult ; ac re ipsa ministrat , quanquam administratio ad finem acquirendæ pecuniæ referatur . Ludus hic , quanquam illicitus , veritati Sacramenti non officit ; quia sinceram Sacramenti conferendi voluntatem involuit ; ludusque ut ita dicam , sacramentali actioni extraneus , & adventitius est . Altero modo Sacramentum per ludum conferri dicitur , tanquam obiectum ipsum quod luditur ; dum nempe qui ludunt Sacramenta conficere omnino nolunt , sed illudere . Eo plane modo , quo impii satellites , qui Christum purpura induebant , eidemque per derisum occinebant , *Ave Rex Iudeorum* , regium illi cultum deferre minime volebant ; sed illudere . Ludus hic Sacramenti veritati penitus officit , quia sacramentali actui intimus est . Porro puer Athanasius priori tantum modo lusit una cum sociis , si tamen eum lusisse concedamus : ex collato scilicet Sacramento oblectationem captabat , non ipsum Sacramentum illudebat ; Cum  
id

id omne infantili simplicitate gereret, bonoque per omnia esset animo.

Quibus & illud addiderim: Athanasium ex ipsa Socratis, & Sozomeni confessione, haud ita tunc puerum fuisse atque tenellum, dum colludentes pueros dicitur baptizasse; quin veram propriamque posset intentionem adhibere; quippe catechumenus fuisse legitur: quo in ordine nonnisi grandiusculi, & pene puberes esse poterant. En tibi multis modis enervatum illum Lutheranorum, & Calvinistarum Achillem.

III. Non est cur exemplum alterum, a Calvino in erroris sui praesidium jactatum morer hoc loco: Isaaci scilicet, Jacob praeter intentionem & mentem benedicens: (Esau enim, non item Jacob benedicere intendebat) cujus tamen benedictio rata est habita, ubi deprehensus est error: *benedixi ei, & erit benedictus*, Gen. 27. Peregrinum enim exemplum illud est, nihilque cum praesenti quaestione commune habet. Imo si penitus perpendatur, in ipsum vertitur disputantem. Quandoquidem Isaac certam veramque habuit benedicendi voluntatem; quam nullam in Sacramenta ministrantibus necessariam Calvinus existimat; etsi errore facti, eum cui benedictionem impertitus est, putaverit

Eſau, qui vere Jacob erat. Eaque de cauſa, rata ſubinde eſt habita benediſtio, quæ ex deſtinata voluntate data fuerat. Quod perinde contingeret in præſenti, ratusque omnino Baptiſmus eſſet, ſi quis per errorem alium pro alio baptizaret. Quia baptizandi voluntas, atque intentio, ad eum ſingulariter dirigitur hominem, ſuper quem ſacer ritus exercetur; quanquam errore, ut ajunt, *materiali*, alter putetur eſſe, quàm re ipſa ſit.

## C A P U T IV.

*Aliis Heterodoxorum Momentis occurritur.*

**N**ihilo plus movet, quod ex Innocentio IV. Romano Pontifice, catholico dogmati opponit Kemnitius, quaſi intentionem faciendi quod facit Eccleſia, inutilem pronunciarit, in 3. Decretalium tit. de Baptiſmo, & ejus effectibus Cap. ſi quis puerum. Innocentii verba hæc ſunt: *Non eſt neceſſe, quod baptizans gerat in mente facere quod facit Eccleſia: imo ſi contrarium gereret in mente, ſcilicet non facere quod facit Eccleſia, ſed tamen facit, quia formam ſervat, nilominus baptizatus eſt.*

At & hoc ipſum quod prima fronte videtur

tur

tur efficacissimum, nihil in gratiam erroris evincit. In primis ea Innocentii IV. sententia, quævis tandem illa sit, privati Doctoris est, non Romani Pontificis, nec in Juris Canonici partem venit. Nondum enim Pontifex erat Innocentius IV., sed privatus Canonici Juris Interpres, dum suos illos in Jus Canonicum commentarios adornavit. Secundò *internam* duntaxat intentionem, ut inutilem respuit Innocentius: unde ait, *Non est necesse ut gerat in mente*: non *externam* explodit, quæ seria externi ritus celebratione continetur. Quare in Ambrosii Catharini sententiam, de qua nobis erit in sequentibus disputandum, inclinat potius, quàm in recentium Sacramentariorum errorem.

Cæterum Innocentium *externam* saltem intentionem, in seria sacri ritus celebratione positam, quam Lutherani respuunt, agnovisse, ex eo liquet, quod verbis in objectione recitatis statim addat, *dummodo baptizare Minister intendat*: quod a Kernitio non sine ingenti fraude suppressum est, ut fidentius locum illum, in sui præsidium erroris nobis objiceret.

II. Eiusdem fortis est quod ex Juris doctrina opponitur a nonnullis, occasione videlicet protestationis, ab Episcopo fieri solita,

litæ, antequam sacras ordinationes solem-  
niter obeat. Solet nimirum Episcopus in  
ipso generalis ordinationis prologo, publice  
denunciare, nolle se quemquam excommu-  
nicatum, aut alium quemcunque debitis ti-  
tulis destitutum sacris ordinibus initiare. Ni-  
hilominus si quis forte in ordinandorum nu-  
merum irrepat excommunicatus, aut debitis  
titulis destitutus, facerque ordinationis ri-  
tus super eum peragatur, hunc vere ordi-  
natum jura decernunt. Quandoquidem il-  
lum suspensione, & excommunicatione ple-  
ctunt, non secundò ordinandum decernunt.  
Est igitur valida ordinatio, absque ordina-  
toris intentione, imo repugnante illius vo-  
luntate.

Nihil id adversæ parti suffragatur. Quan-  
quam enim ita protestetur Episcopus, non  
tamen eo casu intentio deest, id efficiendi  
quod facit Ecclesia. Quia protestatio ab E-  
piscopo fieri solita, comminatoria duntaxat  
est, & juris externi: ac tum postea, dum  
operi manum Episcopus admovet, contrario  
actu in singulari uniuscujusque initiatione re-  
tractatur, saltem quoad intentionem exter-  
nam, in seria liberaque sacri ritus celebra-  
tione positam; cum omnes perinde serio, &  
libere sacris initiet: quanquam interior illi  
for-

forte ; quoad pauculos illos temere irrepentes , desit intentio.

III. Erit fortasse qui fidenter objiciat ; Sacramentum a Ministro dormiente , & ebrio ministratum , tunc saltem validum esse , si antea mente sanus , ac vigilans , illius administrandi propositum iniit . Quemadmodum homo ebrius , aut dormiens , homicidium *formale* , quod ajunt , cujus nempe vere sit reus , perpetrare censetur ; si eum occidat , quem sanus , & vigilans occidere constituerat . Porro homo dormiens , aut ebrius nullius intentionis est capax ; igitur potest Minister , sine ulla penitus intentione , Sacramentum aliquod ministrare .

Verum advertat , quaeso , quisquis id objecerit , nihil momentum illud evincere , in gratiam Systematis Protestantium . Li quippe nullam prorsus in Ministro postulant intentionem , ad Sacramentum valide administrandum ; ille vero qui ebrius , aut dormiens id agit quod antea sanus & vigilans agere constituerat , intentionem sin minus actualem , aut virtuales , at certe habituales , & interpretativam , ut Schola loquitur , habere censendus est , ratione videlicet consilii , & propositi praecedentis : quare nihil inde in gratiam Protestantium extundi potest .

Sed

Sed nec quidquam inde colligitur, adversus communem Theologorum sententiam, qui ad validam Sacramenti administrationem, habitualem, & interpretativam intentionem sufficere negant, virtualemque ut ut minimum postulant. Negamus enim Ministrum dormientem, aut ebrium, Sacramentum valide collaturum, etsi antea sanus, ac vigilans, conferre illud proposuisset, ac destinasset: quanquam minime negemus, hominem ebrium, aut dormientem, homicidii reum fore, si cum occideret, quem sanus, ac vigilans occidere constituisset. Ingens quippe inter utrumque discrimen est. Minister siquidem, ut valide Sacramentum administret, debet actum sacramentalem exercere, ut humanus est; adeoque debet actum velle, vel actu, vel virtute; quod sine actuali, aut virtuali intentione non potest. Ut autem homo admissi peccati sit reus, non est necesse, ut vitiosum velit actum, atque deformem, ut actus humanus est; sed satis est, si illius amet objectum, aut etiam si illud amare dispositus sit: cum vel illa sola amandi dispositio, peccatum sit: & quicumque est ita affectus, ut libenter peccaret, si daretur occasio, corde jam peccat, atque affectu: juxta Christi Domini oraculum: *Qui viderit mulierem ad concu-*



*cupiscendum eam, jam mæchatus est eam in corde suo.*

IV. At ecce inquiet aliquis: potest ebrius, aut amens, aut dormiens valide baptizari, si antea erat ita dispositus, ut Baptisma reciperet: ait enim de dormientibus, & amentibus Doctor Angelicus in 4. sentent. dist. 6. quæst. 1. art. 2. quæstiunc. 3. ad secundum: *Si ante somnum, vel furiam habuerunt propositum recipiendi Baptismum, & hoc per aliqua signa innotuit, tunc in articulo necessitatis debet eis conferri Baptismus: & suscipiunt Sacramentum, & rem Sacramenti, etiamsi furiosus tunc contradicat: quia illa contradictio non procedit a voluntate rationis, secundum quam est capax baptismalis gratie.* Quod idem habet Innocentius III. Cap. *Majores extra de Baptismo, & ejus effectibus.* Igitur pari titulo poterit ebrius, aut amens, aut dormiens valide baptizare, si antea erat ita dispositus, ut Baptisma conferret, propositumque conferendi conceperat.

Consecutionem negare mihi satis sit, disparemque suscipientium, & conferentium Sacramenta rationem dicere. Quamquam enim in suscipientibus Sacramenta, suscipiendi voluntas, atque intentio requiratur, non tamen absoluta requiritur, sed sufficit conditionata; quæ in ebriis, dormientibus, & amentibus esse

esse potest : cum e contrario absoluta ; qualis desideratur in conferentibus , in dormientibus , & amentibus esse non possit . *Sciendum* , inquit ibidem paulo supra Doctor Angelicus , *quod non requiritur in adulto voluntas absoluta suscipiendi quod Ecclesia confert , sed sufficit voluntas conditionata , sicut est in voluntariis mixtis .*

V. Mitto palmare Lutheri Argumentum ; quo is Ecclesiam Catholicam sibi videtur impetere , ex aliis ejusdem erroribus derivatum : dum inquit , Dei verbum , quacunque intentione proferatur , fidem in audientibus excitare , suumque effectum ex æquo sortiri : atque ita verba , quibus Sacramenta conferuntur , efficacia fore , tametsi qui profert , nihil animo volvat , aut aliquid nefarium meditetur . Mirto inquam , hoc Argumentum , quod ex altero aliàs a nobis confutato errore derivetur : illo scilicet , quo verba , quæ Sacramenta conficiuntur , concionalia esse fabulatur Lutherus , minime verò consecratoria . Do ergo ut libet , ut lubet , verba concionum , quovis animo proferantur , eadem excitandi , ac movendi virtute pollere : quia vim suam omnem ex indita sibi significatione sortiuntur : at consecrationis verba non item ; quæ vim ex proferentis instituto mutantur . Hujus porro generis ea esse , quibus Sa-

Sacramenta constant, alia nos occasione demonstravimus.

VI. Restat pervulgatum Argumentum, quo intentionis necessitatem passim oppugnant Lutheranae, & Calvinianae sectae Professores. Nempe inquirunt illi, si Sacramenti integritati, & efficaciae necessaria dicatur Ministrorum intentio, gravia inde orientur incommoda, conscientiae morsus propemodum infiniti. Siquidem penes impium Ministrum erit, ut nulla intentione adhibita, Sacramenta in cassum abeant, suoque effectu sint vacua: atque ita nemo unquam certò tenebit, verum se suscepisse Sacramentum; cum nulli de Ministri intentione constare possit.

Nemo Theologorum est, qui eam Lutheranorum, & Calvinistarum argutiam non exsufflet, brevi illo expeditoque responso: neminem scilicet in hacce mortali vita de suscepta justificationis gratia certum esse; amore ne, an odio sit dignus, scire neminem: atque ita nil mirum, si nemini quoque sit exploratum, verum se, ratumque a fidei, proboque Ministro Sacramentum excepisse: fatisque proinde esse, si moralem ea de re certitudinem habeat. Habet porro quisquis ab Ecclesiae Ministro Sacramentum suscipit. Quia tametsi vis illius, & efficacia a conferentis intentione

ne

ne pendeat, hanc tamen ab illo fuisse adhibitam æstimare par est; meritoque credendum, Ecclesiæ Ministrum suas pro munere partes obiisse.

Cæterum non nisi moralem certitudinem, de vero suscepto Sacramento fideles habere posse, fateantur oportet Calviniani, hac etiam missa quæstione, de necessaria intentione Ministri. Etsi enim ea non esset intentio necessaria, quis neget necessariam saltem esse, propriam cujusque Sacramenti materiam, propriamque cujusque formam, ut stet ratum, ac validum Sacramentum? Quis autem spondere sibi certo potest, certitudine utique physica, veram propriamque suscepti Sacramenti fuisse materiam, veram etiam propriamque formam: nullamque in iis adhibendis, fraudem fuisse a Ministris admissam, errorem nullum? Quis inquam certo sciat, num aquam naturalem, in conferendo Baptismate, potius quàm rosaceam, aliamve quamcunque liquatam Minister adhibuerit? An triticeum potius panem, quàm hordeaceum, aut filigineum, ad Eucharistiæ consecrationem sibi sumpserit? An evangelica verba, ad utriusque Sacramenti formam præscripta, rite pronunciaverit, aut quid aliud loco formæ secreto demurmuraverit? De his ergo

ergo non nisi moralem certitudinem habemus; qualem scilicet de vera adhibita a Ministris intentione, habere possumus, dum suo in Ecclesia funguntur officio.

Sic sane Theologi ferme omnes futilem Protestantium argutiam elidunt. Ad solutionis tamen cumulum, Ambrosius Catharinus Concilii Tridentini Theologus non ignobilis, ac postmodum Compfanensis Archiepiscopus, quò plenius insulsam argutiam confutaret, singulare quidpiam excogitavit: Systema celeberrimum, de externa, ut aiunt, intentione duntaxat necessaria in Scholas invexit; seu potius a nonnullis Theologis antiquis excogitatum, meliorem in lucem induxit. Contendit scilicet ille, vel ex hoc uno quod Minister Ecclesiæ, seriò, omnique semoto joco Sacramentum forinsecus administrat, certos nos esse debere, ratum validumque (quoad intentionem attinet) esse Sacramentum; non modo quia præsumendum est, Ministrum Ecclesiæ, ita externe serio ministrantem, internam quoque intentionem adjungere: verum etiam quia sola illa intentio exterior, seriaque forinsecus ministratio sufficit, nulla licet accedente interiori intentione, ut stet validum Sacramentum: qua de re nobis est in sequentibus disputandum.

C

CA-

## CAPUT V.

*Ambrosii Catharini Systema de externa , ut  
aiunt , intentione proponitur ,  
explicatur .*

I. **C**onfutato recentium Hæreticorum errore , qui Sacramentum stare aiunt , tametli joco , & derisione peragatur , omnique semota intentione id agendi quod agit Ecclesia , postulat officii ratio , ut qualis ea intentio esse debeat , paulo distinctius expendamus : celeberrimamque ea de re Ambrosii Catharini sententiam , ad exactum Theologiæ criterium revocemus . Primò tamen omnium , quia eam sententiam idcirco a multis impugnari video , quòd a paucis intelligatur , hanc in bono lumine collocabo , ne forte , quod sæpe fit , præpostero sensu accipiatur .

Catharini itaque sententia est , stare omnino atque valere Sacramentum , si Minister duntaxat intendat celebrare ritum illum externum , quem Ecclesia celebrat ; illumque re ipsa libere , seriò , omnique semoto joco exterius administret , materiam adhibens , formamque pronuncians , in iis maxime circun-

eunstantiis , ex quibus determinatur ad agendum tanquam Ecclesiæ Minister : nihilque obesse valori Sacramenti , si intus occulta mente contrariam intentionem animo gerat ; nolitque clam , atque secreto actionem illam sacramentalem esse , qualem illam Christus instituit . Ita ille sententiam suam exponit Opusculo *de intentione Ministri*, quod pendente Concilio Tridentino , hac ipsa in urbe elucubravit . Cum contra alii plerique Theologi putent , Sacramentum irritum esse , nisi præter intentionem externi ritus celebrandi , seriamque ac minime jocosam illius administrationem , interior etiam atque secretior accedat intentio , qua ritum illum velit esse sacramentalem , qualis est a Christo Domino institutus .

Mentem suam opportunis exemplis aperit Catharinus . Da E. G. Judicem , qui ridens ac inter amicos , & pocula ludum faciens , sententiam aliquam ferat : is certe iudicium tulisse censendus non erit , nec reus joculari illa sententia putabitur absolutus ; aut forte damnatus . At si sedens pro tribunali , partibus auditis , servatisque publici juris formulis , voce gravi , vultu , habituque senatorio , seriò , libereque sententiam pronunciet ; annon quæso iudicium stabit , tametsi

intus fortassis aliud animo volvat Judex, reumque occulta mente nolit absolvere?

Da pariter, si lubet, virum aliquem, qui coram Judice juramentum emittat, libere serioque, juxta præscriptas juris formulas; qui tamen intra semetipsum occultam intentionem retineat, eo se juramento nullatenus obligandi: annon jurisjurandi religione tenebitur; palamque exhibebitur, si forte postea dicat, quod olim aiebat nescio quis, *Juravi lingua, sed mentem injuratum retinui?*

Tales tibi Ministros exhibet Catharinus, ritum externum libere, serioque celebrare volentes, ac re ipsa serio celebrantes, in iis maxime circumstantiis, ex quibus determinantur ad agendum tanquam Ecclesiæ Ministri, illiusque nomine. Hos valide Sacramenta conficere docet, licet intus occulta mente Sacramenta, uti Sacramenta conficere nolint, totumque quod exterius agunt, secreta mente retractent.

II. Quare Ambrosio Catharino gravem injuriam irrogant, qui nihil illum a Calvinii, & Lutheri sententia distare aiunt, Distat enim vero longe maxime, ac quantum distat ortus ab occidente. Illi quippe Sacramentum ratum effutiunt, tametsi Minister ritum externum ministrare nolit, sed irride-

re,



te, illumque palam, aperteque ludat, vercatque ludibrio. Unde Sacramentum theatrale, ac scenicum, raturum validumque contendunt. Catharinus e contrario externi ritus serio ministrandi intentionem postulat, seriamque administrationem externam exigit, qualis a Ministro solemniter, & publice ministrante præstatur; illiusque efficaciz nihil officere ait, contrariam voluntatem Sacramenti penitus irritandi, modò occulta sit, atque secreta, nulloque externo signo se prodatur. Unde & Marcus Antonius de Dominis, Lutheranzæ sectæ professor Lib. 6. de *Repubblica Ecclesiastica* Cap. 12, ubi perversum hæreticorum dogma adstruit, atque defendit, Catharinum a sua, & Lutheranorum sententia prorsus alienum agnoscit.

Imponunt pariter Catharino qui inquiunt, nullam eunt intentionem agnovisse faciendi quod facit Ecclesia; aut certe eum intentionem duntaxat externam posuisse, quæ nihil re ipsa sit quàm ipsemet actus exterior. Putida calumnia est, ex mero æquivoco derivata. Quanquam enim intentio a Catharino desiderata, *externa* vulgo dicatur, ratione nimirum objecti sui, quia spectat ritum externum serio celebrandum, qui ab Ecclesia celebratur; interior nihilominus intentio est

ratione principii ; cum sit deliberatus mentis actus , quo Minister ritum illum externum celebrare constituit . Eum enim serio non celebraret , nisi celebrare re ipsa vellet : quandoquidem totum id facere dicitur , libere non coacte , publicum in Ecclesia Ministerium exercens . Unde id aliqui aliis verbis dicunt , eundem plane sensum habentibus : desiderari scilicet in Ministro intentionem faciendi quod facit Ecclesia ; cujus tamen intentionis objectum sit ritus externus , serio ac libere peragendus , non vis , & efficacia ritus ipsius .

Est ergo in hypothese Catharini interna , veraque intentio externi ritus serio peragendi , quem Ecclesia peragit , atque frequentat : tamen occulta alia intentio animo delitescat , qua id ipsum quod exterius , serioque peragit insipius Minister , nullum irritumque , ac minime sacramentale velit esse . Est , uno verbo dicam , ea in hypothese intentio faciendi quod facit Ecclesia , quam postulat Concilium Tridentinum : sed de sola illius intentionis qualitate , deque illius objecto , ( ratione cujus externa pro more dicitur ) unice disputatur . Quare duo sibi probanda sumit clarissimus Auctor : primum , illius intentionis objectum esse , ritum sacramentalem externum , tali materia , ac forma constantem : al-

terum, Ministrum ritum hujusmodi celebrandi intentionem habere, ex hoc ipso quod illum serio ac libere celebrat. Quomodo enim serio & libere celebraret, nisi celebrare intenderet? Cum omnis actus liber, ac serius, nonnisi ex judicio rationis, & voluntatis electione procedat.

III. Sic igitur exposita Catharini sententiâ, & a malignis interpretamentis vindicata, in eam ego pedibus, manibusque venio; illamque omni argumentorum genere vindicandam aggredior; non unius Catharini præsidio tutus, quem satis aliunde novi liberioris ingenii Theologum; sed tot aliunde Theologorum, & Juris Canonici peritorum auctoritate communitus, qui hoc idem ante Catharinum, ac etiam post illum summa consensione docuerunt. Præiverant siquidem Catharino, in eo tradendo systemate, Magister sententiarum, Præpositivus, Petrus Cantor, Robertus Pullus, Petrus Paludanus, Innocentius IV. R. P., Sylvester Prieras, Angelus Clavassius, Chrysostomus Javellus, aliique nonnulli, quorum nomina mihi exciderunt. Eundem subinde sequuti sunt Alphonsus Salmeronius, Joannes Vignierius, Marius Scribonius, Zacharias Pasqualigo, Jacobus Santabovius, Antonius Arnaldus, Vin-

centius Contentsonius, Gaspar Iueninus, Franciscus Genettus, alique bene multi Sorbonicæ scholæ Magistri. Ut hinc jam in antecessum nosse liceat, quàm temere, quàm audacter sententia a tot Magistris, probatisque Doctoribus asserta, atque defensa, a nonnullis uti periculosa fugilletur, censurisque amarioribus inuratur. Maxime cum laudatorum Doctorum unus sententiam hanc anno 1649. Romæ defenderit publice, edito typis Libro, a Reverendissimo Sacri Palatii Apostolici Magistro *Vincentio Candido*, aliisque Curiae Censoribus approbato: in quo Thesim hanc propugnandam sibi sumit, quæ Catharini systema nullo fuce tectum, atque dissimulatum, (quod ad minuendam invidiam faciunt aliqui) sed ingenue candideque repræsentat: *Dicendum est sufficere intentionem, quæ moveat Ministrum, ad proferenda verba supra determinatam materiam, quam adhibeat simul cum ritu Ecclesie, & in hoc salvari intentionem faciendi quod facit Ecclesia; ita ut stante tali intentione, etiamsi adesset intentio Ministri, non conficiendi Sacramentum, adhuc conficeret. In sacra morali Doctrina, Disput. 72. de Ministro Sacramenti Sec. 4.* Sed hæc proludii loco sint, jam ad expositæ sententiæ vindicationes accedo.

CA-

C A P U T VI.

*Catharini sententia, Concilii Tridentini auctoritate  
firmatur, Ecclesiae legibus, moribus, &  
usibus stabilitur, latis olim ac nuper  
judiciis comprobatur.*

I. **F**ossa mihi; & vallum erit, in ea vindicanda sententia, Concilium Tridentinum, cujus mens eo studiosius perquirenda est, quòd hæresim Lutheranam, & Calvinianam, a qua nihil Catharini systema distare aiunt amuli obtrectatores, ex instituto damnarit. Sanxit itaque Tridentina Synodus Sess. 7. de Sacramentis in genere Can. 11. *requiri Ministro intentionem saltem faciendi quod facit Ecclesia*: Tum vero Sess. 14, quæ est de Sacramento Pœnitentiæ Cap. 6. paucis exponit, quandonam ea intentio in pœnitentiæ Ministro deesse censeatur; atque id accidere, *si Sacerdoti desit animus serio agendi, & vere absolvendi*; adeo ut pœnitens Sacerdotem jocosè absolvere, & non serio agere deprehendat. Igitur intentionem illam sufficientem judicat sacra Synodus, quæ in voluntate sacri ritus serio celebrandi consistit; adeo ut Minister nullo externo signo adversam

sam intentionem adstantibus prodat, seu, quod idem est, *Animum* in Sacerdote postulat sacra Synodus *vere absolvendi*; animum inquam externum, seria scilicet sacri ritus celebratione manifestatum, atque expressum, ut loquitur D. Thomas; cujus animi defectus a poenitente deprehendi possit.

Et certe pravam, si forte contingat, Ministri intentionem, tunc tantum officere Sacramento docet sacra Synodus, cum potest a poenitente deprehendi: porro a poenitente, aliove quocunque adstante deprehendi non potest, quandiu secretior illa est, interior, menteque abdita, interimque ritus externus serio libereque peragitur. Itaque secretam, occultam, internamque Ministri intentionem, externæ seriæque celebrationi contrariam, nihil re ipsa officere Sacramento, docet sacra Synodus Tridentina. Quæ vera germanaque Catharini sententia est.

Hanc ipsam consecutionem intulit Cardinalis Pallavicinus Lib. 12. Historiæ Concilii Tridentini Cap. 10, ubi ea sacræ Synodi verba ponderans, ita scribit: *Ex his verbis conijcere potest quisquis ea legerit, non esse rejectam sententiam Catharini, aliorumque Theologorum opinantium sufficere, ut ratum sit Sacramentum, voluntatem in Ministro serio agendi;*

va-

*valorique Sacramenti duntaxat obesse jocum, quem ipse Sacramentum suscipiens cognoscere possit. Quid ad hæc audaciores Aristarchi, qui Catharini sententiam a Tridentina Synodo proscriptam indefinenter occulant?*

Sed & ipse Historicus Eminentissimus, æquior Theologo nostro fuisset; & consecutionem ex Sessionis 14. verbis, multo veriorem, & sponte fluentem eliciisset; si ejus sententiam non modo *non esse rejectam* observasset, sed & susceptam, firmatamque fuisse dixisset. Quandoquidem quod de seria minimeque jocosa Sacramenti administratione in ea Sessione scriptum est, (quo Catharini sententiam contineri fatetur Historicus) non modo a Patribus non rejicitur, sed uti Patrum ipsorum Sententia, atque Doctrina fidelibus traditur, quam teneant, quam sequantur.

Sane Tridentinæ Synodi mentem exploratam habebit ea in parte, quisquis Lutheri errorem perspectum habebit, quem proscribendum sibi sumpsit sacra Synodus. Quis porro Lutheri error erat, nisi ille ipse, quem Leo X. ex ipsius scriptis excerptis, damnavitque unà cum aliis ejusdem articulis? *Si Sacerdos (Lutheri 12. articulus erat) non serio, sed joco absolveret, si tamen credat pœnitens se esse absolutum, verissime est absolutus.* Id ergo unum

ex opposito sanxit sacra Synodus contra Lutherum, non stare videlicet Sacramentum, dum Sacerdos non serio, sed joco rem sacram peragit. Atque adeo nihil postulat aliud, ad Sacramenti valorem, & efficaciam, quam ut serio, & semoto joco sacrum ritum exerceat. Quæ ipsamet Catharini sententia est.

II. Et vero quis credat Ambrosium Catharinum, & Alphonsum Salmeronium, Tridentinæ Synodi Theologos, qui ejus condendis Canonibus allaborabant, ne ipsum quidem Canonum Tridentinorum sensum internovisse, ut proscriptum in eis Lutheranorum errorem de industria recuderent? Catharinus porro, qui ante habitam Sess. 7. suum illud *de intentione Ministri* Opusculum Tridenti elucubraverat, Patribus non improbantibus, illud idem quinto post anno, nempe 1552. Romæ typis edidit, sententiæ, propositique tenax: tantumque abest, ut ejus occasione in aliquam erroris suspensionem venerit, aut ab æmulis suis, quos & multos & graves ex Instituto suo expertus est, ea de causa fuerit laceffit; quin potius, cum esset jam tunc Minorienſis Episcopus, ad Compsanensem Archiepiscopatum a Julio III. Pontifice Maximo translatus est, an-

no



no 1552. imo Sanctæ Romanæ Ecclesiæ Cardinalis sequenti anno designatus, & ad purpuram induendam, Romam vocatus: quanquam ne eam indueret, præcoci per iter morte prohibitus sit. Salmeronius vero, quæ Sessioni 7. præsens Theologus interfuerat, absoluta demum sacra Synodo, suos in D. Pauli Epistolas Commentarios adornavit; in quorum Lib. 1. part. 3. disp. 2. qua quærit *an Ecclesia Catholica cognosci possit*, hanc ipsam sententiam de externa, ut vocant, Ministri intentione, ad Sacramenti efficaciam sufficiente, defendit acriter, & prolixè, meliorique quàm Catharinus ipse, in luce ponit: Quodque notandum magis, Tridentinæ Synodi definitioni, Sessione 7. latæ congruentem ostendit.

Sic enim sententiam aperit suam: *Advertendum duplicem esse intentionem Ministri conferentis Sacramentum; alteram quidem publicam, & Ecclesiæ ipsius, cujus ministerio perfungitur quicumque ille sit qui Sacramentum dispensat. Hac autem intentio satis exprimitur in ipsis Sacramentorum formis, ut Ego Te baptizo, Ego Te absolvo, Hoc est Corpus meum. Intendit enim Ecclesia Catholica, sicut & Christus Sacramentorum auctor, per hujusmodi verba baptizare, absolvere, & panem in Christi Corpus convertere*

re. *Hæc autem intentio inseparabilis est ab ipsis verbis, si integre, ut debent, proferantur. Et ideo Ministri solliciti esse debent, ut formam ipsam integre pronuncient, nec illam aliquo verbo contrario vitient, quò sic perficiant Sacramentum, & Sacramenti effectum digne accedentibus conferant. Altera vero intentio privata est, & particularis ipsius Ministri; qui aut nihil credit eorum quæ facit, aut occulta, secretaque derisione facit, aut contrariam habet intentionem non conferendi Sacramenta, aut eorum effectus; etiamsi Sacramentum in forma Ecclesie consueta administret. Hæc intentio privata etsi necessaria sit, ne Minister peccet, utque conformetur intentioni Ecclesie; tamen tam fortis, & efficax non est, ut vitare Sacramentum possit. Hæc ille sub ipsum agitatæ quæstionis initium; quæ multis subinde momentis evincit, ac probat. Cumque sub finem, Canonem undecimum Sessionis septimæ Concilii Tridentini obijciat sibi, quo sancitum est, necessariam esse in Ministro intentionem faciendi quod facit Ecclesia, brevi verbo respondet: Dicendum, quod si intentio illa saltem faciendi quod facit Ecclesia, debet esse pars Sacramenti, non debet esse illa cordis interna, & privata ipsius Ministri; sed publica, quæ verbis ipsis exprimitur: ut ego Te baptizo &c.*

Quæ

Quæ omnes considerationes, sacræ Synodi Tridentinæ mentem, atque sententiam, de externa ut aiunt Ministri intentione, ad Sacramentorum efficaciam sufficiente, meridiana in luce ponunt.

III. Suffragatur eidem Catharini sententiæ, ac nostræ, vetus & constans Ecclesiæ Catholicæ disciplina. Cum enim Baptismata irrita, imo etiam dubia, & suspecta, iteranda esse jam dudum Ecclesia definierit; omni retro ætate, variorum eventuum occasione, diligentissime a sacris Conciliis, summisque Pontificibus conquisitum est, quænam irrita, quænam etiam dubia, suspectaque essent. Nulla sæpius pronunciata sunt ea, quæ materia debita, præscriptaque forma non fuissent a Ministris adhibitæ. Nulla & illa, quæ joco, & mimicè conferrentur. Nulla etiam illa, quæ ab ebriis, & energumenis administrata fuissent. Dubia illa dicta sunt, in quinto Concilio Carthaginensi, quorum non adessent legitimi testes. Suspecta & illa, quæ ab iis Hæreticis conferebantur, qui de Trinitatis Mysterio male sentirent: non quod fides Ministri, ad Baptismi valorem sit necessaria; sed quod periculum esset, ne Trinitatis invocationem intrusis erroribus vitiarent. Nusquam tamen omni re-

tro

tro ætate quæsitum video, ad explorandam Baptismatis, alteriusve Sacramenti integritatem, num Minister sceleratus, & impius, qui ritum externum serio, omnique semoto joco ministraverat, internum quoque secretumque perficiendi Sacramenti propositum adhibuerit. Numve externam illam intentionem, quam seria rei sacræ tractatione prodiderat, contrario mentis actu tacite revocaverit. Cum tamen in tanta impiorum Ministrorum turba suboriri dubitatio posset, num aliquis eo impietatis, & nequitiae devenisset. Quorsum ea de re nusquam est instructa quæstio, si valido Baptismati, alterive Sacramento conferendo, satis non est intentio illa, quæ seria, minimeque jocosa ritus externi tractatione continetur? Si secretæ illæ, occultæque impiorum Ministrorum retractationes Sacramentum irritum faciunt?

Neque vero audiendi qui dicunt, idcirco Ecclesiam de ea secreta, occultaque intentione Ministrorum nunquam quæsisse, quia de occultis minime judicat. Quanquam enim de occultis Ecclesia minime judicet quoad factum, judicat tamen quoad jus: hoc est, tametsi non judicet, an is, vel ille occultam intentionem habuerit, quod utique facti est; judicat tamen, an eam habere debuerit, ad

valorem, & efficaciam Sacramenti, quod maxime juris est. Uti certe Ecclesia non judicat, an qui sacras in Templo preces fundit, internam mentis attentionem adhibeat; judicat tamen, an eam debeat adhibere, ut Deo grata sit ejus oratio.

IV. Quid plura? Nonnullorum Ministrorum Baptismata lato judicio probavit Ecclesia, qui ultra seriam externi ritus administrationem, vix ac ne vix quidem internam illam, secretamque intentionem habere potuerant, qua ritum illum, quem forinsecus seriò, semotoque joco tractaverant, Sacramentalem esse voluissent. Baptismum enim a Pagano, & a Judæo collatum, validum pronunciarunt Nicolaus I. R. P. in Responso ad Consulta Bulgarorum Cap. 104. Et Gregorius II. Epist. ad Bonifacium Episcopum, apud Gratianum Dist. 4. *de Consecratione*. Res in confesso est apud omnes, ac patet ipsa per se se. Porro licet Paganus, & Judæus intentionem habere possint, perficiendi ritum illum externum, quem forte viderunt in Ecclesia nostra frequentari; secretiorem nihilominus intentionem habere non possunt, ritum illum perficiendi, uti re ipsa sacramentalem, taliumque effectuum (ut ajunt) operativum, & productivum. Cum nulla, ac frivola esse

D

cre-

credant Ecclesiæ Sacramenta , effectuumque omnino vacua ; Christumque impostorem per summum nefas existiment , qui nullam instituendorum Sacramentorum auctoritatem habuerit. Quemadmodum & ego vice versa intentionem quidem habere possum , Circumcisionis ritum celebrandi , quem forte fortuna vidi in Synagoga celebrari , aut sacris in Litteris descriptum legi ; possumque plane eundem illum serio, omnique semoto joco peragere ; repugnat tamen ut cum celebrare velim , celebremque re ipsa , uti sacramentalem ; cum eum sacramentalem modò non esse , fide teneam , & penitus abrogatum .

Et quidem Pontifices illi , quibus rata vila sunt Baptismata illa , a Judæo , & Pagano collata , de prudenti quidem , seriaque materiæ , formæque administratione quæsierunt ; de secreta verò , internaque illorum intentione nequaquam ; etsi ingens suspicio debuisset esse , eos illam nequaquam adhibuisse. Alteram igitur intentionem sufficere censuerunt , quæ in ipsa seria formæ pronuntiatione importatur .

V. Certe num esset irritum Calvinistarum Baptisma, in Galliis dubitatum est olim, nonnullis in Neustria , & Provincia irritum opinantibus , quia ut aiebant , *non habent Calvinistæ intentionem baptizandi , in remissionem peccato-*

*tatorum*. Re ad examen vocata, in Concilio Provinciali Rothomagensi anno 1581, & Aquisenensi anno 1585. Calvinistarum Baptisma ratum, validumque judicatum est. Cujus quidem judicii hanc rationem unicam dedere Præfules Galliarum: *Quia constabat Calvinistas, in cœtu publico baptizare, in forma verborum, & materia a Christo Domino instituta: nec de hoc facto ambigi poterat: uti ferunt laudatorum Conciliorum Acta*. Satis igitur esse significarunt Præfules illi, si ritus integer peragatur prudenter, ac serio, ut in publico Ecclesiæ cœtu fieri solet; eaque idcirco intentio adhibeatur, quæ joco opponatur, & ludio: nec de altera secretiori impiorum Ministrorum intentione quæsierunt, an ab illis adhibeatur, nec ne.

Equidem non inficior ego, Calvinianos eam quoque interiorem intentionem adhibere; eosque velle prorsus hunc ritum, uti sacramentalem: at de hoc ipso, tanquam ad valorem Baptismatis necessario, minime quæsierunt Galliarum Episcopi; satis superque fore arbitrati, si prudenter, ac serio peragatur ritus externus.

VI. Dictis colophonem apponet, nostræ hujus ætatis factum horrendum, quod ante annos circiter 80. Massiliæ contigit. Perdi-

tus Sacerdos, Parochialis Ecclesiæ Sancti Martini Pastor, seu verius lupus inventus est, magicis artibus deditus, pactoque execrando diabolo obligatus; qui per annos admodum 20. quibus Parochiam rexit, serio quidem oblatos sibi parvulos baptizabat, totumque ritum externum seriò peragebat; secretiori nihilominus intentione, totum quod agebat exterius, retractabat, infantesque, quos lustrabat, diabolo devovebat. Extremis vitæ metis admotus impius Pastor, peccatum falsus est publice, factique pœnituit, atque ita e vivis excessit. Vix dici queat, quot inde nati scrupuli, quot conscientiæ morsus, in iis maxime, qui a nefario Ministro tineti fuerant; quorum & ego aliquos novi. De iterando Baptismate plurimi cogitabant. Quid tandem? Sententiam rogati Doctores Sorbonici, quid facto esset opus, pronunciarunt nihil esse iterandum, stetisse Baptismata rata, validaque, floccique faciendam impii Ministri declarationem, qui post peractos serio sacros ritus, postea nihil se conficere voluisse, puerosque diabolo devovisse dictitabat. Id enim in ejus potestate non erat, pueros diabolo devovere, effectumque Sacramenti impedire, administrato seriò, ac libere Sacramento.

Se-



Secundum D. Thomæ mentem Doctores Sorbonici pronunciarunt, in 4. Sententiarum dist. 6. Quæst. 1. Art. 2. Quæstiuncula 2. *Sacramentum Baptismi est, quo mediante acquiritur effectus Baptismi in anima baptizati. Unde tunc est rectitudo intentionis, quando baptizans Sacramentum ordinat ad effectum Sacramenti, qui est salus. Si ergo intentio adsit in Baptizante, qui intendit Sacramentum conferre, sed desit rectitudo intentionis, quia ordinat Sacramentum ad finem indebitum, non propter hoc in recipiente impeditur Sacramenti perceptio, quia ad hoc fertur intentio baptizantis; neque impeditur Sacramenti effectus: quia mundatio interior a Ministro non est: unde ejus intentio (prava scilicet, & occulta) ad hoc nihil facit, ad irritandum scilicet Sacramentum.*

Idem secutis aliquot annis Doctores Sorbonici pronunciarunt, occasione Petri Lavardini Cœnomaniensis Episcopi; qui pariter morti proximus denunciaverat, nullum se sacris Ordinibus initiare voluisse, tametsi sacros de more ritus seriò peregisset, adeo ut nullus perversam ejus intentionem occultam deprehendere potuisset. Et has tamen ordinationes ratas, validasque Doctores Sorbonici pronunciarunt.

Quid ad hæc æmuli obtrectatores, qui Ca-

tharini Sententiam tanto fastidio despiciunt ?  
Facta enim hæc, lataque de illis Sorbonæ judi-  
cia in dubium verti nequeunt, suntque in  
Gallijs nostris lippis, & tonsoribus nota.

## CAPUT VII.

*Hæc eadem sententia, Doctoris Angelici suffra-  
gio, Romanorumque Pontificum  
judiciis confirmatur.*

**T**Ametsi nunquam se se D. Thomæ ju-  
ratum Discipulum præbuerit Cathari-  
nus; (quam ob causam haud ita bene audit in  
Thomisticis Scholis) in hoc tamen quod ex-  
pendimus, propugnando systemate, ita San-  
ctissimo Præceptori adhæsit intimè, ut mira-  
ri mihi subeat, vel unum de Schola Thomi-  
stica in contrariam sententiam abiisse.

Solam externi ritus serio peragendi inten-  
tionem abunde sufficere, ut ratum sit, ac  
validum Sacramentum, palam adstruit D.  
Thomas 3. part. Quæst. 64. Art. 8. ubi de in-  
tentione Ministri ex instituto disputat in hæc  
verba: *Quando aliquid se habet ad multa, oportet ut per aliquid determinatur ad unum, si illud effici debeat. Ea vero que in Sacramentis aguntur, possunt diversis modis agi; sicut ablutio aquæ,*

aque, quæ sit in Baptismo, potest ordinari, & ad munditiam corporalem, & ad ludum, & ad multa alia hujusmodi: & ideo oportet quod determinetur ad unum, id est, ad Sacramentalem effectum, per intentionem abluentis. Et hæc intentio exprimitur per verba, quæ in Sacramentis dicuntur. Eam igitur intentionem sufficientem existimat Doctor Angelicus, quæ verbis ipsis exprimitur; non alteram postulat interiorem, & occultiore, quæ quandoque sacrorum verborum expressioni repugnat.

II. At hæc levia, graviora sunt quæ sequuntur. Pergit Doctor Angelicus: cum enim in argumento secundo difficultatem sibi objecisset, quo pacto si Ministri intentio necessaria est, securitas nobis inesse poterit de suscepto valide Sacramento, omnisque scrupulus amovebitur; cum dubitari semper possit, num Minister veram habuerit perficiendi Sacramenti voluntatem: quid reponit ad hæc D. Thomas? An forte quod reponere coguntur adversæ sententiæ vindices: nos scilicet de secreta etiam intentione Ministri, moraliter esse certos; quia ex seria tractatione Sacramenti, quam videmus, præsumendum est, Ministrum Ecclesiæ recte pro officio se gerere, internamque intentionem adhibere? Minime gentium: sed Catharini

Systema palam amplectitur Doctor Angelicus. Ita quippe respondet ad 2. *Minister Sacramenti agit in persona totius Ecclesie, cuius est Minister: in verbis autem, que proferuntur, exprimitur intentio Ecclesie, que sufficit ad perfectionem Sacramenti, nisi contrarium exprimeretur ex parte Ministri, vel Recipientis Sacramentum.* Intentio igitur Ecclesie, Ministri verbis expressa sufficit, ad perfectionem Sacramenti; nec ei quidquam officit occulta mentis intentio contraria, nisi signo aliquo contrario exprimat, juxta Doctorem Angelicum.

III. Scio esse Aliquos, qui cum nebulas ipsis solis radiis offundere malint, quam apertissimæ veritati fasces submittere, ea D. Thomæ lucidissima verba cavillantur. Reponunt scilicet, sentire Doctorem Angelicum, intentionem Ecclesie, verbis sacramentalibus expressam sufficere, non quidem ad perfectionem Sacramenti simpliciter, sed ad securitatem suscipientis: quatenus ex illa intentionis expressione, moraliter certus est homo Sacramentum suscipiens, intentionem quoque interiorum Ministrorum adesse. Vah ludicrum interpretamentum, contentui e diametro repugnans! *Sufficit*, inquit Doctor Angelicus, *ad perfectionem Sacramenti*; festivi vero interpretes, *non sufficit*, inquirunt, *ad per-*  
se-

*fectionem Sacramenti, sed ad securitatem suscipientis; textumque prorsus adulterant.*

Verum nihil apertius, ad absonum interpretamentum exsufflandum, mentemque Doctoris Angelici ab omni cavillatione vindicandam occurrit, quam quod habet ille in 4. Sentent. Dist. 6. Quæst. 1. Art. 2. Quæstiuncula 1. ad 2., ubi cum eandem sibi objectionem fecisset obviam, eodem prorsus responso diluit; sed lucidioribus verbis, quæ nullo possint glossemate declinari. *In Baptismo, inquit, & in aliis Sacramentis, quæ habent in forma actum exercitum, non requiritur mentalis intentio, sed sufficit expressio intentionis, per verba ab Ecclesia instituta. Et ideo si forma servatur, nec exterius aliquid dicitur, quod intentionem contrariam exprimat, baptizatus est.* Non igitur de securitate suscipientis tantum, sed de valore Baptismi disputat D. Thomas. Tantumque abest, ut mentalem intentionem, hoc est, secretam illam, occultamque exigat, & de illa suscipientem securum esse dicat, dum expressionem intentionis exterius apprehendit, uti novi Interpretes obtendunt; quin potius mentali illa intentione alegata, solam intentionis expressionem, quæ seria formæ prolatione continetur, necessariam existimat, ut stet validum Sacramentum.

Un-

Unde Quæstione supra laudata tertiæ Partis Art. 10. exponens quandonam intentionis perversitate fiat irritum Sacramentum, ita pronunciat: *Cum aliquis intendit derisorie aliquid agere, talis perversitas tollit veritatem Sacramenti, præcipue quando suam intentionem exterius manifestat.* Intentio ergo qua perficitur Sacramentum, illa est, quæ in seria sacri ritus administratione importatur, eique nusquam officit maligna Ministri voluntas, sacro ritui contraria, si occulta mente tegatur, nec manifestetur exterius. Quo capite Catharini sententia sita est.

Nec audiendus Joannes Baptista Gonetus, qui ex hoc ipso Doctoris Angelici verbo, *præcipue quando suam intentionem exterius manifestat*, argumentum petiit in oppositum; inquit, si tunc *præcipue* tollitur Sacramenti veritas, quando Minister contrariam intentionem exterius manifestat; igitur & tunc etiam, etsi minus *præcipue*, tollitur veritas Sacramenti, dum contrariam intentionem exterius minime manifestat. Ex aliis quippe locis supra laudatis compertum est, *non præcipue* sumi illic absolute, non comparate; ut significetur tunc tantum veritatem tolli Sacramenti, dum contraria manifestatur intentio.

IV. Succedit hoc in genere probationum generale principium a D. Thoma positum in 4. Sent. dist. 5. Quæst. 2. Art. 2. Quæstiuncula 1. ex quo necessaria consecutione colligitur, cum pro certo tenuisse, internam illam, secretam, ac pure mentalem Ministrorum intentionem, non esse ad Sacramenti valorem necessariam. Contendit enim eo loci, ea quæ sunt de substantia Sacramenti, seu quæ necessaria sunt, ut Sacramentum, quantum ad substantiam ratum sit, validumque, *Certa omnino esse* debere fuscipientibus, iisdemque omnino nota; imo ea maxime ratione probat, probitatem Ministrorum, ad Sacramenti efficaciam, non esse necessariam, quod hæc non omnino sit certa, sed quandoque fidelibus ignorata, Sacramenta fuscipientibus. *Dicendum, inquit, quod in Sacramentis est aliquid, quod est de substantia Sacramenti, & aliquid, quod est de convenientia Sacramenti, & de solemnitate. Si ergo subtraheretur aliquid, quod est de substantia Sacramenti, non erit Verum Sacramentum: si autem subtraheretur aliquid eorum, quæ requiruntur ad Solemnitatem, vel convenientiam Sacramenti, propter hoc non desinit esse Sacramentum. Unde cum bonitas Ministri non sit de substantia Sacramenti, quia non omnino certa est,*  
*sed*

*sed quandoque ignorata; ea autem, quæ sunt de substantia Sacramenti oportet esse certa: patet quod subtracta bonitate Ministri, adhuc est Sacramentum, dummodo alia, quæ sunt de substantia observentur. Quidni ergo colligamus, ex mente Doctoris Angelici, internam, secretam, ac mente abditam Ministrorum intentionem, non esse ad ratum, validumque Sacramentum necessariam? Quandoquidem & illa omnino certa non est, sed quandoque, imo sæpissime ignorata; nec magis ea suscipientibus constat, quam probitas Ministrorum: cum de utraque non nisi moralem ut ut maxime certitudinem possimus habere.*

Num hoc generale D. Thomæ principium, *quæ sunt de substantia Sacramenti oportet esse omnino certa*, sat sibi constet, communique Theologorum sententiæ congruat, qui moralem certitudinem sufficere ponunt, hoc loco nec quærimus, nec expendimus; qui de sola nunc Doctoris Sanctissimi mente, atque sententia, qualis illa sit, disputamus. Illud tamen non omiserim observare, D. Augustinum hoc idem Doctrinæ principium posuisse, adversus Donatistas disputantem, Lib. 1. contra Litteras Petiliani Cap. 3. *Qua de re plenius loco suo.*

V. Se-



V. Sequitur momentum alterum longe gravius, quod efficacissimæ demonstrationis loco haberi debet. Non minor, imo major in adultis Sacramenta suscipientibus, intentio requiritur *recipiendi*, quàm in Ministris intentio *faciendi* quod facit Ecclesia. Unde Doctor Angelicus 3. parte, Quæst. 68. Art. 7. ad 2. diserte pronunciat, *si in adulto defuisset intentio, suscipiendi Sacramentum, esset rebaptizandus*; quasi Baptisma omni ex parte nullum suscepisset. Et Innocentius III. R. P. Cap. *Majores, extra de Baptismo, & ejus effectibus*: *Ille qui nunquam consentit, sed penitus contradicit, nec rem, nec characterem suscipit Sacramenti*. Quamquam enim ad Sacramentum, ut simpliciter actio est, passive tantum se habeat homo suscipiens; ad illud tamen, ut Sacramentum est, etiam active se habet, volens scilicet, sciensque suscipiendo. Idque usque adeo verum est, ut illi ipsi hæretici, qui necessariam in Ministro intentionem negant, eam tamen in adulto suscipiente necessariam fateantur,

Jam, inquit ego, D. Thomæ explicatissima sententia est, sufficere in adulto suscipiente Sacramentum, intentionem externi ritus serio suscipiendi, ut Baptisma, quoad characteris impressionem, validum sit; tametsi  
 intus

intus secreta mente repugnet ille, minimeque consentiat. Ita ille in 4. Sent. dist. 6. Quæst. 1. Art. 2. Quæstiuncula 3. Ubi postquam præmisisset, coactionem alicui illatam ad suscipiendum Sacramentum, talem actantam esse posse, *ut principium suscipiendi totaliter sit ab extra*; uti dum aliquis reclamans, atque reluctans immergitur violenter: quo casu Sacramentum ita coacte susceptum, nullum esse concedit; quia ea susceptio libera non est, contrariaque suscipientis intentio, seu repugnantia, ac reluctatio palam proditur: subjungit tamen Sanctissimus Doctor, ad institutum nostrum: *Si autem coactio sit tantum inducens, sicut fit minoribus, vel flagellis; ita quod homo eligat potius Baptismum suscipere, quam talia pati, tunc suscipit Sacramentum, sed non rem Sacramenti*: seu gratiam sanctificantem, propter contrariam intentionem, ac repugnantiam in corde latentem. Quod aliis verbis dixerat paulo ante: *Sciendum quod non requiritur in adultis voluntas absoluta suscipiendi quod Ecclesia confert; sed sufficit conditionata, sicut est in voluntariis mistis*. Satis igitur est, iudice Doctore Angelico, si Sacramentum serio, forinsecus recipiatur, ut stet ratum, validumque, quoad characteris impressionem; tametsi secretior, & occulta re-

cipiendi desit intentio, imo contraria non  
 recipiendi voluntas animo delitescat. Quan-  
 to itaque magis id satis erit, ut valide confe-  
 ratur? Minor quippe, aut certe non major  
 in conferente, quàm in adulto suscipiente de-  
 sideratur intentio.

VI. Neque vero privata est illa D. Tho-  
 mæ sententia. Ita Pontifices Summi, ita  
 Concilia sæpe numero pronunciarunt. Sic  
 Adrianus I. R. P. Epist. 8, quæ extat Tomo  
 II. Conciliorum Galliæ, Saxones supplicio-  
 rum metu ad Baptismum adactos, Sacra-  
 mentum vere suscepisse decernit, *et si foris tan-  
 tum*, (Pontificis verba sunt) *non intus consen-  
 serant*: quia videlicet ritum externum serio  
 forinsecus acceperant, ut interminatum sup-  
 plicium effugerent, tametsi intus Baptismi  
 susceptioni reluctati essent. Sic etiam Inno-  
 centius III. R. P. Capite *Majores extra de Bap-  
 tismo*: *Is qui terroribus, atque suppliciis violent-*  
*ter attrahitur, & ne detrimentum capiat, Baptis-*  
*mi suscipit Sacramentum, talis sicut & is, qui*  
*fictè ad Sacramentum accedit, Characterem su-*  
*scipit Christianitatis impressum; & ipse tanquam*  
*conditionaliter volens, licet absolute non velit,*  
*cogendus est ad observantiam fidei Christianæ.*  
 Sic demum Concilium Toletanum IV. Sisebu-  
 ti Principis factum improbat quidem, qui

Ju-

Judæos ad Baptismum suscipiendum ; metu suppliciorum adegerat, vetatque ne quid hujusmodi in posterum attentetur, propter periculum subversionis: subjungit tamen, illos, qui ita metu suppliciorum adacti, Baptisma seria forinsecus mente susceperant, ad Christianæ Religionis observantiam adigendos esse; *quia jam constat*, (Concilii Toletani verba sunt) *eos Sacramentis Divinis associatos, Baptismatis Characterem suscepisse.* Quibus omnibus perspicuum fit, non modo in foro externo, & ex juris præsumptione, hujusmodi Baptismata valida fuisse judicata, ut ad Christianæ Religionis observantiam obligari possent Judæi, ficto sic animo baptizati; verum etiam in foro interiori, atque ex rei veritate, rata fuisse, validaque; cum Judæos illos characteris impressionem accepisse Innocentius III., & Concilium Toletanum IV. verbis conceptissimis definiverint.

VII. Id ipsum non ita pridem experti sumus anno 1683. in ea scilicet solempni clade, qua Turcæ Viennam Austriæ obsidentes, mirabili Dei iudicio percussi sunt. Factum refert Illustrissimus Præsul Franciscus Genettus Episcopus Vasionensis, *Tractatu de Baptismo* Tom. III. pag. 324. Scilicet cum Turca quidam *Orchamus* nomine, mortem undequaque

que obversantem effugiens , inter mortuorum acervum aliquandiu vivus delituisset , ac tum superveniente nocte , militis Poloni vestibus indutus , in Christianorum exercitum irrepsisset ignotus , a milite christiano , nescio quo linguæ errore , detectus est ; qui eidem cruentam mortem intentavit , ni subito Christianam Religionem profiteretur , ac Sacrum Baptisma susceperet. Assensit *Orchamus* , externe tamen , ac forinsecus , ut mortem sibi intentatam effugeret ; nulloque pacto intendens animo , Mahumeticam sectam deferre : atque ita a Christiano milite baptizatus est. Re postmodum in iudicium vocata , valeret ne Baptisma hoc pacto susceptum ; valere illud , quantum ad Characteris impressionem , pronuntiatur : quia consensum externum dederat , etsi metu mortis expressum , nulloque externo signo contrariam prodiderat intentionem.

- Idem alio casu experti sumus , quem idem ille Vasionensis Episcopus retulit pag. 342.
- Hebræi scilicet alicujus matrimonio juncti , qui ut uxori suæ ad Christianam Religionem conversæ complaceret , moremque gereret , Baptismum fidei suscepit ; externum scilicet ritum libenti , prompto , gratoque in speciem suscepit animo ; intus tamen , secretaque

E

men-

mente nolebat accipere, imo cordis intimò repudiabat, nolebatque re ipsa Christianus fieri. Qui tamen Baptismus ratus, validusque, quoad Characteris impressionem, judicatus est. Adeo scilicet verum est, satis esse, ea quæ facit Ecclesia, serio extrinsecus adhibere, atque recipere, ut rata sint, ac valida Sacramenta: quo casu, nulla vel Ministri, vel recipientis occulta intentione contraria, irritantur.

VIII. Atque hinc internoscere facile est; quid sibi velit Doctor Angelicus 3. parte Quæst. 68. Art. 7. dum sinceram, & minime simulatam, in suscipiente desiderat intentionem, ut ratum sit, ac validum Sacramentum. Et dum in 4. Sentent. Dist. 27. Quæst. 1. Art. 2. Quæstiunc. 4. ait: *Si quis ablationem reciperet, non intendens recipere Sacramentum, sed ludum, & dolum facere, non esset baptizatus.* Perspicuum quippe est, id eum desiderare, ut præcipuus Sacramenti effectus obtineatur, justificatio scilicet suscipientis; non ut stet validum Sacramentum secundum se se, & quoad Characteris impressionem. Aut certe si de Sacramenti absoluta validitate, eum agere velit aliquis; de simulata intentione intelligendus erit, quæ prodatur exterius, ut Art. 8. Quæst. 64. declaravit. Aliàs secum ipse pugnabit Doctor Angelicus.

CA.

CAPUT VIII.

*D. Augustinus Catharini sententiæ præformator,  
atque assertor ostenditur.*

I. **O**ccasione celeberrimæ Controversiæ ;  
quam de fide in Sacramentorum  
administris necessaria , adversus Ecclesiam  
moverant Donatistæ ; varia sibi permixte ,  
atque confuse proponit dubia Sanctissimus  
Doctor Lib. 7. de Baptismo contra Dona-  
tistas Cap. 53. ab hisce verbis initium fa-  
ciens disputandi . *Queri etiam solet , utrum ap-  
probandum sit Baptisma , quod ab eo qui non ac-  
cepit ; accipitur ; si forte curiositate aliqua di-  
dicit ; quemadmodum dandum sit ? Es utrum  
nihil intersit quo animo accipiat ille , cui datur ,  
cum simulatione , an sine simulatione ? Si cum  
simulatione ; utrum fallens ; sicuti in Ecclesia ,  
vel in ea quæ putatur Ecclesia ? An jocans sicuti  
in mimo ; & quid sit sceleratius , in Eccle-  
sia fallaciter accipere ? An in heresi , vel schisma-  
te sine fallacia , idest animo non simulato ? &  
utrum in heresi fallaciter , an in mimo cum fide ,  
si quisquam inter agendum repentina moveatur  
pietate ? Quamquam talem , si etiam illi confera-  
mus , qui in ipsa Catholica Ecclesia fallaciter ac-  
cipit ,*

*cipit, mirum si dubitatur quis cui præferendus sit?*

Ex tot illis confuse permixteque propositis dubiis; unum est, quod agitatam hætenus quæstionem contingit de proximo; imo quod illam intime refert, verbis sono quidem aliquantò diversis, eundem tamen apud æquos æstimatores sensum habentibus. Quid enim aliud est quærere, *Utrum probandum sit Baptisma, quod cum fallacia, & simulatione datur, aut forte recipitur*; quàm illud ipsum quærere, quod hætenus disputavimus; sit neratum, validumque Baptisma, quod serio, omnique semoto joco forinsecus datur, recipiturve, intus tamen occulta, secretaque mente rejicitur, aut negatur? Quandoquidem in ista facti specie, simulatio, atque fallacia in eo maxime posita est; ut quod externe fit serio, libere, atque prudenter, intus in animo, clam atque secreto retractetur.

Porro tametsi D. Augustinus tot illa sibi proposita dubia, non tam solvat, quàm posteris solvenda relinquat: quodque de Baptismo mimice, & joculariter collato, aut etiam forte suscepto, motum est dubium, ab OEcumenica Synodo solutum iri peroptet, novæque revelatione clarescere: duo tamen de eo, quod nostra nunc interest, proposito dubio dis-



disputando ponit, statuitque indubitanter, ac certo; quæ Sanctissimum Doctorem Catharini sententiam, ac nostram præformasse, ac docuisse, palam, aperteque demonstrent.

Primo. *Præteritis Majorum statutis non dubito, inquit Augustinus, etiam illos habere Baptismum, qui quamvis fallaciter id accipiant, in Ecclesia tamen accipiunt, vel ubi putatur esse Ecclesia, ab eis in quorum societate id accipitur, de quibus dictum est, ex nobis exierunt: hoc est, apud hæreticos, vel schismaticos. Ex quo profecto consequens est, iudice Augustino Majorum etiam suorum statutis edocto, stare ratum; validumque Baptismum, seu in Ecclesia, seu extra Ecclesiam, fallaciter, & cum simulatione suscipiatur. Quid verò illud est, Baptismum fallaciter, & cum simulatione suscipere, nisi ritum illum, quem facit Ecclesia, in se, & supra se exterius fieri velle, serioque recipere; intus verò corde, & animo abnuerè, recusare?*

Secundo. Observat paulo ante Sanctissimus Doctor, tales cum ea fallacia, & simulatione baptizatos, si eorum tandem prodatur simulatio, atque fallacia, excommunicatione quidem in Ecclesia puniri, aut per poenitentiam sanari, a nemine tamen rebaptizari: quod significat illis verbis observatione dignissimis:

*Si postea simulatio prodatur, nemo repetit, sed aut excommunicando punitur illa simulatio, aut pœnitendo sanatur. Ex quibus & illud consequens est, Baptismum cum fallacia, & simulatione susceptum ( seu serio forinsecus acceptatum, intus tamen corde, & animo recusatum ) ratum, validumque fuisse ab Ecclesia judicatum; etiam ubi simulatio, atque fallacia detecta erat. Aliàs nil dubitandum, quin si vel levis de illius Baptismatis nullitate suspicio fuisset, Ecclesia Catholica fallaces illos, simulatosque rebaptizasset.*

II. Aberrant vero turpiter nonnulli, qui ut Augustinum Catharino, & nobis eripiant, summa fiducia respondent: Doctorem Sanctissimum, nomine *Baptismi cum fallacia, & simulatione suscepti*, non eum intellexisse, qui serio prudenterque externe, forisque suscipitur, intus tamen corde, & animo recusatur; atque adeo non illum ratum, validumque censuisse: sed eum intellexisse duntaxat, qui licet interna simul, atque externa intentione suscipiatur, sine fide tamen, debitisque dispositionibus, seu cum conscientia peccati mortalis plerumque recipitur; quem hodie viri de Schola *Baptismum fictum*, seu *cum fictione susceptum* de more vocitant; fictione scilicet dispositionum, non fictione Sacramenti: quem

quem idcirco ratum, validumque censuerit Sanctissimus Doctor, uti & in præsentia Theologi censent universi.

Aberrant illi inquam. Augustinum enim id nominis, quo sensu diximus hætenus, usurpasse, duo evincunt apertissime: Primo, quod non semel ibidem affirmet, posse Sacramentum Baptismatis in hæresi, vel schismate dari, vel suscipi, sine simulatione, atque fallacia, ut ex recitato paulo ante contextu liquet. Quis autem sibi finxit unquam, in hæresi, vel schismate, dari, vel suscipi posse Baptismum, cum fide, debitisque dispositionibus? Non ergo simulatio, atque fallacia, de qua disputat Augustinus, fidei defectus est, bonarumque dispositionum, seu conscientia peccati mortalis. Secundò, quod asserat identidem Augustinus, in Ecclesia *putativa*, atque adeo falsa, reperiri perinde posse veraces, atque fallaces Baptismatis datores, & receptores. Non itaque fallacium nomine, infideles, maleque dispositos intelligit; uti nec nomine veracium, fideles, beneque dispositos denotat: cum fideles, ac bene dispositos, in falsa Ecclesia dari impossibile sit.

III. Turpius longe multo falluntur, ac etiam peccant, qui ut Augustinum non modo

Catharino, ac nobis eripiant, sed & Luthe-  
 ro, atque Calvino per summam perfidiam  
 tradant, perfracte reponunt: Doctorem San-  
 ctissimum, nomine *Baptismi cum fallacia, &  
 simulatione dati, aut forte suscepti*, eum in-  
 tellexisse, qui sine ulla prorsus intentione fa-  
 ciendi quod facit Ecclesia, tam interna, quam  
 externa datur, aut forte suscipitur: eumque  
 Baptismum hujusmodi ratum, validumque  
 idcirco dixisse errando, quòd nihil tunc tem-  
 poris ea de re definivisset Ecclesia. Vah te-  
 merarios, atque audaces Augustini reprehen-  
 sores! quos Cardinalis Norisius pro meritis  
 exagitat, in Vindiciis Augustinianis Cap. 4.  
 Parag. 7. Certe si sic est, ut iniqui censores  
 effutiunt, non modo in supino errore fuisse  
 convincitur Augustinus, sed & tota retro  
 Majorum traditio, totaque illius ævi aberrav-  
 it Ecclesia. Quandoquidem quod illic de  
 Baptismo fallaciter, & simulate suscepto pro-  
 nunciat D. Pater, *ex præteritis Majorum sta-*  
*tutis*, indubitanter accepisse, ac didicisse pro-  
 fitetur: illumque Baptismum fallaciter, &  
 simulate susceptum, ubi semel prodita est si-  
 mulatio, atque fallacia, a nemine unquam  
 in Ecclesia iteratum, ac repetitum fuisse,  
 contestatur.

His ergo præclusis effugiis, probatum relin-  
 qui-

quitur, Augustinum Catharini systema, de externa, ut vocant, in Sacramentis administrandis, ac recipiendis intentione, præformasse, ac docuisse.

IV. Idem ex generalibus Augustinianæ Doctrinæ principiis aperte colligitur, quibus scilicet D. Parens Donatistas, Ministrorum fidem, ad Sacramentorum efficaciam, postulantes confutavit, ac vicit. Lib. etenim 1. contra Litteras Petiliani Donatistæ, principii loco ponit, ac sæpius inculcat, *Iniquam, & maculosam baptizantis conscientiam, secretam licet, & occultam, baptizato nocere nequaquam posse, & Sacramentum effectum suo vacuare*: & Petilianum Donatistam, quod aliter vulgata apud suos Epistolâ docuisset, exagitat multis modis. Cum enim dixisset Donatista, *Conscientiam dantis baptismum attendendam esse, quæ abluat accipientis*; sic in eum insurgit Augustinus cap. 1. *Quid si lateat dantis conscientia, & fortasse maculosa sit; quomodo poterit accipientis abluere conscientiam, si quemadmodum dicit, conscientia dantis attenditur, quæ abluat accipientis? Si enim dixerit, ad accipientem non pertinere quidquid mali latuerit in conscientia dantis; ad hoc fortasse valebit illa ignorantia, ut de conscientia baptizatoris sui non possit nesciens maculari. Sufficit ergo, ut alterius conscientia*

ma-

*maculosa, cum ignoratur, non maculet: Numquid autem etiam abluere potest?*

Pergit Sanctissimus Doctor, positumque principium (iniquam scilicet, & maculosam baptizantis conscientiam baptizato nocere non posse, & Baptismum effectu suo vacuare) probat, atque confirmat Cap. 3, hac maxime ratione: quia si ex recta baptizantis conscientia penderet Baptismatis efficacia, baptizatorum salus semper esset incerta, illorumque spes ponenda esset in homine, videlicet baptizante. *Quomodo, inquit, de istis Baptizatoribus securi erunt, si conscientia dantis attenditur, quæ latet oculos accepturi? Ita secundum eorum sententiam fit salus illa spiritualis incerta; dum contra Scripturas Sanctas, quæ dicunt, bonum est credere in Domino, quam credere in homine: & maledictus omnis, qui spem suam ponit in homine; spem baptizandorum auferunt a Domino Deo, & in homine ponendam esse persuadent. Unde fit omnino ut non incerta tantum, sed prorsus nulla sit salus; quia Domini est salus, & vana salus hominis. Itaque quisquis in homine spem posuerit, etiam quem iustum, & innocentem noverit, maledictus est.*

Quid plura? Dictis semper insistens Sanctissimus Doctor, altera ratione evincit Cap. 5. efficaciam, vimque Baptismatis a bona, malave

laye baptizantis conscientia pendere non posse ; quia non conscientia baptizantis justificat baptizatum , sed Christi iustitia ; nec spiritualis regenerationis auctor est homo quicumque fidelis , & sanctus ; sed Christus solus , qui unus est origo , & radix , & caput baptizatorum . Neque enim , inquit ille , etiam cum per sanctum , & fidelem dispensatorem , gratia spiritualis credentibus impertitur , dispensator ipse justificat ; ac non ille unus , de quo dictum est , quod justificat impium . Aut vero Apostolus Paulus caput est , & origo eorum , quos plantaverat ; aut Apollo radix est eorum quos rigaverat ; ac non ille , qui eis in credendo fidem dederat ; cum idem dicat , ego plantavi , Apollo rigavit , sed Deus incrementum dedit ; itaque neque qui plantat est aliquid , neque qui rigat , sed qui incrementum dat Deus ? Nec radix eorum erat ipse , sed potius ille , qui ait , Ego sum vitis , vos estis sarmenta ? . . . . Origo mea Christus est , radix mea Christus est , caput meum Christus est . . . . Me innocentem non facit nisi qui mortuus est propter delicta nostra , & resurrexit propter justificationem nostram , Non enim in Ministrum , per quem baptizor , credo , sed in eum , qui justificat impium . Cap. 7. libri laudati .

V. Sic sane Augustinus nervose prorsus , invictè , & eleganter in Donatistas , ut Baptismatis

nis efficaciam ex secreta ; & occulta baptizantis conscientia , fide nimirum , sanctitate , ac religione minime pendere demonstraret : de iis quippe Ministrorum dotibus , essent ne ad Sacramentorum efficaciam necessariae ; quaestio illis erat . At quid ni quoque totam illam Augustini ratiocinationem , ( si principia , quibus innititur , accurate perpendimus ) ad quaestionem , quae nobis in manibus est , dirimendam trahamus ; ut alteram ex altera finiamus ?

Si enim ex fide ; & sanctitate baptizantis , vis & efficacia Baptismi pendere nequit ; iudice Augustino , quod ex occulta , secretaeque illius conscientia pendere non possit : quid quaeso ex interna illa , menteque abdita , de qua nunc agimus , intentione pendeat ; quae occultae perinde ; secretaeque conscientiae motus est .

Si ex fide , & sanctitate baptizantis , vis & efficacia Baptismi , pendere nequit , quia vel sic Baptizatorum salus semper esset incerta ; ( quod magnum Doctori Sanctissimo incommodum visum est ) illorumque spes ponenda esset in homine , fidei nimirum , & sancto : quid quaeso ab interna illa , menteque abdita , de qua quaerimus intentione pendeat efficacia Baptismi ? Cum & sic baptizatorum salus



lus perinde esset incerta , quibus nihilo magis explorata est mentalis intentio , quam fides , & sanctitas baptizantium : spesque perinde ponenda esset in homine , intimam illam , secretamque intentionem habente , ac forte mentiente .

Si ex fide , & sanctitate baptizantis , vis & efficacia Baptismi pendere nequit , quia non conscientia baptizantis justificat baptizatum , sed Christi justitia ; nec spiritualis regenerationis auctor est homo quicumque baptizans etiam fidelis , & sanctus ; sed Christus solus , qui baptizatorum omnium & origo , & radix , & caput est ; quid quæso ex interna illa , & mente abdita intentione baptizantis pendeat ? Cum nec ea baptizantis intentio hominem baptizatum justificet , sed Christi justitia ; nec spiritualis regenerationis auctor sit homo quicumque , interna licet , occultaque intentione ductus , ac motus , sed Christus solus , qui nostrum omnium & origo , & radix , & caput est ,

Quidquid ad hæc Catharini oppugnatores reposuerint , ut ab iis se se argumentis expediant , reponent pariter Donatistæ , ut totam illam Augustini argumentationem , & ratiocinationem elidant ,

## CAPUT IX.

*Idem Catharini systema rationibus Theologicis confirmatur :*

I. **U**ltimum præsentí controversiæ sigillum ponunt momenta rationum longe gravissima, quibus Doctorem Angelicum; aliosque magni nominis Theologos usos video. Quæ enim modò ex Augustino allata sunt; non est cur denuo Lectoribus ingeram.

Primum istud esto. Ecclesia Respublica quædam est, a Christo Domino instituta: quotquot in ea Sacramenta administrant; uti personæ publicæ sacra munia obeunt; Christi scilicet; & Ecclesiæ nomine, non suo. Ea ergo Sacramentis administrandis intentio necessaria est, quæ Ministris inest, ut publicæ personæ sunt, agentes juxta Christi institutionem; non ut personæ privatæ sunt, agentes contra Christi Domini voluntatem. Intentio enim conditioni personæ, quam sustinet respondere debet. Porro intentio ritus externi serio peragendi, quæ in ipsa seria administratione, formæque ab Ecclesia præscriptæ seria prolatione continetur, publicæ personæ

sonæ intentio est, eaque conformis institutioni Christi Domini: altera secretior, nulloque signo prodita; personæ privatæ intentio reputatur, estque plerumque institutioni Christi plane contraria: illa ergo, non ista requiritur, nec priori posterior officere potest, si serio peracta administratio secretiori voluntate retractetur.

Sic Judex, ut superius observabam, pro tribunali sedens, partibus auditis, servatissime publici juris formulis, voce gravi, vultu, habituque senatorio, serio sententiam pronuncians, valide pronunciat, vereque reum absolvit, aut damnat; nulloque pacto necesse est, ut occulta, secretaque voluntate damnare velit, aut absolvere: quia sententiam pronunciat uti persona publica, & nomine Principis, eam judicii formam instituentis. Nec audiretur Judex ille, si rebus serio peractis atque prudenter, postmodum jactitaret, noluisse se intus, & ex animo reum absolvere, aut forte damnare.

Quod hic porro de Judice dico, non exemplum duntaxat est, instituto nostro accommodatum, sed ipsa res est in controversiam adducta. Etenim Sacramentum poenitentiae judicialis actus est, Christique vice Sacerdos absolvit, uti Judex nomine Principis.

mente nolebat accipere, imo cordis intimo repudiabat, nolebatque re ipsa Christianus fieri. Qui tamen Baptismus ratus, validusque, quoad Characteris impressionem, judicatus est. Adeo scilicet verum est, satis esse, ea quæ facit Ecclesia, serio extrinsecus adhibere, atque recipere, ut rata sint, ac valida Sacramenta: quo casu, nulla vel Ministri, vel recipientis occulta intentione contraria, irritantur.

VIII. Atque hinc internoscere facile est; quid sibi velit Doctor Angelicus 3. parte Quæst. 68. Art. 7. dum sinceram, & minime simulatam, in suscipiente desiderat intentionem, ut ratum sit, ac validum Sacramentum. Et dum in 4. Sentent. Dist. 27. Quæst. 1. Art. 2. Quæstiunc. 4. ait: *Si quis ablutionem reciperet, non intendens recipere Sacramentum, sed ludum, & dolum facere, non esset baptizatus.* Perspicuum quippe est, id eum desiderare, ut præcipuus Sacramenti effectus obtineatur, justificatio scilicet suscipientis; non ut stet validum Sacramentum secundum se se, & quoad Characteris impressionem. Aut certe si de Sacramenti absoluta validitate, eum agere velit aliquis; de simulata intentione intelligendus erit, quæ prodatur exterius, ut Art. 8. Quæst. 64. declaravit. Aliàs secum ipse pugnabit Doctor Angelicus.

CA.

CAPUT VIII.

*D. Augustinus Catharini sententiæ præformator,  
atque assertor ostenditur.*

I. **O**ccasione celeberrimæ Controversiæ ;  
quam de fide in Sacramentorum  
administris necessaria , adversus Ecclesiam  
moverant Donatistæ ; varia sibi permixte ,  
atque confuse proponit dubia Sanctissimus  
Doctor Lib. 7. de Baptismo contra Dona-  
tistas Cap. 53. ab hisce verbis initium fa-  
ciens disputandi . *Queri etiam solet , utrum ap-  
probandum sit Baptisma , quod ab eo qui non ac-  
cepit ; accipitur ; si forte curiositate aliqua di-  
dicit ; quemadmodum dandum sit ? Et utrum  
nihil intersit quo animo accipiat ille , cui datur ,  
cum simulatione , an sine simulatione ? Si cum  
simulatione ; utrum fallens ; sicuti in Ecclesia ,  
vel in ea quæ putatur Ecclesia ? An jocans sic-  
uti in mimo ; & quid sit sceleratius , in Eccle-  
sia fallaciter accipere ? An in hæresi , vel schisma-  
te sine fallacia , idest animo non simulato ? &  
utrum in hæresi fallaciter , an in mimo cum fide ,  
si quisquam inter agendum. repentina moveatur  
pietate ? Quamquam talem , si etiam illi confera-  
mus , qui in ipsa Catholica Ecclesia fallaciter ac-  
cipit ,*

*capit, mirum si dubitatur quis cui preferendus sit?*

Ex tot illis confuse permixteque propositis dubiis; unum est, quod agitatam hactenus quæstionem contingit de proximo; imo quod illam intime refert, verbis sono quidem aliquantò diversis, eundem tamen apud æquos æstimatores sensum habentibus. Quid enim aliud est quærere, *Utrum probandum sit Baptisma, quod cum fallacia, & simulatione datur, aut forte recipitur*; quàm illud ipsum quærere, quod hactenus disputavimus; sit ne ratum, validumque Baptisma, quod serio, omnique sermone joco forinsecus datur, recipiturve, intus tamen occulta, secretaque mente rejicitur, aut negatur? Quandoquidem in ista facti specie, simulatio, atque fallacia in eo maxime posita est; ut quod externe fit serio, libere, atque prudenter, intus in animo, clam atque secreto retractetur.

Porro tametsi D. Augustinus tot illa sibi proposita dubia, non tam solvat, quàm posteris solvenda relinquat: quodque de Baptismo mimice, & joculariter collato, aut etiam forte suscepto, motum est dubium, ab OEcumenica Synodo solutum iri peroptet, novaque revelatione clarescere: duo tamen de eo, quod nostra nunc interest, proposito dubio dis-

disputando ponit, statuitque indubitanter, ac certo; quæ Sanctissimum Doctorem Catharini sententiam, ac nostram præformasse, ac docuisse, palam, aperteque demonstrent.

Primo. *Præteritis Majorum statutis non dubito*, inquit Augustinus, *etiam illos habere Baptismum, qui quamvis fallaciter id accipiant, in Ecclesia tamen accipiunt, vel ubi putatur esse Ecclesia, ab eis in quorum societate id accipitur, de quibus dictum est, ex nobis exierunt: hoc est, apud hæreticos, vel schismaticos. Ex quo profecto consequens est, iudice Augustino Majorum etiam suorum statutis edocto, stare ratum; validumque Baptismum, seu in Ecclesia, seu extra Ecclesiam, fallaciter, & cum simulatione suscipiatur: Quid verò illud est, Baptismum fallaciter, & cum simulatione suscipere; nisi ritum illum, quem facit Ecclesia, in se, & supra se exterius fieri velle, serioque recipere; intus verò corde, & animo abnuerè, recusare?*

Secundo. Observat paulo ante Sanctissimus Doctor, tales cum ea fallacia, & simulatione baptizatos, si eorum tandem prodatur simulatio, atque fallacia, excommunicatione quidem in Ecclesia puniri, aut per poenitentiam sanari, a nemine tamen rebaptizari: quod significat illis verbis observatione dignissimis:

*Si postea simulatio prodatur, nemo repetit, sed aut excommunicando punitur illa simulatio, aut pœnitendo sanatur. Ex quibus & illud consequens est, Baptismum cum fallacia, & simulatione susceptum ( seu serio forinsecus acceptatum, intus tamen corde, & animo recusatum ) ratum, validumque fuisse ab Ecclesia iudicatum; etiam ubi simulatio, atque fallacia detecta erat. Aliàs nil dubitandum, quin si vel levis de illius Baptismatis nullitate suspicio fuisset, Ecclesia Catholica fallaces illos, simulatosque rebaptizasset.*

II. Aberrant vero turpiter nonnulli, qui ut Augustinum Catharino, & nobis eripiant, summa fiducia respondent: Doctorem Sanctissimum, nomine *Baptismi cum fallacia, & simulatione suscepti*, non eum intellexisse, qui serio prudenterque externe, forisque suscipitur, intus tamen corde, & animo recusatur; atque adeo non illum ratum, validumque censuisse: sed eum intellexisse duntaxat, qui licet interna simul, atque externa intentione suscipiatur, sine fide tamen, debitisque dispositionibus, seu cum conscientia peccati mortalis plerumque recipitur; quem hodie viri de Schola *Baptismum fictum*, seu *cum fictione susceptum* de more vocitant; fictione scilicet dispositionum, non fictione Sacramenti: quem



quem idcirco ratum, validumque censuerit Sanctissimus Doctor, uti & in præsentia Theologi censent universi.

Aberrant illi inquam. Augustinum enim id nominis, quo sensu diximus hætenus, usurpasse, duo evincunt apertissime. Primo, quod non semel ibidem affirmet, posse Sacramentum Baptismatis in hæresi, vel schismate dari, vel suscipi, sine simulatione, atque fallacia, ut ex recitato paulo ante contextu liquet. Quis autem sibi finxit unquam, in hæresi, vel schismate, dari, vel suscipi posse Baptismum, cum fide, debitisque dispositionibus? Non ergo simulatio, atque fallacia, de qua disputat Augustinus, fidei defectus est, bonarumque dispositionum, seu conscientia peccati mortalis. Secundò, quod asserat identidem Augustinus, in Ecclesia putitia, atque adeo falsa, reperiri perinde posse veraces, atque fallaces Baptismatis datores, & receptores. Non itaque fallacium nomine, infideles, maleque dispositos intelligit; uti nec nomine veracium, fideles, beneque dispositos denotat: cum fideles, ac bene dispositos, in falsa Ecclesia dari impossibile sit.

III. Turpius longe multo falluntur, ac etiam peccant, qui ut Augustinum non modo

Catharino , ac nobis eripiant , sed & Luthe-  
 ro , atque Calvino per summam perfidiam  
 tradant , perfracte reponunt : Doctorem San-  
 ctissimum , nomine *Baptismi cum fallacia , &*  
*simulatione dati , aut forte suscepti* , cum in-  
 tellexisse , qui sine ulla prorsus intentione fa-  
 ciendi quod facit Ecclesia , tam interna , quàm  
 externa datur , aut forte suscipitur : cumque  
 Baptismum hujusmodi ratum , validumque  
 idcirco dixisse errando , quòd nihil tunc tem-  
 poris ea de re definivisset Ecclesia . Vah te-  
 merarios , atque audaces Augustini reprehens-  
 sores ! quos Cardinalis Norisius pro meritis  
 exagitat , in Vindiciis Augustinianis Cap. 4.  
 Parag. 7. Certe si sic est , ut iniqui censores  
 effutiunt , non modo in supino errore fuisse  
 convincitur Augustinus , sed & tota retro  
 Majorum traditio , totaque illius ævi aberrav-  
 it Ecclesia . Quandoquidem quod illic de  
 Baptismo fallaciter , & simulate suscepto pro-  
 nunciat D. Pater , *ex præteritis Majorum sta-*  
*tutis* , indubitanter accepisse , ac didicisse pro-  
 fitetur : illumque Baptismum fallaciter , &  
 simulate susceptum , ubi semel prodita est si-  
 mulatio , atque fallacia , a nemine unquam  
 in Ecclesia iteratum , ac repetitum fuisse ,  
 contestatur .

His ergo præclusis effugiis , probatum relin-  
 qui-

quitur; Augustinum Catharini systema, de externa, ut vocant, in Sacramentis administrandis, ac recipiendis intentione, præformasse, ac docuisse.

IV. Idem ex generalibus Augustinianæ Doctrinæ principiis aperte colligitur, quibus scilicet D. Parens Donatistas, Ministrorum fidem, ad Sacramentorum efficaciam, postulantes confutavit, ac vicit. Lib. etenim 1. contra Litteras Petiliani Donatistæ, principii loco ponit, ac sæpius inculcat, *Iniquam, & maculosam baptizantis conscientiam, secretam licet, & occultam, baptizato nocere nequaquam posse, & Sacramentum effectum suo vacuare*: & Petilianum Donatistam, quod aliter vulgata apud suos Epistolâ docuisset, exagitat multis modis. Cum enim dixisset Donatista, *Conscientiam dantis baptismum attendendam esse, quæ abluat accipientis*; sic in eum insurgit Augustinus cap. 1. *Quid si lateat dantis conscientia, & fortasse maculosa sit; quomodo poterit accipientis ablueri conscientiam, si quemadmodum dicit, conscientia dantis attenditur, quæ abluat accipientis? Si enim dixerit, ad accipientem non pertinere quidquid mali latuerit in conscientia dantis; ad hoc fortasse valebit illa ignorantia, ut de conscientia baptizatoris sui non possit nesciens maculari. Sufficit ergo, ut alterius conscientia*  
ma-

*maculosa, cum ignoratur, non maculet: Numquid autem etiam ablueri potest?*

Pergit Sanctissimus Doctor, positumque principium (iniquam scilicet, & maculosam baptizantis conscientiam baptizato nocere non posse, & Baptismum effectu suo vacuare) probat, atque confirmat Cap. 3, hac maxime ratione: quia si ex recta baptizantis conscientia penderet Baptismatis efficacia, baptizatorum salus semper esset incerta, illorumque spes ponenda esset in homine, videlicet baptizante. *Quomodo, inquit, de istis Baptizatoribus securi erunt, si conscientia dantis attenditur, quæ latet oculos accepturi? Ita secundum eorum sententiam fit salus illa spiritualis incerta; dum contra Scripturas Sanctas, quæ dicunt, bonum est confidere in Domino, quam confidere in homine: & maledictus omnis, qui spem suam ponit in homine; spem baptizandorum auferunt a Domino Deo, & in homine ponendam esse persuaident. Unde fit omnino ut non incerta tantum, sed prorsus nulla sit salus: quia Domini est salus, & vana salus hominis. Itaque quisquis in homine spem posuerit, etiam quem iustum, & innocentem norrit, maledictus est.*

Quid plura? Dictis semper insistens Sanctissimus Doctor, altera ratione evincit Cap. 5. efficaciam, vimque Baptismatis a bona, malave

laye baptizantis conscientia pendere non posse ; quia non conscientia baptizantis iustificat baptizatum , sed Christi iustitia ; nec spiritualis regenerationis auctor est homo quicumque fidelis , & sanctus ; sed Christus solus , qui unus est origo , & radix , & caput baptizatorum . *Neque enim* , inquit ille , *etiam cum per sanctum , & fidelem dispensatorem , gratia spiritualis credentibus impertitur , dispensator ipse iustificat ; ac non ille unus , de quo dictum est , quod iustificat impium . Aut vero Apostolus Paulus caput est , & origo eorum , quos plantaverat ; aut Apollo radix est eorum quos rigaverat ; ac non ille , qui eis in credendo fidem dederat ; cum idem dicat , ego plantavi , Apollo rigavit , sed Deus incrementum dedit ; itaque neque qui plantat est aliquid , neque qui rigat , sed qui incrementum dat Deus ? Nec radix eorum erat ipse , sed potius ille , qui ait , Ego sum vitis , vos estis sarmenta ? . . . . Origo mea Christus est , radix mea Christus est , caput meum Christus est . . . . Me innocentem non facit nisi qui mortuus est propter delicta nostra , & resurrexit propter iustificationem nostram . Non enim in Ministrum , per quem baptizor , credo , sed in eum , qui iustificat impium . Cap. 7. libri laudati .*

V. Sic sane Augustinus nervose prorsus , invictè , & eleganter in Donatistas , ut Baptif-  
matis

matris efficaciam ex secreta ; & occulta baptizantis conscientia , fide nimirum , sanctitate , ac religione minime pendere demonstraret : de iis quippe Ministrorum dotibus , essent ne ad Sacramentorum efficaciam necessariae ; quaestio illis erat . At quid ni quoque totam illam Augustini ratiocinationem , ( si principia , quibus innititur , accurate perpendimus ) ad quaestionem ; quae nobis in manibus est , dirimendam trahamus ; ut alteram ex altera finiamus ?

Si enim ex fide ; & sanctitate baptizantis , vis & efficacia Baptismi pendere nequit , iudice Augustino , quod ex occulta , secretaeque illius conscientia pendere non possit : quid quaeso ex interna illa , menteque abdita , de qua nunc agimus , intentione pendeat ; quae occultae perinde ; secretaeque conscientiae motus est .

Si ex fide , & sanctitate baptizantis , vis & efficacia Baptismi , pendere nequit , quia vel sic Baptizatorum salus semper esset incerta ; ( quod magnum Doctori Sanctissimo incommodum visum est ) illorumque spes ponenda esset in homine , fideli nimirum , & sancto : quid quaeso ab interna illa , menteque abdita , de qua quaerimus intentione pendeat efficacia Baptismi ? Cum & sic baptizatorum salus

Ius perinde esset incerta, quibus nihilo magis explorata est mentalis intentio, quam fides, & sanctitas baptizantium: spesque perinde ponenda esset in homine, intimam illam, secretamque intentionem habente, ac forte mentiente.

Si ex fide, & sanctitate baptizantis, vis & efficacia Baptismi pendere nequit, quia non conscientia baptizantis justificat baptizatum, sed Christi iustitia; nec spiritualis regenerationis auctor est homo quicumque baptizans etiam fidelis, & sanctus; sed Christus solus, qui baptizatorum omnium & origo, & radix, & caput est; quid quæso ex interna illa, & mente abdita intentione baptizantis pendeat? Cum nec ea baptizantis intentio hominem baptizatum justificet, sed Christi iustitia; nec spiritualis regenerationis auctor sit homo quicumque, interna licet, occultaque intentione ductus, ac motus, sed Christus solus, qui nostrum omnium & origo, & radix, & caput est,

Quidquid ad hæc Catharini oppugnatores reposuerint, ut ab iis se se argumentis expediant, reponent pariter Donatistæ, ut totam illam Augustini argumentationem, & ratiocinationem elidant,

## CAPUT IX.

*Idem Catharini systema rationibus Theologicis confirmatur :*

I. **U**ltimum præsentī controversiæ sigillum ponunt momenta rationum longe gravissima, quibus Doctorem Angelicum; aliosque magni nominis Theologos usos video. Quæ enim modò ex Augustino allata sunt, non est cur denuo Lectoribus ingeram.

Primum istud esto. Ecclesia Respublica quædam est, a Christo Domino instituta: quotquot in eâ Sacramenta administrant; uti personæ publicæ sacra munia obeunt; Christi scilicet, & Ecclesiæ nomine, non suo. Ea ergo Sacramentis administrandis intentio necessaria est, quæ Ministris inest, ut publicæ personæ sunt, agentes juxta Christi institutionem; non ut personæ privatæ sunt, agentes contra Christi Domini voluntatem. Intentio enim conditioni personæ, quam sustinet respondere debet. Porro intentio ritus externi serio peragendi, quæ in ipsa seria administratione, formæque ab Ecclesia præscriptæ seria prolatione continetur, publicæ personæ



sonæ intentio est, eaque conformis institutioni Christi Domini: altera secretior, nulloque signo prodita; personæ privatæ intentio reputatur, estque plerumque institutioni Christi plane contraria: illa ergo, non ista requiritur, nec priori posterior officere potest, si serio peracta administratio secretiori voluntate retractetur.

Sic Judex, ut superius observabam, pro tribunali sedens, partibus auditis, servatisque publici juris formulis, voce gravi, vultu, habituque senatorio, serio sententiam pronuncians, valide pronunciat, vereque reum absolvit, aut damnat; nulloque pacto necesse est, ut occulta, secretaque voluntate damnare velit, aut absolvere: quia sententiam pronunciat uti persona publica, & nomine Principis, eam judicii formam instituentis. Nec audiretur Judex ille, si rebus serio peractis atque prudenter, postmodum jactitaret, noluisse se intus, & ex animo reum absolvere, aut forte damnare.

Quod hic porro de Judice dico, non exemplum duntaxat est, instituto nostro accommodatum, sed ipsa res est in controversiam adducta. Etenim Sacramentum poenitentiae judicialis actus est, Christique vice Sacerdos absolvit, uti Judex nomine Principis.

pis. Quid ergo necessarium reputabimus, ut Sacerdos intus, & ex animo reum absolvat; nec satis esse putabimus, si ritum externum serio peragat, atque prudenter, in iis circumstantiis, quibus determinatur ad agendum tanquam Christi, & Ecclesiæ publicus administer? Aut quid nefarios Sacerdotes curabimus, qui postquam omnia serio, & rite forinsecus peregrunt, præscriptisque formis absolverunt pœnitentes, obtrudunt subinde dictitantque, noluisse se ex animo, & intus absolvere?

II. Momentum probationis alterum istud erit, quandoquidem de Judicibus mentio incidit. Quemadmodum operatio Sacramentalis in Ministro regulatur, & dirigitur intentione, ita judicium ferendum a Judice, ipsius scientia, & cognitione dirigitur. Quod enim in Judice scientia juris facit, id in Sacramenti Ministro facit intentio. Porro ut rectum sit, justumque judicium, regulari, ac dirigi debet per scientiam Judicis, non utique privatam, sed publicam; seu quam habet ille, ut persona publica est, non ut est persona privata: cum judicare debeat ex notitia quam habet ut Judex, hoc est, ex allegatis, & probatis, etiam contra propriam opinionem. Itaque pari titulo administratio

Sa-

Sacramenti, ut rata sit, validaque, dirigi debet ac perfici ea intentione, quam Minister habet, ut persona publica est, non ut est persona privata. Jam vero, uti sæpius jam dictum est, intentio ritus externi serio peragendi, quæ in ipsa seria administratione consistit, personæ publicæ intentio est: Ea igitur sola sufficit, ut ratum sit, ac validum Sacramentum.

III. Tertium a pari, ut ajunt, momentum istud esto. Juramentum serio, libere, atque ex formulis juris emissum, quo quis fidem suam alteri obligavit, perinde valet, & stat, jurantemque perinde adstringit, tametsi intus occulta, secretaque mente jurare nolit, animumque jurandi non habeat, imo potius eo se juramento nullatenus obligandi. Idque non alia de causa, nisi quia Dominus, qui testis est conscientiæ, ita accipit juramentum; sicut homo, cui juratur, intelligit; ut ait S. Isidorus Hispalensis Lib. 2. Sententiarum Cap. 31. habeturque Can. quacunque arte, Causa 22. Quæst. 5. Hinc illæ pravi dogmatis propositiones, ab Innocentio XI. damnatæ die 2. Martii 1679. Cum causa licitum est jurare, sine animo jurandi . . . . . Si quis, vel solus, vel coram aliis, sive interrogatus, sive sponte propria, sive recreationis causa, sive quocunque alio sine juret, se

F non

*non fecisse aliquid quod revera fecit, intelligendo intra se aliquid aliud quod non fecit, vel aliam viam ab ea in qua fecit, vel quidvis aliud additum verum, revera non mentitur, nec est perjurus.* Porro inquit ego, tam jurandi voluntas atque intentio necessaria est juramento, quam sacri ritus celebrandi, necessaria est Sacramento. Unde qui juramentum balbutiret nesciens, atque nolens, ut in furia, ebrietate, vel somno, juramentum fecisse minime censeretur. Itaque pari titulo, ac etiam fortasse meliori, stat ratum, ac validum Sacramento, suumque fortitur effectum, quoties ex intentione, ut loquuntur externa, serio libereque conficitur; quanquam occulta, secreta, ac mere mentali intentione, intus in animo retractetur.

IV. Quartum a ratione momentum istud accipe, & quidem cæteris quantum intelligo luculentius. Quoties duæ voluntates occurrunt inter se mutuo pugnantes, ea effectum obtinet, quæ vera voluntas est, non illa quæ mera velleitas reputatur: absoluta quippe voluntas velleitatem contrariam vincit, & irritat. Id in nauta periclitante comprobatur, qui licet merces suas servare vellet, si tuto quidem id posset, eas tamen in mare projicit, dum irato Neptuno jactatur,  
ut

ut se a naufragio servet incolumem: quia voluntas absoluta vitam servandi, velleitatem illam superat, qua suas etiam merces vellet servare, si posset. Jam nefarius Sacramenti Minister, qui ritum sacramentalem servare intendit, eumque serio exercet, ac libere, omni semoto joco, ac ludo; intus tamen occulta mente ritum hunc sacramentalem esse non vult, nec suos effectus in suscipiente producere: hic inquam duplici voluntate jactatur; absoluta una, qua lubens ac volens ritum serio celebrat; inefficaci altera, qua ritum hunc sacramentalem esse nolle, qui tamen ex Christi institutione sacramentalis re vera est: prior ergo voluntas vincit, superatque secundam, ut nihil illa officiat Sacramento.

Certe Theologorum omnium concors sententia est, Ministrum Calvinianum E. G. qui baptizare quidem intendit, non tamen characterem imprimere, quem ex sectæ suæ principiis negat, characterem nihilominus imprimere, perinde ac si re ipsa intenderet: quia, inquiunt illi, voluntas characterem non imprimendi, mera velleitas est, quæ ab absoluta voluntate baptizandi superatur; nec potest quis effectum prudenter nolle, ubi semel causam voluerit. Idem sane in casu

nostro contingit : voluntas illa secretior , qua nefarius Sacerdos ritum sacramentalem , a se serio ministratum , sacramentalem esse nolle ; mera velleitas est , quæ ab altera voluntate absoluta , ritum serio ministrandi superatur : nec potest quis prudenter velle , ut ritus ille sacramentalis re ipsa non sit , quem uti sacramentalem Christus instituit .

V. Ratio quinta hæc esto . Sacramentum sensibile signum est , a Christo Domino institutum : quidquid ergo ad essentiam illius constitutionem pertinet , sensibile debet esse : cum sensibile ex insensibili constitui nequeat . Intentio autem illa Ministri interior , secretior , & mente abdita , sensibilis profecto non est ; bene tamen exterior altera , sacramentalibus verbis expressa . Ista ergo , non illa ad Sacramenti constitutionem , & perfectionem desideratur .

Si quis vero reponat , ex multorum Theologorum opinione , intentionem Ministri partem non esse , Sacramentum intime constituentem ; sed conditionem duntaxat , ad Sacramenti efficaciam , a Christo Domino præfinitam ; alia via instaurabitur argumentum : nempe quod non Ministri , sed Christi voluntas , atque intentio , illa ipsa sit , quæ operatur in Sacramentis : *Neque* , enim qui  
plan-

*plantat est aliquid, neque qui rigat, sed qui incrementum dat Deus, ut ait Apostolus: Et sive Petrus baptizet, sive Paulus, Christus est qui baptizat, effectumque Baptismatis operatur, ut loquitur Augustinus. Si qua ergo in Ministro desideratur intentio, uti conditio ad Sacramenti efficaciam præfinita, illa est, quæ Christum exprimit, baptizantem, absolventem, consecrantem, effectumque cujuslibet Sacramenti in suscipientibus operantem. Hæc autem non occulta, non secreta, non mente abdita Ministri intentio est; sed externa, verbis sacramentalibus serio prudenterque prolatis expressa, ac declarata.*

VI. Postremum istud habeto momentum, & morali, & congruenti ratione petatum. Incredibile est, Christum Dominum Sacramentorum Auctorem; illorum vim, & efficaciam iis conditionibus illigasse, quæ nec a suscipientibus, nec ab ipsa etiam Ecclesia discerni, & internosci possint, num re ipsa sint adhibitæ, vel omissæ. Sic etenim fidelium saluti minus prospexisse videretur. Quandoquidem fideles satis sibi cavere non possent, ne sibi in recipienda sacramentali gratia, fraus fieret a Ministris, condiciones illas secretiores, atque occultas, in fidelium perniciem sacrilege omittentibus. Hujusmo-

di porro est mentalis illa, atque secretior, de qua disputamus, intentio; quæ num sit a Ministris adhibita, nec ab ipsis suscipientibus Sacramenta, nec ab ipsa etiam Ecclesia discerni, ac reteggi potest: cujus tamen fraudulentæ omissione, atque defectu, Sacramenta ad salutem etiam maxime necessaria, uti Baptismus, & Pœnitentia, effectu vacuari dicuntur. Non est itaque verisimile, Christum Dominum, qui neminem vult perire, sed salvari vult universos, Sacramentorum vim, & efficaciam ab interna, atque secreta Ministrorum intentione suspendisse. *Neque enim justum est*, inquit D. Joannes Chrysostomus Homilia 85. in Joannem, *propter alterius malitiam, ad salutis nostræ Symbola fide accedentes offendi.*

Eccur quæso Christus Dominus Sacramentorum vim, & efficaciam ex Ministrorum fide, & sanctitate minime suspendit; sed ea quoque rata voluit esse, ac valida, etsi ab impiis, & infidelibus conferantur? Nisi ut fidelium saluti, quæ a rata, validaque Sacramentorum collatione maxime pendet, provideret, atque consuleret; ne scilicet patienti periculo committeretur, fidelium salus, a quo illi cavere sibi non possent; quippe qui tot Ministrorum hypocrisim, sanctitatem



tem ac fidem egregie mentientium retegere nequeunt. Quidni vero simile quidpiam, de occulta, secretaque Ministrorum intentione, cum Catharino dicamus, ab ea scilicet non fuisse suspensam a Christo Domino Sacramentorum efficaciam, atque virtutem: cum vel sic iisdem ferme periculis commissa esset hominum salus, a quibus nulla meliori via cavere sibi homines possent. Næ quæso miseram hominum sortem, quorum salus ab occulta, secretaque hypocritarum fraude penderet?

Non est ita profecto (ne quis forte probationem hanc nostram in nos ipsos retorquere velit) non est ita in hypothese externæ intentionis, sacri ritus serio celebrandi, ex qua Sacramentorum efficaciam pendere concedimus, etsi in Ministrorum arbitrio perinde sit, & negari ab iis, atque omitti ex æquo possit. Cum enim externa illa sit, quæ a nobis desideratur Ministrorum intentio, potest & a fulcipientibus Sacramenta, & ab adstantibus, & ab ipsa Ecclesia observari, regei, deprehendi: atque ita potest, ne ex Ministri malitia desit, præcaveri; aut si defuerit, emendari ac relarciri. Non est igitur in ea externæ intentionis hypothese, commissa perinde periculis hominum salus.

Frustra verò reponat aliquis, habere nos de interna illa, secretaque intentione, quod sit a Ministris adhibita, moralem ut alibi diximus, certitudinem. Quanquam enim ita sit, non idcirco tamen vis infringitur argumenti, imo potius augetur multo magis. Quandoquidem hæc ipsa quam habemus, de interiori, secretaque intentione, moralis certitudo, seu iusta præsumptio, in causa potius est, cur ne Ministris desit, minime caveamus; & si forte defuerit, factam nobis fraudem emendari, ac relarciri non curemus.

VII. Quæ cum ita sint omnia, illud profecto consequens est, quod tanquam totius hujusce quæstionis colophonem, a studiosa Juventute alta mente repositum velim: Ministrum scilicet impium, libere serioque omnique semoto joco, Sacramentum publice ministrantem, illud idem nullatenus irritare; tametsi secretam, occultamque irritandi voluntatem animo gerat, ac secum ipse interna mente deliberet, *Non intendo facere quod facit Ecclesia.*

Quid enim sibi vult, qui ita secum occulte deliberat, dum interim serio, ac libere celebrat? Quid illud est, per fidem Numinum, quod facit Ecclesia, quod ipse tamen facere non intendit? Vel enim ritus  
ipse

ipse externus est, in certa materia, & forma præscripta, quem Ecclesia quidem facit, ipse tamen non facere deliberat. At si sic est, deliberatio illa est facto contraria, ipsoque facto rescinditur. Quomodo enim facere non intendit, deliberatque non facere; quod re ipsa serio, & libere facit? Nihil quippe serio, libereque fit, nisi ex judicio rationis, & electione voluntatis. Non potest itaque iniqua illa deliberatio non faciendi ritum externum, facto ipso rescissa, ac retractata destruere Sacramentum; cum ipotius hæc ipsa, seria Sacramenti celebratione destruat.

Vel ergo illud quod facit Ecclesia, quod ipse tamen facere non intendit, est ritus ipse formaliter ut sacramentalis; quem certe uti sacramentalem Ecclesia facit, ipse tamen nolit uti sacramentalem efficere. At si sic est, non propterea irritat Sacramentum, quod aliunde serio, & libere administrat. Primum, quia non est in ejus potestate efficere, ut ritus ille sacramentalis non sit, quem Christus uti sacramentalem instituit. Secundum, quia expressa illa intentio ritum perficiendi, formaliter ut Sacramentalis est, non est ad Sacramenti valorem necessaria: ut patet in Hebræo Baptismum nostrum valide,  
ut

ut sæpe definitum est, ministrante: qui certe ex quo Hebræus est, ritum illum uti Sacramentalem velle non potest, quem non esse sacramentalem firmissime tenet.

Vel demum illud quod facit Ecclesia; quod tamen ille facere non intendit, ipsemet Sacramenti effectus est; quem Ecclesia producere quidem intendit, ipse tamen non producere, occulta mente deliberat. At si sic est, ea stulta deliberatio multo minus irritat Sacramentum, quod serio, libereque forinsecus ministratur: tum quod in Ministri potestate non sit, positâ causâ, divina virtute operante, effectum causæ præpedire: tum quod hæc ipsa intentio producendi effectum Sacramenti, ad Sacramenti valorem, & efficaciam necessaria non sit: ut patet in Pelagianis, Lutheranis, & Calvinianis, Sacramentum Baptismi valide ministrantibus, etsi nullam producendorum illius effectuum habeant voluntatem.

Itaque quocunque res cadat, modò sacrilegus, impiusque Minister Sacramentum libere, serio, omnique semoto joco forinsecus administret, illud idem nequaquam irritat, tametsi secretam, occultamque irritandi voluntatem animo gerat, ac secum ipse interna mente, stulte, impieque deliberet,

*Non*

*Non intendo facere quod facit Ecclesia : Non quod non sit intentio faciendi necessaria; sed quia non occulta, secretaque necessaria est, sed externa duntaxat: quam ille profecto habet, qui ritum externum serio, libereque ministrat; quidquid ille in contrarium impie, & sacrilege meditetur, atque deliberet.*

*Jam ad obiecta diluenda veniendum: quorum plena expeditaque solutio, sententiam hactenus propugnata[m] magis magisque confirmabit, meliorique in lumine collocabit.*

C A P U T X.

*Satisfit Obiectis in contrarium fieri solitis: ac primum quidem ex Concilii Tridentini auctoritate petitis.*

I. **P**rimam in nos, ex Concilii Tridentini auctoritate impressionem faciunt Theologi recentiores; quibus nihil tam in ore solet esse, quàm fuisse Catharini sententiam in sacra Synodo prædamnatam, eodemque cum Protestantium errore, anathemate inustam, atque confixam. Audiamus itaque disputantes.

A Concilio Tridentino, inquiunt illi, definitum est, requiri in Ministro intentionem  
fa-

faciendi quod facit Ecclesia : sed Ecclesia facit ritum illum externum , ut re ipsa sacramentalis est ; hoc est , facit ea mente , eoque fine ut sacramentalis sit : igitur id nisi Minister intendat , irritum est Sacramentum.

Egregie vero , atque subtiliter ! Perinde ac si quis diceret , a Concilio Tridentino definitum est , requiri in Ministro intentionem faciendi quod facit Ecclesia : sed Ecclesia facit ritum illum externum , uti peccatum originale delentem , uti characterem imprimentem : igitur nisi id omne Minister intendat facere , irritum est Sacramentum. Quasi vero ? Pelagianorum ergo & Calvinianorum Baptisma irritum erit : nemo enim illarum sectarum minister est , qui ritum illum externum celebrare velit , uti peccatum originale delentem , & characterem imprimentem : quandoquidem pertinaciter utrumque illi negavit.

Ad Dialecticos igitur hujusmodi disputatores amando , ut argumentationis formulas discant . Fallacia enim eo in argumento committitur , aliusque medius terminus in minori subsumitur , quam qui in majori positus est . Concilium quippe , ut in majori ponitur , requirit in Ministro intentionem faciendi quod facit Ecclesia , non intentionem faciendi quod ipsa facit , eo modo quo facit ,

eodemque fine, ut additur in minori. Le-  
 gant, relegant Concilia, Decreta Pontificum,  
 nihil hujusmodi quidquam invenient. Quare  
 turpiter aberrant Catharini oppugnatores,  
 qui hæc duo promiscue miscent, ut illum  
 Concilio Tridentino repugnantem ostendant.  
 Quod Ecclesia facit, est ritus exterius, in  
 certa materia, & forma præscripta: & id cer-  
 te facere intendit, quisquis ritum illum semo-  
 to joco, serio, & libere facit. Quomodo  
 enim serio & libere faceret, nisi facere inten-  
 deret; cum liber actus esse non possit, nisi  
 a voluntate, cum intentione finis? Quod ve-  
 ro Ecclesia intendit per hujusmodi ritum, seu  
 finis, propter quem Ecclesia ritum illum exer-  
 cet, est sanctificatio suscipientis, characteris  
 impressio, deletio peccati originalis: & hunc  
 intentionis modum, seu finem illum inten-  
 tionis, non esse in Ministro necessarium,  
 plus satis in superioribus demonstravimus.  
 Primum illud, nempe facere quod facit Ec-  
 clesia, ad intentionem vere pertinet: istud  
 alterum, nempe facere eo fine, quo facit Ec-  
 clesia, pertinet ad rectitudinem intentionis,  
 ut Sacramentum pie, ac religiose ministretur,  
 non ut valide conferatur. Audiant Docto-  
 rem Angelicum, totum id angelice explican-  
 tem in 4. Sent. dist. 6. q. 1. art. 2. quæstion-  
 cula

cula 2. ad primum . *Quamvis in Sacramento requiratur intentio faciendi quod facit Ecclesia , non tamen requiritur quasi de necessitate Sacramenti , facere quod facit Ecclesia , propter quod Ecclesia facit : & in hoc consistit rectitudo intentionis .* Quid apertius , quid nitidius , ad nostræ sententiæ confirmationem ?

- II. Pari laborat æquivoco , quod verbis aliquantulum immutatis iidem obijciunt . In Ministro desideratur intentio faciendi quod facit Ecclesia : sed Ecclesia E. G. Baptizando , justificat hominem , delet originale peccatum , imprimit characterem ; igitur & hæc omnia debet Minister intendere , ut sit ratum , & validum Sacramentum . Duo quippe distinguenda veniunt : quod per se se , & immediate facit Ecclesia ; ritus nimirum externus , in certa materia , formaque ministratus ; & quod per hujusmodi ritum , seu mediante ritu eadem facit Ecclesia ; justificatio scilicet peccatoris , cæteraque in argumento recensita . Ac primum quidem debet Minister intendere , intenditque re ipsa , dum serio , libereque ministrat ; non item alterum , quod non ad ipsam pertinet intentionem , sed ad rectitudinem intentionis , ut loquitur D. Thomas loco laudato .

III. Instant illi tamen in oppositum :  
Con-



Concilium Sess. 14. de Sacramento Pœnitentiæ, ad validam absolutionem conferendam desiderat, ut *Sacerdoti non desit animus serio agendi, & vere absolvendi*: itaque ultra seriam actionem, seu seriam administrationem Sacramenti, veram etiam absolutionis collationem in Sacerdote requirit: at vera absolutionis collatio, ut condistincta a seria actione, seu a seria administratione Sacramenti, intentionem internam dicit; quemadmodum seria Sacramenti administratio externam intentionem importat: igitur sacra Synodus utramque, ad Sacramenti valorem desiderat intentionem. Maxime verò, cum non modo seriam actionem, veramque absolutionem desideret sacra Synodus in Ministro, sed etiam *animum* sic agendi, absolvendique: quæ loquendi formula internam denotat intentionem, a sacra Synodo desideratam. Ea enim ex animo facere dicimur, quæ interna sinceraque mente, & intentione præstamus.

Respondeo Concilium Tridentinum, nomine *vere absolutionis*, quam ultra seriam Sacramenti administrationem in Sacerdote desiderat, ut vere sit pœnitens absolutus, nihil aliud intelligere, nisi rectam plenamque formæ absolutionis prolationem: ita scilicet

licet ut Sacramentum non modo serio ministraretur, verum etiam plene, & integre perficiatur: quorum si desit alterutrum, non sit poenitens absolutus; quanquam ille absolutum se esse certissime credat: quod stulte Lutherus deliraverat. Ille enim absolutionem a Sacerdote joco datam, non solum valituram aiebat, modò se absolutum poenitens certo crederet; (ut ex ejus articulis a Leone X. damnatis antea vidimus) verum etiam verba ipsa a Christo Domino, aut ab Ecclesia præscripta, salvo Sacramento mutari posse contendebat. Imo eo progressus est impudentiæ Lib. *de Captivit. Babylonica* Cap. *de Baptismo*, ut valiturum Baptismum diceret, si in nomine hominis ab improbo Ministro conferretur, modò in nomine Domini ab adulto susciperetur. Quos omnes errores ut configeret sacra Synodus Tridentina, seriâ Ministrorum actionem esse voluit, simulque veram, plenam, & integram absolutionis formæ prolationem faciendam edixit, ut suum Sacramentum sortiatur effectum. Quare subsumpta argumenti propositio negatur omnino. Vera enim absolutionis collatio, de qua loquitur Synodus, seriæ Ministri actioni conjuncta, ac superaddita, intentio interna non est, de qua præsens est disputatio;

tio; sed plena, & integra absolutionis formæ prolatio; quæ etiam sine interna, secretaque absolvendi intentione stare potest.

Futillius est longe multo, quod ad objectionis cumulum additur. Animus enim ille serio agendi, vereque absolvendi, quem postulat sacra Synodus, non occultus, interiorque ille est, de quo quæritur in præsentia; sed externus duntaxat, hoc est, seria forinsecus administratione, plenaque & integra absolutionis prolatione expressus, & manifestus, quem scilicet pœnitens observare facile possit; quique si forte desit, *Pœnitens Sacerdotem jocosè absolvere, & non serio agere deprehendat*, ut loquitur sacra Synodus.

IV. Sed inquirunt adversæ partis Actores: Concilium Tridentinum præcipit intentionem faciendi quod facit Ecclesia, tanquam aliquid distinctum ab applicatione materiæ; & formæ: quandoquidem post imperatam hujusmodi applicationem, intentionem habendam subinde præscribit, ut quidpiam ab illa diversum. At intentio peragendi ritum illum externum, non est quid distinctum ab applicatione materiæ, & formæ; aut certe si quid ab ea distinctum est, ita tamen illi indivulsè cohæret, ut plane inutile sit, istam de novo exigere, dum illa semel injun-

Quia fuit: siquidem implicat quempiam ritum externum peragere, materiamque, & formam applicare, nisi applicare intendat.

En ultimum partis adversæ conatum, sed penitus irritum. Intentio enim peragendi ritum externum, ab ipso externo ritu, seu ab applicatione materiæ & formæ distinguitur: est enim interior, & deliberatus voluntatis actus, ritum Ecclesiæ celebrandi. Jam quod additur in argumento, *intentio saltem peragendi ritum externum inseparabilis est ab applicatione materiæ, & formæ*, distinguendum est: est inseparabilis ab applicatione seria, & libera, verum est; ab applicatione qualicunque etiam mimica, & joculari, falsum est. Quare non frustra præter externi ritus administrationem, seu applicationem materiæ, & formæ, præcipitur a Concilio Tridentino intentio adhibenda: ut videlicet ritus ille non quomodolibet, sed libere, serio, omnique sermone joco peragatur. Hancque veram esse sacræ Synodi mentem, dum intentionem necessariam definivit, inde maxime liquet, quod Lutheri Error, quem damnum sibi sumpsit sacra Synodus, quemque antea damnaverat Leo X. in eo positus esset, quod Sacramentum joco datum, validum effutiret. Quare eam duntaxat intentio-

tionem necessariam in Ministro definivit sacra Synodus, quæ jocum excluderet, aut fictionem externo aliquo signo prodeuntem.

Novit id, ingenueque fassus est Cardinalis Pallavicinus, sacrae Synodi interpres, atque Historicus Lib. 9. Cap. 6. *Sententia Tridenti proscripta, eadem est quam Leo X. per suam Constitutionem in Luthero damnavit; videlicet ita fuisse a Christo institutum Sacramentum, ut etiamsi Minister per manifestam irrisionem ac ludibrium illud peragat, effectum consequatur.*

V. Urgent nihilominus ex adverso. Mimus, inquit illi, qui Baptismum in theatro ludit, eundem joculariter conferendo, externum Baptismi ritum conferre vult; non enim joculariter conferret, nisi vellet: & tamen Baptismus joculariter collatus, nullus est: igitur satis non est intentio externi ritus peragendi.

Mera hæc hallucinatio est, putidaque æquivocatio. Mimus enim Baptismum joculariter conferens in theatro, ut irrideat, aquam quidem infundere, verbaque proferre vult, cum re ipsa & infundat, & proferat: at cum id joculariter peragat, non vult baptizare, sed Baptisma repræsentare, & irridere. Uti plane dum verba contractus matrimonialis

in scena profert, datque conjugales manus ad confarreationem, re ipsa verba proferre vult, manusque dare; non enim proferret, ac daret, nisi vellet: sed cum hæc joculariter faciat, non vult contrahere Matrimonium, sed repræsentare, & irridere.

Unde & aberrat nonnulli de vulgo, (dicam id obiter) qui putant, ob id unum non valere Matrimonia in theatro a mimis contracta, quia quod exterius peragunt, interna mente retractant. Ea ratio absona est. Non sufficeret enim Matrimonio irritando, interna illa retractatio, si quod exterius peragunt, serium esset. Nam si quod in scena peragunt, serio peragerent in Ecclesia coram testibus, & Parocho, stare profecto Matrimonium; quamvis occulta mente totum id retractarent, nollentque perficere Sacramentum. Idcirco ergo scenica Matrimonia nulla sunt, quia ultra internam mentis retractationem, hoc ipsum, quod exterius peragunt, ludicrum est. Nec refert, quod plerunque ita se mimi componant, ut serio agere videantur; satis enim ludum prodit scenicus apparatus, totumque theatri chorum.

VI. Addo & ego: si duo mimi, vir & mulier, quo momento contractus Matrimonialis

nialis verba proferunt, dantque mutuas manus in scena, vellent interna mente, sinceroque animi actu mutuam fidem obligare, non idcirco Matrimonium contraxisse censerentur. Primum quidem, ex nova Ecclesiæ disciplina, quæ Matrimonia clandestina irrita pronuntiavit. Hoc siquidem Matrimonium clandestinum esset, tametsi multis præsentibus fieret, ac etiam fortasse coram Parochis, & Sacerdotibus, si forte scenis interessent: quia quotquot ibi præsentés adsunt, non testes Matrimonii, sed spectatores ludi reputantur. Secundo, ex ipsa Sacramenti natura Matrimonium nullum esset; quia Matrimonium etiam clandestinum, quale erat ante Concilium Tridentinum, non solo consensu interno contrahebatur; sed consensu signis, hoc est, verbis, aut nutibus expresso: omne quippe Sacramentum sensibile signum est: signa autem illa, verbaque scenica, quibus duomini consensum exprimerent, pro nihilo habentur; hoc ipso quod scenica sunt; nec internum quem forte gerunt, consensum exprimere reputantur: quia theatri verba, non ad internos animi motus exprimendos, sed ad fingendum duntaxat usus hominum destinavit. Unde hoc in casu esset quidem consensus internus, sine signo tamen externo:

atque ita nullum contraheretur Matrimonium, nullum perficeretur Sacramentum.

## CAPUT XI.

*Petita ex D. Augustino, & D. Thoma,  
recentium Theologorum Momenta  
refelluntur.*

I. **S**ed ad id unde digressa videtur oratio, revertamur. Sumptis ex Augustino viribus, bellum in nos animosius instaurant Theologi recentiores, urgentque in hunc ferme modum acriter disputando.

D. August. Lib. 7. de Baptismo contra Donatistas Cap. 53. cum sibi quæstionem proposuisset, an Baptismus mimice, & joculariter susceptus valeat, duo reponit: Primò desiderare se Concilii plenarii definitionem, divinamque illustrationem, in eliquanda difficultate adeo salebrosa: secundo, privatam ea de re sententiam profert: aitque, si forte ipse in Concilio, ubi res illa tractaretur, judicium ferre cogeretur, ita se pronunciaturum: Nempe habere eos Baptismum, qui ubique & a quibuscunque illum verbis evangelicis consecratum, sine sua simulatione, & cum aliqua fide suscepissent. Ad Baptismum igitur adul-



adulti desiderat Augustinus, ut sine simulatione suscipiatur : igitur pari jure desiderat, ut sine simulatione conferatur : æqua enim ut in antecedentibus diximus, conferentis, ac suscipientis adulti intentio exigitur. Porro is, qui ritum externum serio quidem administrat, omniaque ab Ecclesia præscripta exterius adhibet, interius tamen revocat, ac veluti retractat intentionem, simulate se gerit : is itaque, ex Augustini sententia, non peragit Sacramentum.

Eo me nodo facilius exsolvo, & Augustinum Catharino nostro concilio. Ac primò quidem, Augustinus loco illo obiecto, Baptismum joculariter, & mimice susceptum omnino fecernit a Baptismo simulate, & cum fallacia suscepto : quia in priori ritus externus palam, aperteque deridetur : in hoc quippe jocus mimicus positus est : in altero ritus externus serio peragitur, & interna mente fictio tegitur : in eo siquidem stat simulatio, atque fallacia. De priori, an valeat, sententiam non præcipitat Augustinus, sed Concilii generalis definitionem optat, novamque ut ait illustrationem : de secundo quid sentiat, obiter insinuat, verbis in obiectione laudatis. In ea Baptismatum discretionem statuenda, stat cum Augustino Catharinus ; unum ab altero

longe fecernit; imo primum, nempe minimum, & joculari, nullum esse pronunciat; adversus Lutheranorum, & Calvinianorum errorem: quia, quam optaverat Augustinus generalis Concilii definitionem, nondum ætate sua prodeuntem, viderat suo tempore Catharinus; decreta scilicet Conciliorum, Constantiensis, Florentini, & Tridentini. Alterum nempe simulatum, & fictum, validum putat Catharinus, iis nixus fundamentis, quæ superioribus Capitibus exposuimus; maxime vero Innocentii III. auctoritate Cap. *Majores de Baptismo*, ejusque effectibus: *Qui fide ad Baptismum accedit, characterem suscipit Christianitatis impressum.*

At inquit: ad Baptismum desiderat Augustinus loco objecto, *ut sine simulatione suscipiatur*. Bene est, sed id desiderat, ut fructuosus sit, ad justificationem suscipientis, non ut validus sit, ad characteris impressionem: talis etenim est etiam simulate, fideque susceptus. Ne quis vero putet, merum istud effugium esse, responsum ex triplici capite confirmo. Primo, quia Augustinus loco laudato, ad Baptismum non modo desiderat, ut sine simulatione suscipiatur, verum etiam cum aliqua fide: perspicua verba sunt, *sine sua simulatione* inquit, & cum ali-

aliqua fide suscepissent : at secundum Augustinum, non est necessaria fides in suscipiente, ut Baptismus validus sit, quoad characteris impressionem, sed ut fructuosus sit ad animæ sanctificationem : Igitur non est necessaria sinceritas, ad characteris impressionem, sed ad animæ sanctificationem. Secundò, quia Augustinus, post verba in objectione laudata, subdit e vestigio : *quamquam eis ad salutem Baptisma non prosit, si charitate careant ; quæ Catholicæ inferantur Ecclesiæ* : Supponit ergo Sacramentum simulate susceptum, si modo simulatio occulta sit, valere aliunde ad characteris impressionem, tametsi non prosit ad salutem, propter simulationis peccatum. Tertio (quod maxime notandum venit) quia Augustinus hoc ipso in loco, qui nobis obijcitur, paucis interjectis, Baptismum fallaciter susceptum, uti validum habet : idque certò statuit, non uti opinionem de qua forte dubitaret, quemadmodum interpretantur aliqui, aut in cujus confirmationem nova Conciliorum decreta optaret ; sed uti rem competissimam, Majorumque statutis eliquatam, ac definitam. Augustini verba hæc sunt : *Ex præteritis Majorum statutis non dubito ; etiam illos habere Baptisma, qui quamvis fallaciter id accipiant, in Ecclesia tamen accipiunt, vel ubi*  
 puta-

putatur esse Ecclesia, & non est: ut apud hæreticos, & schismaticos. Quid vero amabo est, *Baptismum fallaciter accipere*, nisi externum ritum omnem suscipere, nullo oppositæ intentionis dato signo, interius autem eternam illam intentionem retractare? quæ ipsamet Catharini hypothesis est. Qui itaque Catharino Augustinum obijciunt, eundem Catharini patronum invenient, si semotis præjudiciis legere velint.

II. Idcirco melius consulti illorum aliqui, Augustino doctrinæ suæ duce relicto, suppetias a Doctore Angelico petunt, quem totum a suis partibus stare putant. Quare testimonium ejus altius exaggerant. in 4. Sentent. Dist. 27. Quæst. 1. Art. 2. Quæstiuncula 4. de Matrimonio dicentis: *Expressio verborum sine interiori consensu Matrimonium non facit*. Et in responso ad 2. *Si desit consensus mentalis ex parte unius, ex neutra parte est Matrimonium*. Quibus paria habet Innocentius III. Cap. *Tua nos*, extra de Sponsalibus, & Matrimonio, & Cap. *Inquisitioni* de Sent. excommunicationis, in sexto Decretalium; conceptissimis verbis decernens, non contrahi Matrimonium, nisi consensus verbis aliisve signis expressus, internus etiam sit, mentalis, & minime fictus. Quod etiam communiter

niter docent Theologi, Legumque periti, ubi de consensu ficto in Matrimonio disputant. Ex quibus istud in nos conficitur argumentum: Matrimonium novæ legis Sacramentum est, cujus Ministri sunt ipsimet contrahentes; sed non perficitur Matrimonium solo contrahentium externo consensu, verbis, aliisque signis expresso, nisi interior quoque sit, mentalis, ac minime fictus: non itaque perficitur Sacramentum, sola Ministrorum intentione, sacramentalibus verbis expressa, nisi interna quoque accedat intentio.

Et hunc quoque nodum paucis extricare possemus, negando Contrahentes Ministros esse Matrimonii, ut Sacramentum est: quod certe eruditissimi Theologi negant, Legumque periti, qui non Contrahentes, sed Sacerdotem benedicentem Ministrum esse contendunt: Quos longo ordine in meis Melchioris Cani Vindicationibus appellavi Cap. 7, nempe Guillelmus Parisiensis Lib. de Sacram. Tract. de Matrim. Cap. 9, Quæst. 1., & Cap. 1. de Baptismo, Petrus Paludanus in Lib. 4. Sentent. Dist. 5. Quæst. 2, Simon Vigorius in Suffragio Tridenti dato, cujus meminit Cardinalis Pallavicinus Lib. 22. Hist. Cap. 9. n. 5. Melchior Cano Lib. 8. de Locis Theolog. Cap. 5. Dominicus Bannes in Comment.

ad

ad primam Part. D. Thomæ Quæst. 1. Art. 8. Franciscus Cardinalis Toletus Lib. 7. Institut. Cap. 2. Guillelmus Estius in Lib. 4. Sentent. Dist. 26. Parag. 10. Franciscus Sylvius in Suplemento Quæst. 42. Art. 1. Quæsit. 1. Joannes Marius Scribonius Disput. 9. de Matrimonio, Vincentius Contensonius Lib. 11. Theolog. mentis, & cordis Part. 4. Disp. 4. Cap. 1. de Sacramento Matrimonii, Franciscus Combesius ad Orat. Damasceni in Constantium Caballinum, Claudius Frasserius in Scoto Academico Tractat. 3. de Matrimonio Disp. ultima Art. 1. Quæst. 3. Gaspar Jueninus in Comm. Histor. Dogm. de Sacramentis Dissert. 12. de Matrimonio Quæst. 3., Natalis Alexander in Theolog. Dogmat., & morali Lib. 2. de Sacramento Matrimonii Art. 5. Parag. 2. In ea porro tot Virorum eruditorum de Matrimonii Administro sententia, nihil ad præsens institutum valet oppositum argumentum: Age tamen, & Contrahentes hujusce Sacramenti Ministros esse, juxta vulgarem opinionem concedamus: vertunt ima summis, qui istud nobis obijciunt, mutantque quadrata rotundis. Aliud enim est consensus unius conjugis in alterum, aliud est intentio perficiendi Sacramentum. Consensus unius conjugis in alterum, per verba, aliave signa expressus,

pressus, est forma Matrimonii: intentio autem perficiendi Sacramentum, non est forma Matrimonii, sed conditio desiderata ex parte conjugum, ut Ministri sunt Sacramenti. Quia autem consensus fidei mutux, re ipsa consensus non est, quantumvis verbis expressus sit, nisi sit etiam interior, atque mentalis: idcirco Matrimonium nullum est, defectu nimirum formæ necessariæ, dum consensus verbis expressus, interior etiam, mentalisque non est. At non dicitur tunc Matrimonium nullum, ex defectu solius Ministrorum intentionis. Quare propositum argumentum a præsentî quæstione peregrinum omnino est. Agimus enim de interna, atque mentali Ministri intentione, quam necessariam esse negamus, ad perficiendum quodcunque Sacramentum; propositum autem argumentum probat ut ut maxime, formam Matrimonii, quam in interiori consensu signis expresso positam dicunt, ad perficiendum Matrimonium, esse penitus necessariam. Ecquis dubitet? at nihil istud ad nos, motamque hætenus controversiam.

III. Si quis autem quærat ex me, quorum conjugum consensus inter se se mutuus, non externus duntaxat esse debeat, hoc est verbis, ac signis expressus, verum etiam inter-

ter-

ternus, atque mentalis, ut stet validum Matrimonium: non ita tamen esse debeat intentio Ministri, perficiendi quodcunque Sacramentum? (nam & inde contra nos argumentum a simili fieri posset) Respondeo latum inter utrumque discrimen esse: quia mutuum conjugum consensus, quidpiam intimum, internum, atque mentale pro objecto habet; fidem scilicet mutuam, animorumque conjunctionem, quam sibi mutuo conjuges spondent; intentio vero Ministri quidpiam externum, atque sensibile pro objecto habet, ritum scilicet sacramentalem, in tali materia, talique forma perficiendum. Atque ita nil mirum, si conjugum consensus signis expressus, interior etiam, mentalisque esse debeat; non item tamen intentio Ministri perficiendi Sacramentum.

Nec est quod mihi quispiam objiciat, Doctorem Angelicum argumentum inde a simili petiisse in 4. Sent. Dist. 27. Quæst. 1. Art. 2. Quæstiuncula 4., eaque maxime comparatione probasse, expressionem verborum, sine interiori conjugum consensu, non efficere Matrimonium; quia sola interior Ministri intentio sine exteriori, non sufficit ad Baptismum. *Sicut se habet, inquit ille, ablutio exterior ad Baptismum, ita se habet expressio*  
ver-



*verborum ad Matrimonium. Unde sicut si aliquis ablutionem externam reciperet, non intendens accipere Sacramentum, sed ludum, & dolum facere, non esset baptizatus; ita expressio verborum sine interiori consensu Matrimonium non facit.*

Id inquam frustra quispiam obijciat. Tum quod de intentione Ministri sacri Baptismatis non hic agat Doctor Angelicus, sed de intentione suscipientis: quæ altera difficultas est aliquantulum gravior, de qua nobis non est in præsentia disputatio. Tum quod de intentione suscipientis loquatur, *qua ludum facere vellet*: quam & nos ad validum Baptisma suscipiendum non sufficere, ultro citroque concedimus: qui seriam forinsecus sacri Baptismatis tum susceptionem, tum collationem postulamus. Id ni dicamus, erit sibi contrarius Doctor Angelicus, qui eodem Lib. 4. Sentent. Dist. 6. Quæst. 1. Art. 2. *Mentalem intentionem non desiderat in Ministro, sed solam intentionis expressionem.*

IV. Sed ais, annon systema istud nostrum secum ipso pugnat, dum seriam ritus externi celebrationem postulamus, ut stet validum Sacramentum, tametsi secreta Ministri intentione retractetur? Quandoquidem *seria* celebratio non est, dum secreta, occult-

tultaque Ministri intentione retractatur.

Respondeo actum humanum, serium dupliciter dici: primò, quia nec fictus est, nec simulatus; dum scilicet interior actus externo respondet: secundo, quia jocularis non est, neque scenicus; dum scilicet quidquid in actu externum est, semoto ludo sit, atque joco, etsi forte interno actui minime respondeat. Sacramentalem igitur actum secundo sensu serium esse volumus; quia talem sacra Synodus Tridentina necessarium definiuit, adversus Lutheranorum, & Calvinianorum errorem: non priori sensu actum serium postulamus; cum nec talem postulent sacra Synodi, Romanique Pontifices, ut ratum sit, ac validum Sacramentum: Atque ita nil secum pugnat sententia nostra.

## C A P U T XII.

*Obiecta, ex Romanæ Inquisitionis Decreto, difficultas eliditur, expeditur.*

I. **D**Ecreto Romanæ Inquisitionis tanquam ariete admoto; Catharinum impetunt recentiores: eo nimirum quod die 7. Decembris anno 1690. sub Alexandro VIII. datum est: ubi inter propositiones 31.  
hæc

## I N T E N T I O N E.    113

*hæc damnatur assertio, num 28. Valet Baptismus collatus a Ministro, qui omnem ritum externum, formamque baptizandi observat, intus verò in corde suo apud se resolvit, non intendendo facere quod facit Ecclesia. Quo telo Catharini sententiam, ac nostram petitam extimant.*

At perperam prorsus atque injuriâ. Ea quippe proscripta propositione, Catharini sententia ac nostra minime continetur. In illa siquidem temperamenta delunt, a Catharino, & a nobis apposita, quæ rei summam plane conficiunt. Contendimus enim primo, valere Baptismum ab eo collatum, qui serio, omnique semoto joco, ritum omnem externum observat, tametsi intus intentionem, quam prodit exterius, intra se retineat, atque retractet. Proscripta verò propositio, nulla seriæ, & ab omni joco semotæ administrationis mentione facta, valere Baptismum affirmat, si ritus externus quomodolibet administraretur: atque ita juste ferulam meruit. Sic ergo Baptismus etiam a mimo, ludendi causâ collatus in scena, validus esset. Ille enim ritum omnem externum observat, tametsi ludens, atque irridens. Non itaque sententia nostra eo telo petita est, sed Calvinî, & Lutheri doctrina; qui Baptismum

H

etiam

etiam scenicum , ac theatralem , ratum , ac validum fabulantur : quæ sententia a nonnullis male feriatis imprudenter recudebatur in Belgio .

Secundò, valere Baptismum contendimus, modò libere ministretur , & in iis maxime circumstantiis , ex quibus determinatur Minister ad agendum publico Ecclesiæ nomine : Proscripta vero propositio , nullam hujusmodi libertatis , & circumstantiarum mentionem ingerit : sed universim valere dicit quocunque casu , modò ritus exteriùs peragatur . Sic ergo valeret Baptismus ab eo collatus , qui hærente suis faucibus gladio , ad proferenda verba compelleretur . Ille quippe Minister ritum externum observaret , tametsi coacte , & in ea circumstantia , in qua certe non tenetur agere , uti Minister Ecclesiæ , illiusque nomine . Nihil itaque cum Catharini sententia , ac nostra , commune habet propositio ab Alexandro proscripta .

Tertiò loquitur propositio damnata de Ministro , qui intra se diceret , *Non intendo facere quod facit Ecclesia* . At in systemate nostro Minister id intra se dicere non potest ; quia supponimus Ministrum serio , & libere facientem quidquid Ecclesia facit : implicat autem ut qui serio , & libere facit quod facit

tit Ecclesia ; intus intra se dicat , *Non intendendo facere quod facit Ecclesia* . Quomodo enim serio , & libere faceret , si facere non intenderet ? Effet profecto ea protestatio contraria facto . Non ergo systema Catharini , & nostrum ea damnatione petitum est , sed aliud longe diversum .

II. Quocirca sancte & religiose profiteor , me quo tempore Decretum illud editum est , Romæ subscitisse , serioque nonnullos primæ notæ Præsules Consultores , qui in ferenda sententia Judices sederant , interrogasse , num Catharini sententiam eo Decreto proscribere voluissent ; eosque semel iterumque id pernegasse , profectosque aliud longe a Catharini systemate , ea proscripta propositione contineri .

Et quidem etiam post latum Decretum illud , Catharini sententiam a gravissimis Theologis propugnatam videmus : a Gaspare Juenino , Oratori Domini Jesu Presbytero , in *Commentario Historico-Dogmatico de Sacramentis* , nusquam a Romana Sede proscripto , etsi Theologicæ illius Institutiones haud ita propitium Romanum Cœlum habuerint : ubi etiam objectum sibi Decretum illud interpretatur , & cum Catharini sententia conciliat : ab Illustrissimo Præsule Francisco Genetto

Episcopo Vasionensi, in *Theologia morali*, ante annos circiter viginti, Clementi XI. nuncupata, eodemque Pontifice annuente, Venetiis edita; ubi varios conscientiae casus, juxta Catharini systema erudite resolvit, in Appendice Tomi tertii: ab Auctore *Summae Alexandrinae*, ante annos aliquot, Romae cum approbatione Magistri sacri Palatii Apostolici, aliorumque Curiae Censorum, typis editae, ac nuper ex Benedicti XIII. jussu anno 1725 publicatae: in cujus Tom. I. Tractatu de Sacramentis in genere pag. 32. n. 47. assertio ista ponitur, ac defenditur, Catharini sententiam Ipirans, ac intime referens. Si perditus Sacerdos, & magicis artibus deditus, pactoque execrando diabolo obligatus, serio quidem baptizavit infantes sibi oblatos, perfundens illos aqua, in nomine Patris, & Filii, & Spiritus Sancti; & veram, ac sinceram voluntatem habuerit exercendae exterioris illius ceremoniae, qua baptizans Ecclesia utitur, eamque revera exercuerit, per speciem hominis eo illam dirigentis, quo Ecclesia dirigit; sed tamen intentionem habuerit, quoties baptizavit, infantes sibi oblatos devovendi Diabolo; pueris illis non nocuit sacrilega intentio Ministri. Illos enim per Baptismum Deo consecravit Christus, qui baptizat, consecravit Columba, idest Ecclesia, quorum nomine

Mi-

*Minister baptizavit . Neque enim Verborum Evangelicorum , quæ integræ seriò protulit , efficaciam frustrare potuit . Idem est de aliis Sacramentis judicium . Quid aliud per fidem Numinum Catharinus ? quid aliud & nos ?*

Sed & nemo nescit , sententiam illam in publicis circulis Romæ persæpe defendi, probante , ut illic moris est , sacri Palatii Apostolici Magistro, publico conclusionum censore , & approbatore . Quod utique minime fieret, si Ambrosii Catharini systema Alexandri VIII. decreto fuisset inustum .

Ecquis etiam facile sibi persuadeat , Alexandrum VIII. damnare Decreto suo voluisse Innocentium IV, cujus est ista sententia, Catharini systema verbis etiam crudioribus exprimens: *Non est necesse , quod Minister gerat in mente facere quod facit Ecclesia ; imo si contrarium gereret in mente , scilicet non facere quod facit Ecclesia , sed tamen facit quia formam servat , nihilominus baptizatus est , dummodo baptizare intendat .* Super Caput *si quis puerum* Tit. de Baptismo : quanquam non esset ille Pontifex, dum hæc scripsit , sed privatus Canonici Juris Interpret.

## CAPUT XIII.

*Momentum a prisca Patrum Orientalium Historia  
petitum eliditur, exsufflatur.*

I. **D**ispensium operæ faciam, si surda  
aure præteriero observationem hi-  
storicam, qua non ita pridem Vir eruditus,  
ac mihi summe colendus, in publica disputa-  
tione evincere satagebat, priscos Ecclesiæ Pa-  
tres ab eo, quod defendimus, Catharini sy-  
stematè longius abscessisse.

Perspectum est, aiebat ille, permultos Ec-  
clesiæ Patres, ac in iis maxime Athanasium  
Orat. 3. contra Arianos, Basilium Epist. 1.  
Canonica ad Amphilochem, Cyrillum Jero-  
solymitanum in Præfatione Catechescon, post  
celebratas Synodos Arelatensem, atque Ni-  
cænam, ubi Rebaptizantium error proscriptus  
fuerat, hæreticorum Baptisma rejecisse; eos-  
demque, si ad Ecclesiam accederent, secundo  
tinxisse. At hæreticorum Baptisma non ideo  
reijcere poterant laudati Patres, quod sine  
fide collatum esset; cum Ministri fidem ad  
Baptismi valorem minime necessariam, lau-  
datæ Synodi definivissent: nec quod hæretici  
joculariter Sacramenta sua ministrarent; cum  
con-



contra & serio, & libere ministrare universos, exploratissimum esset. Horum ergo Baptisma rejiciebant laudati Patres, quòd nefarios illos viros sinceram, internam, secretamque perficiendi Sacramenti intentionem non habere, suspicarentur. Adeoque illam ipsam, ad Sacramenti valorem, necessariam intentionem Ecclesiæ Patres, præsertim Orientales existimarunt.

Cujus animalis cauda illa sit, haud fatis capio: adeo est illa ab suo capite longe deducta. Quid ni verius auguremur nos, Athanasium, Basilium, & Cyrillum, hæreticorum Baptisma, etiam post lata Arelate, & Nicææ judicia rejecisse; eosdemque, si ad Ecclesiam accederent, secundò tinxisse, alia plane de causa, quàm quæ in eo fingitur argumento? Nempe quòd metus esset, ne ii Baptismatis formam lustrando vitiaissent; qui magna ex parte contra Trinitatis fidem errabant. Unde & Athanasius, hac ipsa in Oratione 3. qua Baptismum Arianorum, tanquam *vanam speciem, inaneque simulacrum* rejicit, hanc judicii sui rationem assignat: *Non enim in Patre, & Filio tribuunt Baptisma, sed in Creatore, & creatura, in Factore, & factura.*

II. Quanquam nihil est cur hoc ipsum

quæramus effugium', ut ab eo nos expediamus argumento. Ideo enim Cyrillus, Basilus, alique nonnulli Orientalis Ecclesiæ Patres, hæreticorum Baptisma repudiabant, illosque ad Ecclesiam reduces novo Baptismate initiabant, quòd Ministri fidem ad Sacramenti valorem necessariam reputarent, et si secus Arelatenſis Synodus, atque Nicæna decreviſſent: tum quia Synodi Arelatenſis, in Occidente celebratæ auctoritatem non agnoſcebant: tum quia Africanorum errorem in Nicæna Synodo, per legitimam duntaxat conſequentiam damnatum, necdum tunc deprehenderant. Tum demum, idque præcipue, quia quæſtionem illam ( ſit ne hæreticorum Baptisma recipiendum, an reiſciendum, ) diſciplinæ caput eſſe, non juris arbitrabantur: in quo privatis Eccleſiis, priſcis ſuis ſtare moribus, atque uſibus licitum eſſet: quidquid ea in re œconomix cauſa laudatæ Synodi ſtauiſſent.

Neque vero id mirum, cum primi ipſi controverſiæ huius auctores, Cyprianus, Firmilianus, cæterique Africæ Præſules, non juris, ſed diſciplinæ quæſtionem eſſe contendiſſent, in qua cuique Epifcopo liberum eſſet & ſentire, & ſervare quod vellet. Unde Cyprianus in Epistol. ad Stephanum R. P. ſuo  
& ſy-

& Synodi Africanæ nomine data, Scimus, inquit, quosdam, quod semel imbibierint, nolle deponere, nec propositum suum facile mutare, sed salvo inter Collegas pacis & concordia vinculo; quedam propria, quæ apud se semel sunt usurpata retinere. Qua in re nec nos vim cuiquam facimus, aut legem damus; cum habeat in Ecclesiæ administratione, voluntatis suæ arbitrium liberum unusquisque præpositus, rationem actus sui Domino redditurus.

III. Cæterum laudatos in argumento Ecclesiæ Patres, Athanasium, Basilium, Cyrillum Jerosolymitanum, aliosve quoscunque libet, ideo tunc hæreticorum Baptisma rejecisse, quòd illos internam, secretamque de qua agimus intentionem nequaquam adhibere suspicarentur, (quod aiebat fervidus Disputator) figmentum est inter omnia maximum, quod nemini unquam venit in mentem. Sic enim omni subinde ætate, ac etiam post recepta, probeque intellecta Synodi Arelatensis, atque Nicænæ Decreta, hæreticorum Baptisma perinde rejecissent; illosque, ubi ad Ecclesiam redibant, secundò tinxissent: cum eam semper de viris perfidis suspicionem habere possent, num secretam illam internamque intentionem non adhibuissent. Quod tamen secus accidiisse perspectum est. Imo quod

ties

ties secutis inde temporibus, de nonnullis hæreticis ad Ecclesiam reducibus denuo baptizandis est actum, quod minus recte sua in secta baptizari crederentur; de servata quidem a Ministris suis debita forma, deque sacro ritu serio, prudenterque peracto, quaesitum est diligenter; de interna verò secretaque intentione ab iisdem adhibita, quaestio plane nulla est habita. Adeo scilicet persuasum Patribus erat, eam in Ministris, ut rata, validaque sint Sacramenta, minime desiderari.

## C A P U T XIV.

*Ducta a ratione, adversus Catharini Systema,  
Momenta reliqua diluuntur.*

I. **A**B. auctoritate pugnare; recentibus Theologis haud satis visum: Theologica ratione nos urgent, eaque non una. Quid ergo suus illis Mercurius inspirarit, videamus.

Totum, inquit illi, quod in Baptismatis ritu externum est, serio, & libere peragi potest, tametsi Sacramentum minime conferatur: illud ergo satis non est ad perficiendum Sacramentum. Alio quippe fine infundi aqua potest, alio fine possunt & verba pro-

proferri. E. G. Si quis aquam infundat, ut  
 sordentem, aut corporaliter ægotantem pue-  
 rum corporaliter abluat; addatque inter ab-  
 luendum, *Ego te abluo in nomine Patris, &  
 Filii, & Spiritus Sancti*; non ut verba sacra-  
 mentalia proferat, sed ex pietate tantum id  
 dicat; utque Apostolo religiosius obsequatur  
 præcipienti, ut quidquid agimus *in Verbo, &  
 in opere, in nomine Domini faciamus*. Tunc  
 porro, inquiunt illi, omnia quæ Catharinus  
 ad Baptismi valorem postulat, inveniuntur;  
 nempe voluntas serio peragendi ritum illum  
 in Ecclesia frequentatum, nimirum externam  
 corporis ablutionem, factorumque verborum  
 prolationem: quamvis ablutio illa non aga-  
 tur, ut sacramentalis est, sed ut medicinalis.  
 Aut ergo concedendum, puerum illum ita  
 ablutum, valide esse baptizatum, quod ne-  
 mo dixerit prudens; aut fatendum, satis non  
 esse ad valorem Baptismatis, si ritus externus  
 serio peragatur, ac libere; adsitque duntaxat  
 intentio verbis serio prolatis expressa; sed  
 aliam prorsus desiderari, qua ritus externus  
 intendatur, ut sacramentalis est, utque ab  
 Ecclesia peragitur.

In hoc argumento Gonetus noster, alique de-  
 licias faciunt, quod ergo præ cæteris nauci facio.  
 Seria enim externi ritus celebratio, a Catharino,  
 no-

nobisque hætenus propugnata , uti ad valorem Sacramenti sufficiens , non illa solum est , quæ joco , ludoque opponitur ; sed & illa , quæ in iis circumstantiis fiat , ex quibus Sacerdos determinatur ad agendum , ut Minister Ecclesiæ , ejusque nomine : ita scilicet ut qui ritum externum serio peragit , non modo jocose non agat , verùm etiam nulla externa circumstantia , nulloque externo signo prodatur , se aliud agere , quàm quod agit Ecclesia baptizando . Cæterum qui aquam infundit , ut sordentem , aut ægrotantem puerum abluat , cum pia illa , & religiosa Sanctissimæ Trinitatis invocatione , etsi jocose non agat , ipso tamen abluendi modo , aliisque circumstantiis satis exterius prodatur , se aliud quidpiam agere , quàm quod agit Ecclesia baptizando . Quin illæ ipsæ sordes , quibus inquinatus est puer , morbusve quo affectus est , satis per se se indicant , non ad animæ sanctificationem , sed ad munditiæ corporis , illiusve curationem fieri hujusmodi lotionem . Quid si puer ille sit antea baptizatus ? Si a parentibus corporaliter abluendus offeratur , non suscipiendi baptismatis gratia ? Si ablutio profano in loco fiat ? Si quis illum abluendo fricet ? Aliaque id genus in ea lotionem contingant ? An non quæso satis aperte indicant illa ,

illa ; cum, qui sic puerum abluit, eaque verba pronunciat, sacrum Ecclesiæ ritum peragere nolle? Quare ex ipsius Catharini iudicio, nullum hac occasione perficitur Sacramentum: quia voluntas non agendi huiusmodi ablutione, uti sacramentalem, & sacram, occulta non est, sed variis indiciis, & circumstantiis manifesta.

II. At ecce, inquit mihi: & id etiam contingere potest, ut sola secreta, occultaque intentione contraria, nullo etiam signo manifestata, fiat irritum Sacramentum; quamvis serio, libereque ritus exterior peragatur, in iis circumstantiis, ex quibus determinatur Sacerdos ad agendum nomine publico. Idque fatagent ostendere ex Rubricis Missalis Romani Par. 7. de defectibus in celebratione Missarum occurrentibus: ubi sic legitur: *Si Sacerdos habens coram se undecim Hostias, supra quas omnes proferat verba consecrationis, intenderet tamen consecrare duntaxat decem, non determinans quas decem intenderet, nullas consecraret. Aut si dimidiam duntaxat partem Hostiæ consecrare intenderet, nec eam ullo modo designaret, nihil consecraret:* Sed iis in casibus, totus ritus externus, serio, libere celebraretur, atque solemniter, supra omnes Hostias, nec per aliud impediretur consecratio, quam  
per

per contrariam intentionem occultam ; nullo externo signo manifestatam : igitur hæc sola sufficit irritando Sacramento etiam solemniter ministrato .

Næ quæso lepidi Theologi , qui Missalis Rubricas , tanquam Ecclesiæ definitiones nobis obijciunt , ex quibus decretorium peti possit argumentum ? cum potius non nisi privatorum Theologorum resolutiones illæ sint , de moribus , & ritibus scribentium , quæ in Missali libro ad commodum Sacerdotum inseruntur . Adeoque nil mirum si ita propositos casus resolvant , juxta sententiam Catharino contrariam , quæ frequentior , & communior in Scholis est . Cæterum stando principiis sententiæ Catharini , dicen dum est vice versa , fieri consecrationem omnium Hostiarum , supra quas consecrationis verba serio , libere , & solemniter proferuntur : quantumvis secreto intendat Sacerdos non consecrare omnes , aut mediam duntaxat unius partem indeterminatam ; imo tametsi secreto nihil intenderet consecrare .

Age tamen , & Missalis Libri Rubricas , uti canonicas Ecclesiæ resolutiones accipiamus ; adhuc tamen in tuto sumus . Eam quippe regulam intelligendam esse reponimus , iis duntaxat in casibus , in quibus Sacerdos ali-



aliquo externo signo manifestat, nolle se omnes Hostias consecrare, aut indeterminatam duntaxat unius partem. Cæterum si nullo id signo manifestet, omnes profecto consecrat Hostias, omnesque illarum partes, supra quas sacra de more verba pronunciat seriò, libereque.

III. Urgent nihilominus ex adverso, argumento e contrario petito. Contingit aliquando, ut sola secretior, & interior intentio Ministri, ratum, validumque efficiat Sacramentum, etsi non accedat exterior illa intentio, quæ in seria formæ prolatione consistit: igitur ad ratum, validumque Sacramentum conficiendum, plus juvat interna, atque secretior intentio Ministri, quàm quæ prodit exterius seria formæ prolatione. Patet, inquiunt, antecedens ex Epist. Zachariæ R. P. ad Bonifacium Episcopum, quæ refertur in Capite *Retulerunt*, *Distinct.* 4. de Consecratione. *Retulerunt nuncii tui*, inquit Zacharias, *quod fuerit in eadem Provincia Sacerdos, qui latinam linguam penitus ignorabat, & dum baptizaret nesciens latini eloquii, infringens linguam diceret, Baptizo te in nomine Patria, & Filia, & Spiritu Sancta: ac per hoc tua Reverenda Fraternitas consideravit eos rebaptizare. Sed Sanctissime Frater,*

ter, si ille, qui baptizavit, non errorem introducens, aut hæresim, sed pro sola ignorantia Romanæ locutionis, infringendo linguam, ut supra fati sumus, baptizans dixisset, non possumus consentire, ut denuo baptizentur: Nempe quodd raturum illud, validumque Baptisma censeatur. Porro eo in casu, non alia ratione ratum, validumque judicatum est Sacramentum, quàm quia recta fuit interna, secretaque ignari Ministri intentio, verba illa tanquam veram, germanamque Baptismi formam bono animo proferentis; quæ tamen vera, germanaque forma non est, Ecclesiæque intentionem minus exprimit.

Ad quæ tamen reponere juvat, momentum hoc, si quid evinceret, plus probaturum, quam revera probandum esset: nempe ratum esse, validumque Baptisma, vi solius intentionis interioris Ministri, absque debita forma in Evangelico præscripta: quod nemo non videt esse falsissimum. Dicendum ergo, hoc etiam in casu, de quo rogatus est Zacharias Rom. Pont. externam quoque ignari, barbarique Sacerdotis intentionem accessisse: quia serio, omnique semoto joco ea verba tingendo pronunciaverat: quæ tametsi per se se, ac virtute impositionis, seu ex Grammaticæ lege nihil significant, Ec-

cle-

clésiæque intentionem nequaquam exprimant; exprimunt tamen atque significant ex accomodatione, bonoque animo proferentis. Quare tametsi mutatus sit Evangelicæ propositionis sensibilis sonus, mansit tamen idem sensus.

IV. Sunt qui opponant, nonnulla saltem esse Sacramenta, quæ ex ipsa sui ratione postulare videntur in Ministro intentionem, non modo ritus externi seriò peragendi, verum etiam internam, mentalemque intentionem. Primò, quia nonnullorum Sacramentorum formæ deprecatoriæ sunt, ut Extremæ Unctionis: ad validam autem precationem, satis non est, si eam exterius serio, ac libere pronunciemus, nisi interna quoque accedat intentio: *Orandum est enim spiritus, orandum est mente*, ut loquitur Apostolus. Secundò, quia Sacramentum Eucharistiæ in Christi memoriam peragendum est: *Hoc facite in meam commemorationem* inquit Christus: Christi vero memoria esse non potest, nisi ultra intentionem peragendi ritum illum externum, secreta quoque accedat intentio mortis sacrificium offerendi.

Verùm & hæc duo minus urgent. Non primum de Sacramento Extremæ Unctionis: quia tametsi valida precatio esse non possit, nisi interna intentione, seu potius attentione

I

fiat,

fiat, dum nuda, simplexque precatio est, atque ad beneficium aliquod simpliciter obtinendum: bene tamen ubi sacramentalis atque consecratoria precatio est, atque publica, ad conficiendum Sacramentum. Ad hanc enim, ut loquitur Doctor Angelicus 3. part. Quæst. 64. Art. 8. *Sufficit expressio intentionis Ecclesie, quæ verbis sacramentalibus serio prolatis continetur*. Neque satis advertunt, qui hanc nobis argutiam obijciunt, eodem plane sophismate, catholicæ fidei dogma impeti posse. Quo etenim jure valida precatio esse non potest, nisi interior accedat attentio; ita quoque nisi fides accedat: ergo ne Ecclesia reclamante, fidem in Ministro necessariam effutiemus, ut stet validum Extremæ Unctionis Sacramentum? Absit.

Nec secundum de Eucharistia plus movet. Falsum quippe est, mortis Christi memoriam esse non posse, nisi ultra intentionem serio peragendi ritum externum sacrificii, secreta quoque accedat intentio mortis sacrificium offerendi. Satis enim Christi mortis commemorationem facit, qui quod a Christo in illius memoriam institutum est, serio, & libere facit: tametsi ad piam, religiosam, fructuosamque Sacrificii celebrationem, alia longe multa desiderentur.

V. Hinc

V. Hinc solutam habes argutiam alteram, qua non ita pridem laudatus antea Vir eruditus, mihiq; summe colendus, in publica disputatione, religiosum systematis nostri Defensorem urgebat. Ut quis, aiebat ille, virtutis actum exerceat, satis profecto non est, si opus illius externum impleat, nisi simul virtutis finem intendat, ac etiam attingat: E. G. ut quis charitatis actum in pauperem exercere censeatur, satis non est si suas in sinum ejus profundat opes, nisi sublevandæ illius inopiæ animo faciat, ac etiam propter Deum: imo si alio fine fecerit, peccabit haud dubie. Itaque, colligebat ille, ut quis sacramentalem actum exerceat, sacrumque obeat ministerium, satis non est, si ritum externum perficiat etiam serio, libereque, nisi finem quoque sacramentalis actus intendat, ac etiam assequatur: atque ita nisi velit & characterem imprimere, & gratiam infundere, & peccatum delere, aliosve in suscipientibus effectus edere, ad quos producendos unumquodque a Christo Domino institutum est Sacramentum.

Ex antedictis solutam habes argutiam illam. Aliud quippe est sacramentalis actus, (E. G. baptismalis ablutio, Eucharistiæ consecratio, Chrismatis inunctio, manuum im-

positio) uti virtutis, religionis nimirum & pietatis est actus; aliud sacramentalis actus, ut nude, atque simpliciter sacramentalis est, seu perfectivus Sacramenti. Equidem ut Minister quicumque ille sit, seu baptizans, seu consecrans, seu manus imponens, virtutis actum suo illo ministerio exerceat, pietatis nimirum, & religionis, finem illorum actuum debet intendere; nec satis illi est, si ritum illum, seu officium, opusque illud externum exerceat: quia virtutes non ab officiis, sed a finibus speciem trahunt; verum ut actum pure, simpliciterque, uti sacramentalem exerceat, perfectivum scilicet Sacramenti; necesse profecto non est, ut ex recto fine agat, seu finem, ob quem instituta sunt Sacramenta, sibi præstituat, Deumque finem omnium ultimum præ oculis habeat. Quia sacramentalis actio, ut pure sacramentalis est, non a fine agentis, seu ministrantis speciem habet; uti monet Doctor Angelicus in 4. Sent. Dist. 6. Quæst. 1. Art. 2. Quæstiunc. 2. ad 2. Quod miror ab erudito Disputatore non fuisse tunc observatum; & in quot absurda sua illum traheret disputatio. Quæ si quid evinceret, consequens foret, non modo nulla esse Pelagianorum, Calvinianorumque Baptismata, (quod sæpius absurdum observavimus secuturum)

rum) verum etiam nulla prorsus esse, cassa; atque irrita quæcunque Sacramenta, ab improbo, & simoniaco Ministro conficiuntur: quippe qui non recto fine, sed studio corradendæ pecuniæ, rem sacram facit.

VI. Improperant tandem aliqui Catharino, sententiam hanc ad impietatem aditum pandere, & ad sacrilegia viam sternere. Qui enim, inquit illi, ea opinione imbutuserit, ritum duntaxat externum serio peraget, de interna verò intentione ritum illum uti sacramentalem peragendi; minime curabit.

Quasi vero? Quidni ergo, si superis placeat, ita quoque adversus Ecclesiæ Catholicæ dogma argutantur, quo credimus probitatem, & fidem ad Sacramenti valorem, nequaquam in Ministro desiderari? Quidni inquam opponunt, hoc nostræ fidei caput, ad impietatem aditum pandere, & ad sacrilegia viam sternere: quia qui eo imbutus erit, de adhibenda fide, probitate, ac sanctitate minime curabit? Falsum itaque est, doctrinam illam ad impietatem aditum pandere. Quia etsi sanctitatem, probitatem, fidem, internamque intentionem, ritum uti formaliter sacramentalem peragendi, minime postulamus, ut Sacramenta rata, validaque sint; postulamus tamen, ut ipsis conferentibus

sancta, & licita sint. Quia tametsi qui ea non adhibet omnia, Sacramentum nequaquam irritet, suoque effectu vacuet, peccat tamen longe gravissime, illud inique, & irreligiose tractando. Quare unusquisque Minister, sicut de adhibenda fide, & sanctitate, ita quoque de interna, secretiorique illa intentione afferenda sollicitus esse debet; ne sacrilege peccet, validum Sacramentum, illicite, impie, & irreligiose ministrando.

VII. Imo si rem penitus spectemus, periculum longe minus sententiæ nostræ subest, quam oppositæ. Etenim vel Minister Sacramenti probus est, vel improbus: Si probus est, de ejus probitate minime dubitandum, quin secretiorem illam intentionem adhibeat, ad Sacramentum religiose, pieque ministrandum: si improbus, eandem intentionem nihiloscilicet adhibebit, ubi semel persuasum habuerit, nihil malignis consiliis suis, impiæque Sacramenti irritandi voluntati prodesse posse defectum illum secretioris intentionis, de qua hactenus disputavimus. Nemo enim gratis impius est, nemo sine aliqua lucri spe sacrilegium patrat.

Habet etiam id commodi sententiæ nostræ, quod infinitos propemodum scrupulos amoveat, qui in hac tanta impiorum Ministro



strorum turba facile nascuntur; num latentem illam, atque secretam intentionem habuerint, numve occulta malignitate Sacramentum irritarint. Quanquam enim internam intentionem illos etiam adhibuisse præsumi debeat, quoties ritum externum serio peregerunt: timeri tamen aliquatenus potest: cum ex iis tam multi inventi sint, qui eam se non habuisse professi sunt. Imo nota aliunde quorundam, in externa vivendi ratione, improbitas facit, ut eos eo malitiæ aliquando devenire, facile suspicemur. Qui enim male, & improbe vivunt, male & improbe sæpius agunt, etiam ubi publica obeunt ministeria.

Medetur & ea sententia gravi incommodo, quod in isto sæculorum fine contingere facile potest; uti & in Galliis ante annos octoginta contigisse notum est. Da enim Sacerdotem iniquum, & impium, animarum curæ præfectum, in populosa aliqua Civitate; qui serio quidem forinsecus universa ex Ecclesiæ præscripto peragat, in Sacramentorum administratione; interius verò occulta secretaque intentione cuncta retrahet: Ecclesia, quæ nihil mali in homine ficto deprehendet, illum suo finet officio defungi: & tamen nulla erunt, juxta sententiam op-

positam; Sacramenta ab eodem administra-  
ta: æternum ergo ex illius nequitia peribunt  
puerī, in speciem tantum ab eo tincti, si  
ante rationis diluculum ex hac luce rapiantur.  
Qui vero ad rationis usum pertingent,  
per Baptismum quidem flaminis, seu desi-  
derii, salvari poterunt: at si illos ad Ordines  
promoveri contingat, subindeque Sacra-  
menta tractent, & administrent, Sacerdotes  
re ipsa non erunt, ob characteris baptis-  
malis defectum, qui per desiderium minime  
refarcitur: & si Sacerdotes ipsi non sint, qui  
tamen esse putabuntur, quot inde Deus bo-  
ne mala succrescent?

VIII. Clamant aliqui, *Ecclesia iis in ca-  
sibus supplet*. Est hoc tritum imperitorum ef-  
fugium, quo suam ignorantiam produnt,  
non laqueum evadunt. Aut enim cum suo  
illo Ecclesiæ supplemento, in errorem inci-  
dunt patentissimum, aut ad sententiam no-  
stram volentes nolentes accedunt. Quid  
enim per ipsos supplet Ecclesia iis in ca-  
sibus, in quibus ex defectu interioris inten-  
tionis, irritum Sacramentum existimant? Ho-  
rum certe alterutrum: nimirum aut Sacra-  
mentum ipsum supplet Ecclesia, ut scilicet  
obtineatur Sacramenti effectus sine Sacramen-  
to, quod nullum est: aut certe intentio-  
nem

nem supplet necessariam Sacramento ; ut  
 nempe sine ea interna Ministri intentione  
 perficiatur Sacramentum. Primum Ecclesia  
 supplere non potest. Producere enim effe-  
 ctum Sacramenti sine Sacramento, pertinet  
 ad potestatem excellentiæ, quæ Theologo-  
 rum omnium assensu, solius Christi Domi-  
 ni propria est : nec alius præter Christum  
 præstare potest, ut quis Christianus sit sa-  
 cro charactere insignitus sine Baptismate ; ut  
 quis Sacerdos sit sine Ordinatione ; ut quis  
 Corpus Christi consecret sine Sacerdotio. Si  
 autem alterum ab Ecclesia iis in casibus sup-  
 pleri dicant ; ut nimirum sine ea, quam pu-  
 tant necessariam, intentione interiori Mini-  
 stri, perficiatur Sacramentum : hoc ipsum est,  
 quod volumus, quod asserimus, quod cum  
 Catharino defendimus. Non enim alio ti-  
 tulo propugnamus, perfici Sacramentum abs-  
 que interna illa secretaque Ministri inten-  
 tione ; quàm quia intentio ipsa Ecclesiæ, sa-  
 cramentalibus verbis expressa perficit Sacra-  
 mentum : juxta celebratum illud Angelici  
 Doctoris dictum, quod in sententiæ nostræ  
 probationem attulimus, 3. part. Quæst. 64.  
 Art. 8. ad 2. *Minister Sacramenti agit in per-  
 sona Ecclesiæ, cujus est Minister : in verbis  
 autem, quæ profert, exprimitur intentio Eccle-  
 siæ,*

*sic, quæ sufficit ad perfectionem Sacramenti.*

Clamant alii, supplet eo in casu summus Sacerdos Christus, in gratiam saltem parvulorum, qui defectu intentionis interioris in Ministro, baptizati non sunt; ut scilicet salutem ipsi sine Baptismate consequantur: ita docente D. Thoma in 4. sent. Dist. 6. Quæst. 1. Art. 2. Quæstiuncula 1. ad 2. Sit ita porro si lubet, suppleat summus Sacerdos, ad effectum salutis æternæ obtinendum, si ex hac luce ante rationis usum pueri rapiantur: non supplet tamen ad characteris impressionem, ut ii rationis usum affectuti, sacris Ordinibus rite valideque initiuntur. Id vero si forte contingat, quot inde nascentur mala? Sed nec, supplere summum Sacerdotem in pueris ad salutem, pro certo ponit Doctor Angelicus: imo fieri posse putat, ut re ipsa non suppleat iusto iudicio, sed occulto. *Si sit puer, inquit ille, creditur quod summus Sacerdos Christus defectum suppleat, & salutem ei conferat: si tamen non facit, non injuste facit, sicut nec in illo, qui Sacramento non subijcitur. Viden ut id in dubio ponit?*

Certe D. Augustini diserta sententia est, non supplere summum Sacerdotem Christum, Baptismatis defectum, iis in parvulis,  
qui

qui præcipiti morte sublati, sine Baptismo  
 rapiuntur, tametsi festinent parentes illo-  
 rum, accurantque Ecclesiæ Ministri, ut Ba-  
 ptisma periclitantibus conferatur: sed illos  
 regno cœlorum exclusos, male perire pro-  
 nunciat, Lib. de Dono Perseverantiæ Cap.  
 12. *Plerumque festinantibus parentibus, & pa-  
 ratis Ministris, ut Baptismus parvulo detur,  
 Deo tamen nolente non datur, qui eum parvu-  
 lum in vita non tenuit, ut daretur. Et Lib.  
 de Natura, & Gratia Cap. 8. Ego dico par-  
 vulum natum in eo loco, ubi ei non potuit per  
 Christi Baptismum subveniri, morte præventum,  
 idcirco talem fuisse, id est, sine lavacro regene-  
 rationis exiisse, quia esse aliud non potuit. Ab-  
 solvat ergo eum Pelagius, & aperiat ei con-  
 tra sententiam Domini regnum cœlorum, sed  
 eum non absolvit Apostolus. Quid itaque cer-  
 tum, indubitatumque dicamus, supplere  
 summum Sacerdotem, parem Baptismatis de-  
 fectum, iis in parvulis, qui ex occulta, se-  
 cretaque Ministri malitia baptizati non ef-  
 fecti? Cum nec sollicita piorum parentum  
 festinatio, nec religiosa Ministrorum dili-  
 gentia, hujusmodi supplementum, pueris  
 aliis præcipiti morte sublati, a divina mi-  
 sericordia, valeat obtinere.*

Succlamant nonnulli, providebit Deus  
 ne

ne defectus iste contingat ; utque Ministri internam illam , occultamque intentionem semper adhibeant. Oh dictum bene ! providebit Deus ? Non providere , eventu comprobatum est. Namque & eam secretam intentionem se non adhibuisse , nonnulli tandem extremis vitæ metis admoti professi sunt. Sed si ad Dei providentiam recurrendum dicitur , ne ista contingant : cur non potius Deum providisse dicunt , in ipsa Sacramentorum institutione , ne id unquam Ministrorum nequitia possit accidere ? Ita nempe Sacramenta instituendo , ut quo jure a Ministrorum fide , & sanctitate minime pendent , ita ab illa interiori intentione minime pendeant ; utque nulla secreta intentionis retractione , irritari possint , suoque effectu vacuari ; dum ritus exterior serio , libere , prudenter , omnique semoto joco peragitur.

CAPUT XV.

*Quæ, & qualis in Sacramentis ministran-  
dis, eadem in suscipiendis, deside-  
ratur intentio.*

I. **H**Actenus de intentione Ministri in Sacramentis perficiendis cumulatissime disputavimus, ut & Lutheranorum errores refelleremus, & Catharini sententiam omni momentorum genere tueremur. Superest ut ex antedictis positisque principiis, peculiare quoddam, de suscipientium intentione consuetarium colligamus.

Et certe eadem prorsus & suscipientium Sacramenta, & ministrantium ratio subest, quod ad ipsam attinet intentionem: ac quemadmodum nullum, irritumque esset Sacramentum, quod a Ministro nullam facienti quod facit Ecclesia, intentionem habente conferretur; ita nullum, irritumque esset, quod ab homine nullam recipiendi quod administrat Ecclesia, intentionem habente susciperetur. Quæ, & qualis in Ministrantibus postulatur intentio, secundum varias Theologorum opiniones, eadem plane desideratur in suscipientibus. Quemadmodum enim

enim Christus Sacramentorum administrationem, actionem humanam esse voluit, atque ita ex rationis iudicio, & voluntatis electione prodeuntem; ita eorundem Sacramentorum susceptionem: ejusdem conditionis esse voluit; humanam scilicet, rationalem, & liberam; non modo ut gratia recipiatur sacramentalis, quam nemo ambigit, non nisi a volente suscipi posse; verum etiam ut character in suscipientium animis imprimatur.

Hinc Innocentius III. Cap. *Majores extra de Baptismo*; & *eius effectibus*; *Ille qui nunquam consentit susceptioni Baptismatis, sed penitus contradicit, nec rem, nec characterem suscipit Sacramenti.* Et Doctor Angelicus 3. part. Quæst. 68. Art. 7. ad 2. *Si adulto defuisset intentio suscipiendi Baptismi, esset rebaptizandus.*

Hujus porro Decreti rationem præmittit ibidem Sanctissimus Doctor, prorsus invitam: *Dicendum, inquit, quod per Baptismum aliquis moritur veteri vite peccati, & incipit quandam vite novitatem, secundum illud ad Rom. 6. confepulti sumus Christo per Baptismum in mortem; ut quomodo Christus surrexit a mortuis per gloriam Patris, ita & nos in novitate vite ambulemus. Et ideo sicut ad hoc quod*  
homo



*homo moriatur veteri vite ; requiritur secundum Augustinum, in habente usum liberi arbitrii voluntas, per quam cum veteris vite parenteat; ita requiritur voluntas, qua intendat vite novitatem, cujus principium est ipsa susceptio Sacramenti. Et ideo ex parte baptizati requiritur voluntas, seu intentio suscipiendi Sacramentum.*

Hujus & altera ratio esse potest: quia per Baptismum contrahitur obligatio profitendæ, observandæque Christianæ Religionis. Quanquam autem contingere possit, ut puer nundum rationis usum assecutus, obligationem aliquam contrahat nesciens, parentibus scilicet, vel tutoribus consensum ejus vice præbentibus; adultus tamen, qui sui juris est, obligationem contrahere nequit, nisi volens atque consentiens. Nemo itaque sine voluntatis assensu baptizari valide potest. Quod idem de aliis Sacramentis proportionem quadam statuendum est: nec in re compertissima demonstranda nobis est immorandum; quæ ne ab ipsis quidem Protestantibus in dubium revocatur.

II. In contrariam tamen videtur esse: primo, quod nonnulli seu Judæi, seu Gentiles ad Baptismum suscipiendum, metu suppliciorum adacti legantur, imprudenti quorun-

rundam Principum zelo: qui tamen valide quantum ad characteris impressionem baptizati dicuntur, in actis Concilii 4. Toletani, & Cap. *Majores*, de Baptismo, & ejus effectibus. Quæ porro metu suppliciorum aguntur, non libere, sed necessario facta censentur.

Secundò, quod nonnullæ Mulieres, ex sententia Judicis, cogantur aliquando nubere, quibus nollent, viris: Virique vicissim interminatis gravissimis pœnis, quas nollent, uxores ducere compellantur. Est autem Matrimonium legis Evangelicæ Sacramentum.

Tertio, quod infinitos propemodum narret Historia, qui nolentes, repugnantes ac prorsus inviti Sacerdotio, & Episcopatu sunt initiati. Imo ea est Divi Augustini digna sententia: *Indignus est Episcopatu, qui non fuerit ordinatus inritus*. Non itaque desiderari videtur voluntas in suscipientibus Sacramenta, seu intentio id recipiendi, quod illis administrat Ecclesia.

Verùm nec ista nos movent, ut a dictis, probatisque resiliamus. Non primum quidem de Judæis metu suppliciorum ad Baptismum adductis: quia quæ metu suppliciorum aguntur, si tamen serio agantur exterius, adeo ut metus suppliciorum, agendi volun-

voluntatem externam extorserit, ea libere facta dicuntur, libertate non quidem absoluta, sed conditionata: quandoquidem tales ut supplicium devitent, id volunt quod absolute noluisse. Ita Innocentius III. Cap. *Majores de Baptismo. Is qui terroribus, atque suppliciis violenter attrahitur, ac ne detrimentum capiat, Baptismi suscipit Sacramentum, talis characterem suscipit Christianitatis improfsum: & ipse tanquam conditionaliter volens, licet absolute non velit, cogendus est ad observantiam fidei Christiane.* Ac tales re ipsa fuerunt Judæi illi, quos Sisebutus Hispaniarum Rex, pio quidem, sed imprudenti zelo ad Baptismum suscipiendum metu mortis adiecit: metus mortis, suscipiendi Baptismatis, externam illis voluntatem excivit: atque adeo valide baptizati, a IV. Synodo Toletana sunt dicti. Cæterum si qui metu suppliciorum ad Baptismum adiguntur, repugnantem animum semper prodant, nec excitatam metu periculi, suscipiendi Baptismatis voluntatem ultimo tandem ostendant, sed constanter repugnent, & oblucentur; ii certe valide baptizati censeri non possunt, quantumvis unda lustrentur, ut ex Innocentio III., & Doctore Angelico paulo antea demonstravi.

K

Ni-

Nihilo magis movet momentum alterum, de contracto Matrimonio. Quæ enim mulieres ex sententia Judicis coguntur aliquando nubere quibus nolunt, non ideo coguntur, ut nubant nolentes, sed ut audita sententia Judicis, id velint quod antea nolebant. Neque vero refert, si quis forte dixerit, cogi quandoque viros sententia Judicis, ad ducendas quas nollent uxores, sub gravissimis etiam pœnis, puta exilii, carceris, triremium, proscriptionis bonorum; quæ metum gravem inferunt etiam constantibus viris: quæ autem hujusmodi metu fiunt, involuntarie prorsus facta censentur. Id inquam minime refert. Alius enim metus est iuste, & a legitima auctoritate incussus: alius qui injuste ac violenter præter jus & æquum incutitur. Ac isto quidem secundi generis metu quæcunque fiunt, præter voluntatem facta judicantur: quia, ut loquitur D. Thomas, *in hujusmodi, agendi principium totum est ab extrinseco*. Verum quæ primi generis metu fiunt, Judice scilicet justam pœnam comminante, conditionate saltem voluntaria reputantur, nec tunc agendi principium totum est ab extrinseco; quia metus id homini velle facit quod justum est, quodque excluso metu velle deberet.

ret. Leg. *Cominet. Digest. de eo quod metus causa fit.* Cæterum si lata sententiâ Judicis, adhuc tamen constantissime uxorem ducere nollet; matrimonium hujusmodi metu externæ contractum, in foro interiori nullum esset, propter defectum interioris consensus in conjugem; in foro tamen externo validum censeretur.

Ultimum momentum de Ordinationibus, præ reliquis futile est. Qui enim inviti, ac repugnantes Sacerdotio, aut Episcopatu initiati leguntur; ante Ordinationem quidem, at non in ipso Ordinationis actu repugnant. Nimirum suæ tenuitatis, ut sibi ipsis videbatur, conseli, ac sacri ministerii pondus reveriti, aliquandiu restiterunt; sed postmodum præpositorum imperio, aut etiam postulantis plebis importunitati cessere, in se, ac de se fieri consentientes, quidquid Ecclesia Præsulesque vellent. Quod D. Augustinus illorum unus sapienter observat, Epist. olim 204. ad Donatum, nunc 173. *Tam multi ut Episcopatum suscipiant, tenentur inviti, perducuntur, includuntur, custodiuntur, patiuntur tanta quæ nolunt, donec eis adsit voluntas sacri Ministerii suscipiendi.* Nunquam igitur sacris Ordinibus initiantur, nisi superata pristina repugnantia, suæ Ordinationi consentiant.

## CAPUT XVI.

*Suscepti sine ulla prorsus consensione, & intentione etiam externa, Sacramenti Ordinis exempla duo producuntur, & explicantur.*

I. **D**UO tamen Ordinationum exempla prisca prodit Historia, in quibus vix, ac ne vix quidem ordinatorum consensus, in ipso ordinationis actu accessisse videri potest: ex quibus gravissimum in oppositum petitur argumentum.

Primum est Pauliniani Monachi, fratris D. Hieronymi, quem S. Epiphanius Episcopus Salaminæ, illata vi per multos Diaconos apprehendi jussit, tantoque ore, ne magnos ejulatus mitteret, primo quidem Diaconum ordinavit; tum vero post dies aliquot, eadem illata vi, ingenti difficultate, ac tento rursus ore, totis viribus obluentem, ac renitentem, Presbyterum consecravit. Factum refert ipsemet S. Epiphanius in Epist. ad Joannem Jerosolymitanum. *Cum celebraretur Collecta in Ecclesia velle, que est juxta monasterium nostrum, ignorantem illum, & nullam penitus habentem suspensionem, per multos Diaconos*

nos apprehendi iussimus, & teneri os ejus ne forte liberari se cupiens, adjuraret nos per nomen Christi; & primum quidem Diaconum ordinavimus, proponentes ei timorem Dei, & compellentes ut ministraret; valde quippe obnutebatur, indignum se esse contestans. Vix ergo compulimus eum, & persuadere potuimus testimoniis Scripturarum, & propositione mandatorum Dei. Et cum ministraret in sanctis sacrificiis, rursus cum ingenti difficultate ordinavimus Presbyterum; & iisdem verbis, quibus antea persuaferamus, impulimus ut sederet in Ordine Presbyterii.

Alterum exemplum est Macedonii Monachi sanctissimi, & admirandæ simplicitatis viri, quem S. Flavianus Episcopus Antiochenus, ignorantem, ac penitus nescientem, Presbyterum ordinavit. Cum enim S. Flavianus illius sanctitatis forma permotus, eundem sacerdotio vellet initiare, certò tamen sciret, cum dubio procul repugnaturum, quod eo se titulo reputaret indignum; illum per speciem cujusdam accusationis, e montis cacumine, in quo habitabat, evocavit in Ecclesiam, ibidemque ignorantem penitus quid ageretur, Presbyterum consecravit. Cum vero peracta Ordinatione significatum illi fuisset, esse illum Sacerdotio initiatum, adeo excaudit, ut primum quidem verbis, atque

conviciis prosciderit universos ; deinde accepto baculo, quo innixus propter senium incedebat , Episcopum ipsum , & alios qui aderant , insecutus sit ; ac demum in montem suum aufugerit. Factum refert Theodoretus in Historia religiosa Cap. 13. Ii ne vero suæ ipsorum Ordinationi consensisse putandi sunt, qui aut penitus ignorantes, ac nescientes, aut aperta vi obnitentes , repugnantisque sunt ordinati ? Et has tamen Ordinationes ratas, validasque fuisse , evincit Sancti Epiphanii, & S. Flaviani, a quibus peractæ sunt, auctoritas summa : evincit consensus utriusque Ecclesiæ , quæ & Paulinianum , & Macedonium in susceptis Ordinibus ministrare iussit, uti & re ipsa ministrarunt. Non ergo desideratur consensus, externaque intentio suscipientis Sacramentum.

II. Si quid ego hac in re valeo, si quid intelligo, in his etiam Ordinationibus consensus Ordinatorum accessit, qualis ad validum Sacramentum sufficere potest. Ac primo quidem Macedonius, qui ignorans, nesciensque dicitur ordinatus, consentit Ordinationi suæ, dum fieret, non *explicite* quidem atque distincte, sed *virtualiter*, ut Schola loquitur, & *implicite*. Quanquam enim distincte nesciret, quis, & qualis esset ritus ille, quem Episcopus



pus super illum exercebat, consensit tamen, ut supra se ipsum ritus ille exerceretur. Imo ut erat vir religiosus & pius, æstinare par est, consensisse illum, ut ritus ille cum in se effectum haberet, quam habere vellet Ecclesia; etsi effectum illum, qualis scilicet esset, tunc temporis ignoraret; quem postea dum didicit, vehementer commotus est, intelligens fuisse se eo ritu Presbyterum ordinatum. Atque hoc est quod dico, consensisse Macedonium Ordinationi suæ dum fieret, sin minus *explicite* atque *distincte*, at certe *virtualiter*, & *implicite*. Id pressius Juris periti dicunt, Macedonium ordinatum esse consentientem, atque volentem, voluntate facti, etsi non voluntate juris: quia consensit in factum, quod erat Ordinatio, etsi nesciret factum illud Ordinationem esse. Quemadmodum qui peccat ex ignorantia, expresse quidem atque *distincte* peccare non vult, quia nescit id esse peccatum, quod agit; vult tamen *implicite* peccare, quia lubens ac volens actum illum admittit, qui re ipsa peccatum est.

Paulinianus vero D. Hieronymi frater, vim quidem pertulit, ut ordinaretur: per Diaconos ingenti difficultate apprehensus est, quin & illi obstruatum fuit os, ne obtestaretur Episcopum, quominus ordinaretur: at

totum id in procinctu Ordinationis factum est, ad illius repugnantiam revincendam. Fieri autem potuit, ut quo momento Ordinatione fieret, quanquam illi obstructum esset os, repentina voluntatis mutatione assensum præbuerit, feceritque, ut vulgo dicitur, de necessitate virtutem. Quod an re ipsa fecerit Paulinianus, D. Epiphanius Ordinator ejus, ex ipsius testificatione rescire subinde potuit: atque ita illius Ordinationem, externa quidem specie violentam, interno tamen voluntatis actu susceptam, & acceptatam, ratam, validamque pronunciaverit. Nisi res ita se habuerit, non dubitaverim affirmare, Pauliniani Ordinationem, tametsi a D. Epiphanio factam, nullam prorsus atque irritam fuisse, juxta Innocentii III. Definitionem sæpe laudatam, Cap. *Majores* extra de Baptismo, & ejus effectibus: *Ille qui nunquam consentit, sed penitus contradicit, nec rem, nec characterem suscipit Sacramenti*. Illud itaque certum, indubitatumque, suscipiendi Sacramenti voluntatem, & intentionem in suscipiente desiderari, ut ratum illud stet, validumque, ubi suscipiens sui juris est, & adultus; quales profecto sunt quotquot sacris Ordinibus, ut Paulinianus, & Macedonius, initiantur.

III. Quod observare operæ pretium est,

re

ne quis puerorum exemplum nobis opponat; qui non modo nescientes, sed & crepitacillo, atque ploratu veluti repugnantes, sacro Baptismate initiantur. Nemo quippe nescit, quale quantumque sit puerorum, adultorumque discrimen: isti utpote juris sui, iudicii, rationisque compotes, suo quoque jure, iudicioque utuntur, ubi Sacramenta suscipiunt; remque sacram humano more, libera scilicet voluntate, & electione in se, & supra se fieri volunt: isti sui juris nondum effecti, usumque rationis nondum assecuti, alieno ducuntur arbitrio: aliena parentum, tutorum, susceptorum, atque gestantium voluntas, loco rectæ rationis illis est, quam habere deberent, si re ipsa adulti essent: atque ita ea ipsa, seu ratione, seu voluntate ad Baptismum accedunt, fidemque Ecclesiæ profitentur: ut & in ipsis locum etiam habeat ea Christi Domini sententia, Joannis Cap. 3. *Qui crediderit, & baptizatus fuerit, salvus erit, qui vero non crediderit, condemnabitur.* Quod tam eleganter, tam erudite D. Augustinus adversus Pelagianos disputans explicavit, ut mirari mihi subeat, hac nostra ætate larvatum scribillatorem inventum esse, qui hac ipsa de causâ litem sanctissimo Doctore intentarit; ac veluti exorbitantem errorem sugil-

gillarit, quod ille Epistola olim 107. nunc  
verò 217. ad Vitalem Carthaginensem, in-  
ter fidei regulas octavo loco posuerit: *Pueros  
per ora, & corda parentum, tutorum, suscepto-  
rum, atque gestantium credere, fidemque catho-  
licam profiteri.*

Movit scilicet stomachum novo scribilla-  
tori, ea Sanctissimi Doctoris loquendi formu-  
la frequentissima; propterea quod, ut ipse  
quidem autumat, necesse omnino non sit,  
parvulos per ora, cordaque aliorum, fidem  
Catholicam profiteri, ut salutem consequan-  
tur æternam: cum tam multi, ut ait, aut  
intra Ecclesiam, aut extra Ecclesiam valide  
baptizentur, ob sufficientem Ministrorum  
intentionem; quorum tamen nulli sunt seu  
parentes, seu patrini, seu gestantes, qui fi-  
dem pro illis catholicam profiteantur.

Vah insulsum Augustini reprehensorem,  
ineptumque argutorem! Ignorat scilicet  
quod in sacris Christianæ Religionis institu-  
tionibus docentur pueri: Illos scilicet parvu-  
los, qui vel in Ecclesia, sine Sacramenti so-  
lemnitatibus, nullis parentibus, aut patrinis  
offerentibus, casu aliquo baptizantur; aut  
extra Ecclesiam, ex parentibus infidelibus  
procreati, sacra lotionem tinguntur; Ecclesiæ  
tamen, cui tunc aggregantur, ore & corde  
per-

perinde ac cœteros credere: ipsamque Eccle-  
 siam iis in casibus fidem pro iis parvulis pro-  
 fiteri; parentumque ac patrinorum, offeren-  
 tium, atque tutorum vices omnino gerere.  
 Quin etiam parentes quoscunque, patrilosque  
 fideles, qui pueros offerunt baptizandos, fi-  
 demque pro iisdem in Baptismate profiten-  
 tur, ipsius Ecclesiæ nomine pueros offerre,  
 fidemque profiteri; adeout illos verius Ec-  
 clesia offerat, quàm vel ipsi parentes, tuto-  
 res, atque patrini. Quod eleganter pro mo-  
 re suo explicat Augustinus Epist. olim 23.  
 ad Bonifacium, nunc 98. *Offeruntur, inquit,*  
*ad percipiendam spiritalem gratiam, non tam ab*  
*eis, quorum gestantur manibus, quam ab uni-*  
*versa societate Sanctorum, atque fidelium. Ab*  
*omnibus namque offerri recte intelliguntur, qui-*  
*bus placet quod offerantur; & quorum sancta,*  
*& individua charitate, ad communionem Sancti*  
*Spiritus adjuvantur. Tota ergo mater Ecclesia,*  
*que in Sanctis est, pueros gestat, & offert,*  
*quia tota omnes, tota singulos parit.*

In quocunque ergo Baptismate, credunt  
 Parvuli, per ora gestantium, atque paren-  
 tum: In iis tamen, qui casu, & sine solem-  
 nitatibus baptizantur in Ecclesia, aut qui ex  
 parentibus infidelibus nati, extra Ecclesiam  
 sacro Baptismate initiantur; Ecclesia ipsa ge-  
 stan-

stantium, offerentium, atque parentum officium præstat sola, quod in aliis, parentum gestantiumque ministerio præstat.

Stat ergo inconcussa Augustini Sententia; ab inepto cenfore temere vellicata: *Pueros per ora gestantium, & offerentium Deo credere.* Quæ sane eo minus vellicari debuit, ac reprehendi, quod & sacrorum Conciliorum; & Romanorum Pontificum sententia sit: Concilii scilicet Carthaginensis anno 418. habiti, Gelasii Romani Pontificis, in Epistola ad Episcopos per Picenum constitutos, Cœlestini I. Epistola ad Gallicanos Episcopos: quibus omnibus communis est phrasis illa Augustiniana, *Pueros sacro Baptismate tinctos, per ora, cordaque gestantium, & offerentium Deo credere*; Christique mandatum hoc saltem pacto illos implere: *qui crediderit, & baptizatus fuerit, salvus erit; qui vero non crediderit, condemnabitur.* Ut plane nemo possit hanc Augustini Sententiam reprehendere, nisi parem sacris Conciliis, Romanis Pontificibus, totique Ecclesiæ injuriam irroget, paremque spissi erroris notam affricet.

## CAPUT XVII.

*Externa in suscipiendis Sacramentis Intentio  
sufficit, ut rata sint, & validaque, quoad  
characteris impressionem.*

I. **C**Æterum qua ratione in antedictis demonstravimus, ad validam Sacramenti collationem satis esse, si externa Ministro adsit intentio, in seria ritus externi celebratione consistens, ubi interna non adest; ita ad validam Sacramenti, characteris imprimementis susceptionem, satis esse volumus, si externus suscipientis adsit assensus, in seria nempe ritus externi susceptione positus; etsi interna suscipiendi desit intentio; imo si secreta sit, menteque abdita repugnantia. Eadem enim, ut sæpius in antecedentibus inculcavimus, quantum ad intentionem attinet, ratio subest ministrantium, & suscipientium Sacramenta; ubi suscipientes juris sui sunt, & adulti, de quibus tota præsens vertitur controversia.

Quod certe Judæorum illorum, Saxonumque exemplo compertum est; qui cum ad Baptismum suscipiendum, interminatis poenis adaçti fuissent, solumque forinsecus consensissent,

sent, externamque duntaxat suscipiendi Baptismatis intentionem præbuissem, valide tamen baptizati, & sacro charactere initiati iudicati sunt ab Adriano I. Rom. Pont. Epist. 8., ab Innocentio III. Cap. *Majores* de Baptismo, & ejus effectibus, a Concilio Tolitano IV. quorum decreta in antedictis recitavimus. Compertum & illud est eorum exemplo, qui cum Baptismum fallaciter suscepissent, hoc est, data foris, non intus consensione, uti vere baptizati, reputati sunt ab Augustino Lib. 7. de Baptismo Cap. 53. *Ex præteritis Majorum statutis non dubito, etiam illos habere Baptisma, qui quàmvis fallaciter id accipiant, in Ecclesia tamen accipiunt, vel ubi putatur esse Ecclesia, & non est.*

II. Quapropter haud satis capio, quid sibi velint nonnulli Catharini sententiæ vindices, qui cum externam Sacramentalis ritus serio peragendi intentionem, in Ministris sufficere firmiter teneant; parem tamen intentionem externam sacri ritus suscipiendi, sufficere negant in suscipientibus, ut ratum in eis sit, validumque Sacramentum, quoad characteris impressionem. Cum hanc ipsam intentionem externam, in ipsis quoque suscipientibus, satis superque sufficere dixerint laudati Pontifices, Concilium Tolitanum,



num, ac ipse etiam D. Augustinus.

Nec me movet, quæ ab illis assertur, discriminis ratio, Ministros inter & suscipientes, ut suum illud commentum cohærent: quod nempe, ut inquiunt, Ministri Sacramenta conferant, uti personæ publicæ, Ecclesiæ scilicet nomine; quibus idcirco satis est, si eam intentionem adhibeant, quæ illis inest, ut personæ publicæ sunt, externam nimirum sacramentalibus verbis expressam, quæ totius Ecclesiæ intentio est: suscipientes vero Sacramenta suscipiant, ut personæ privatæ, quibus idcirco necesse sit, ut eam intentionem adhibeant, quæ illis inest, ut personæ privatæ sunt, internam nimirum, atque mentalem, quæ privatorum ut privatorum intentio dicitur. Non ea inquam ratione movet, uti profecto nec movit Augustinum, laudatosque Pontifices. Quia tametsi suscipientes Sacramenta, uti privatæ personæ suscipiant, eaque ratione privatam quoque intentionem debeant adhibere; externa tamen illa intentio, qua ritum illum externum suscipere volunt, ac re ipsa suscipiunt, privata quoque in illis est: non secus ac altera interna, atque mentalis, quam pro sua fraude, & iniquitate non habent quotquot fallaciter, & simulate suscipiunt. Neque mirum quod externa

terna illa intentio, in Ministris quidem publica dicatur, & sit, quæ privata in suscipientibus est, diciturque; quia in Ministris voluntas est publici ministerii exercendi, ad bonum, & commodum alienum, non suum: in suscipientibus voluntas est sacri ritus suscipiendi, ad sui proprium, privatumque commodum, non alienum.

III. Illud moveret me magis, in ea facti specie, quam expendimus, quo nimirum jure, quove titulo, Baptismata suppliciorum metu suscepta, rata, validaque pronunciarint Romani Pontifices, Adrianus I., & Innocentius III., & Toletanum Concilium IV. cum aliàs exploratissimum sit, quæ fiunt metu gravi, in constantem virum cadente, ea nulla prorsus, irritaque censeri? Quo jure quove titulo consensus ille qualiscunque, a Saxonibus, & Judæis metu suppliciorum olim extortus, ut caput sacræ lotioni suscipiendæ submitterent, abunde sufficiens fuerit judicatus, ut valide baptizati censerentur: cum consensum matrimonialem, pari, imo longe minori suppliciorum metu extortum, insufficientem jura decernant, ad contrahendum valide Matrimonium? Capite *cum locum*, extra de Sponsalibus, & Matrimonio, & Cap. *Consultationi*, sub eodem titulo.

Ea,

Ea, ut verum fatear, difficultas diu me multumque torfit, ac valde anxium habuit; ubi tamen rem totam accuratius, ac maturius expendi, radius mihi tandem affulfit, quo tenebras illas omnes depuli, ac longe fugavi. Do itaque lubensque concedo, quæ sunt metu gravi in virum constantem, & fortem cadente, ea nulla prorsus, irritaque censi: at nego metum, quo vir interna mente, animoque obfirmato Judæus, ad Baptismum suscipiendum, interminatis etiam suppliciis, adigitur, in virum fortem, atque constantem ullo modo cadere: cum contra potius metus duntaxat sit hominis ignavi, imbellis, animique pusilli.

Quod ut intelligat studiosa Juventus, hanc sibi regulam habeat dignoscendi timoris; sit ne viri constantis, & fortis, an potius pusillanimis, & ignavi. Facienda est mutua comparatio, mali scilicet imminentis, quod timeatur, & mali, ad quod eligendum, terroribus quis, & minis impellitur. Ac tum si iudicio viri prudentis, fortis, atque constantis, majus æstimatur, & gravius malum, quod imminet perferendum, quàm quod eligendum, amplectendumque proponitur; tunc certe imminentis mali metus, quo quis ad malum aliquod eligendum inducitur, vi-

L

ri

ri constantis, & fortis metus est; quæque eo timore fiunt, nulla jure censentur, & irrita; si autem e contrario prudentis, atque constantis viri judicio, minus æstimatur, ac levius, quod imminet perferendum malum; quam quod per minas proponitur eligendum; tunc sane metus, quo quis ad eligendum istud inducitur, viri imbellis est, ignavi, animique pusilli; quæque eo timore fiunt, non illico nulla censentur, & irrita. Sic dum sicarius intento in jugulum gladio, Titio mortem comminatur, nisi in Bertam consentiat ad Matrimonium; si consenserit Titius, metu in virum fortem cadente dicitur consensisse, adeo ut nullus, irritusque consensus judicetur: quia vir etiam fortis, & constans, mortem sibi intentatam majus esse malum judicat, quam consensum in Bertam, quamvis illa putetur ingrata. Contra vero, dum tyrannus immane supplicium, diramque mortem Christiano homini minatur, nisi Christum, ejusque religionem ejuret; hic si ejuraverit, metu in virum fortem cadente ejurasse non dicitur, sed gravissimi sceleris reus habetur: quia fortis, & constans vir, quodcunque supplicium, ipsamque mortem, malum longe minus æstimat, quam Christi, ejusque religionis ejurationem. Cujus rei ratio-

tionem assignat Doctor Angelicus in 4. Sent. Dist. 29. Quæst. 1. Art. 2. *Quia vir fortis, & constans sequitur rationem rectam, per quam scit quid pro quo sit dimittendum, vel faciendum; semper autem minus malum, vel majus bonum eligendum est: & ideo constans & fortis, ad minus malum sustinendum cogitur metu majoris mali; non autem cogitur ad majus malum, ut vitet minus malum; sed inconstans & pusillanimis cogitur ad majus malum faciendum, propter metum minoris mali; sicut ad peccatum propter metum corporalis pæne.*

IV. Jam ad rem nostram veniamus: dum homo interna mente, animoque obfirmato Judæus, qui unam judaicam religionem, uti veram agnoscit, ac sanctam, christianam vero ex adverso uti falsam execratur, ac vanam; is inquam dum ad Baptismum suscipiendum, ejurandumque judaismum, suppliciorum, ipsiusque mortis comminatione compellitur; si forti atque constanti animo est, quodcunque supplicium perferendum, ipsamque mortem subeundam, minus longe malum æstimare debet, quàm Baptismatis susceptionem, judicæque religionis ejurationem, quandiu in illo conscientia erronea perdurabit. Atque ita si eo suppliciorum metu concutitur, ut & judaismum ejuret, & sacrum

Baptisma suscipiat, non est metus ille viri fortis, atque constantis, sed ignavi, imbellis, & pusillanimis. Ea ergo pervulgata juris regula, *que sunt metu cadente in constantem virum, nulla judicantur, & irrita*, nihil plane obsuit, quominus Romani Pontifices, atque Concilia, ea Judæorum quorundam Baptismata, rata, validaque pronunciare potuerint; in quibus suscipiendis, externum illorum consensum, metus suppliciorum extorserat: cum virorum constantium, & fortium metus ille non fuerit, sed ignavorum, & pusillorum.



# I N D E X

## MATERIARUM.

### A

**A** Do Viennensis, primus Genesii in theatro coram Diocletiano Imperatore baptizati, fabulam evulgavit. Pag. 17

*Adrianus* L. Rom. Pont. externam, ad suscipienda valide Sacramenta, intentionem sufficere docet. 63

*Africani* Præsules, quæstionem de rebaptizandis hæreticis, dum ad Ecclesiæ redeunt unitatem, disciplinæ putabant esse, non dogmatis, multo minus fidei. 120

*Alexandri VIII.* Decretum, de Ministro baptizante, qui intra se secretò deliberet, non facere quod facit Ecclesia, explicatur: idemque nihil Catharini sententiæ officere, demonstratur. 112. & seq.

*Alfonsus* Salmeronius, vide littera S Salmeronius.

*Ambrosius* Catharinus, vide littera C Catharinus.

*D. Athanasium* adhuc puerum, cæteros secum ludentes pueros baptizasse, fabella est, ex putido anachronismo falsi convicta. 19

*D. Athanasius* Episc. Alex. cur hæreticorum Baptisma rejecerit, etiam post decreta Conciliorum Nicæni, & Arelatenensis. 120

*D. Augustinus* de valore Baptismatis joculariter & mimice collati admodum dubitavit. 13

*D. Augustini* votum tandem impletum, de Synodo œcumenica, quæ de Baptismo mimice collato sententiam diceret. 13

*D. Augustinus* quam proprie definitionem ea in re fieri voluerit, juris ne, an facti? 15

*D. Augustinus* Sententiæ Catharini præformator, ac vindex. 67. & seq.

*D. Augustini* in Donatistas Argumenta perinde Catharini systema confirmant. 73. & seq.

# I N D E X

- D. Augustinus* quid nomine Baptismi fide & simulate suscepti intellexerit, explicatur. 68. & seq.
- D. Augustinus* Baptismum sine fictione vult suscipi, ut valeat ad justificationem suscipientis, non ut valeat ad characteris impressionem. 104. & seq.
- D. Augustinus* adversus larvatum Scribillatorem vindicatur: quod pueros per ora cordaque parentum atque gestantium, in Baptismate credere, dixerit. 153. & seq.

## B

- B**aptismum joco collatum validum dicunt Lutherani & Calvinistæ. 3
- Baptismum* joco collatum nullum judicat Ecclesia Catholica. 8. & seq.
- Baptismum* a Judæo & Pagano collatum, servatis aliis de jure servandis, validum judicant Romani Pontifices, & sacra Concilia. 49
- Ad Baptismum* Judæos, ac etiam Gentiles metu suppliciorum inducere, vetat Ecclesia. 63
- Baptismum* suppliciorum metu susceptum, modò forinsecus susceptio serio fiat, validum dicit Ecclesia, quantum ad characteris impressionem. 63. & seq.
- Baptismus* ita supplicii metu susceptus, cur ratus validusque sit dictus; cum quæ metu fiunt, nulla proprius jura esse decernant? 160. & seq.
- Baptismus* a mago collatus, animo pueros ea cæremonia Diabolo devovendi, ratus tamen validusque judicatur. 51. & 116.
- Baptismus* joculariter & mimice collatus, quomodo distinctus a Baptismo fide & simulate suscepto. 103
- Baptismus* Calvinistarum an valeat, aliquando dubitatum in Galliis; ac tandem valere definitum. 7. & 51
- Baptismi* formæ violatio, ex simplicitate, & mera ignorantia latinæ locutionis, non irritat Sacramentum. 123
- Baptizantis* maculosa conscientia, occulta tamen & ignorata suscipienti, non officit Sacramento. 73. & seq.
- Baronius* Cardinalis, de Baptismo Genesii in theatro suscepto refellitur. 18
- D. Bastius* cur hæreticos rebaptizari voluerit, etiam post



## M A T E R I A R U M.

post decreta Concilii Nicæni , & Concilii Arelatensis. 129

*Benedictus XIII.* R. P. summam Alexandrinam , Romæ ante annos aliquot editam , in qua Caharini Systema aperte defenditur , vœnalem ibidem proflare jubet. 116

*Benedictio* Sacerdotalis , Matrimonii Sacramenti forma ; juxta Theologos bene multos. 107

## C

**C***ælestinus* R. P. Augustinianæ sententiæ assertor , de pueris per ora cordaque gestantium in Baptismo credentibus. 156

*Cajetanus* ( Thomas de Vio ) Catharino prælatus , in deligendo publico totius Prædicatorum Ordinis Interprete D. Thomæ. Præf. 9. 5

*Calvinus* Lutherò subscribens , Sacramentorum Ministros rem sacram valide facere vult , etsi ludent atque deideant. 3

*Calvinianorum* Baptisma validum dicunt Pius V. R. P. & Concilia pleraque Gallicana. 7. & 51

*Catechumini* haud ita tenelli , & pueruli. 23

*Carthaginense* Concilium Augustinianam sententiam , de pueris per ora cordaque gestantium credentibus in Baptismo confirmat ac probat. 156

*Catharinus* ( Ambrosius ) quis & qualis. Præf. 9. 4. 44

*Catharinus* Scholæ Thomisticæ desertor. Præf. 9. 5

*Catharini* systema de externa Ministri intentione explicatur , & a falsis interpretamentis liberatur. 34. & seq.

*Catharini* præcentores Theologi , & sequaces. 39

*Catharini* Systema Romæ publice defensatum , probantibus Curie censoribus. 40. & 116

*Catharini* Systema quam procul distet a Lutheranorum & Calvinistarum errore. 41. & seq.

*Catharini* Systema non omnino necessarium , ad diluenda Lutheranorum , contra Ecclesiæ fidem argumenta. 31. & seq.

*Catharini* Systema ad impietatem aditum non parat , imo multa devitat incommoda. 133. & seq.

# I N D E X

- Certitudo* duntaxat moralis haberi potest, de vero suscepto, etiam in Ecclesia Sacramento. 32
- Christi* solius intentio, voluntas, atque iustitia effectum Sacramenti operatur. 75. & 84.
- Christus* summus Sacerdos, *an* certo suppleat defectum Sacramentorum? 138
- Cunctio* quænam in suscipiente irritet Sacramentum, quænam non irritet? 62
- Constantiense* Concilium intentionem in Ministro necessariam definivit. 8
- D. Cyprianus* quæstionem de rebaptizandis hæreticis, discipline putavit esse, non fidei, seu dogmatis. 120
- D. Cyrillus* Jerosolymitanus, cur hæreticorum Baptisma rejecerit, eosque rebaptizari voluerit, etiam post decreta Conc. Nicæni & Arelatenfis. 129

## D

- D** *Ecce*ta. Vide titulos eorum, a quibus lata dicuntur.
- De Dominis* (Marcus Antonius) Catharinum a sua, & aliorum Protestantium sententiâ alienum agnoscit. 37
- Dormiens*, aut ebrius Sacramentum valide ministrare non potest, etsi ante somnum, aut ebrietatem ministrare constitisset. 27
- Dormiens* tamen, aut ebrius recipere valide potest, si ante somnum aut ebrietatem recipere statuisse. 29

## E

- E** *Brius*. Vide *Dormiens*.
- Ecclesia* quid supplere possit in Sacramentis invalide ministratis. 136. & seq.
- Ecclesia* pueros baptizandos gestat & offert, verius quam illorum parentes atque patrini. 155
- Ecclesia* quomodo iudicet de occultis. 48
- Ecclesia* veteris disciplina, Catharini Systemati propheta. 47. & seq.
- S. Epiphanius* Pauliniani Monachi ordinator excusatur. 152.

*Epi-*

## M A T E R I A R U M.

*Episcoporum* protestatio in prologo Ordinationum solemni fieri solita explicatur. 26

*Eugenius IV.* Rom. Pont. in decreto unionis, necessariam Ministrorum intentionem declarat. 9

## F

**F**ides in Sacramenti Ministro minime necessaria, ad efficaciam illius. 67. & 86.

*Firmilianus* Cæsareæ Episcopus Baptismum ab energumeno datum, nullum declarat. 10

*Firmilianus* questionem de rebaptizandis hæreticis, discipline putavit esse, non dogmatis. 129

*S. Flavianus* Macedonii nescientis prorsus & ignorantis ordinator excusatur. 150

*Florantini* Concilii non est Decretum pro unione Armenorum, sed Eugenii IV. 9

## G

**G**allie Præsules Galvinistarum Baptisma tandem validum agnoverunt. 7. & 51

*Gelasius I.* Rom. Pont. Sententiæ Augustinianæ approbator, de pueris per ora & corda gestantium in Baptismo credentibus. 156

*Genesii* Baptisma in theatro datum, atque susceptum, prorsus fabulosum. 16. & seq.

*Genettus* (Franciscus) Episc. Vaf. Baptisma ab homine Turca fiste susceptum, ut validum probat. 64

*Genettus* idem, Hebræi fiste & simulate baptizati Sacramentum, uti validum agnoscit. 65

*Gonetus* (Joannes Baptista) refellitur. 56. 58. 122

*Gregorius II.* R. P. Baptismum a Pagano vel Hebræo collatum, validum dicit. 49

## H

**H**æretici. Vide *distinſa illorum nomina*.

*Hæretici* magna ex parte, nullam habent intentionem conferendorum effectuum illorum ipsorum Sa-

L 5

cra.

# I N D E X

cramentorum, quæ tamen valide conforunt. 6  
*Hereticus* baptizans cum distincta intentione id faciendi  
 quod falsa sua facit Ecclesia, valide tamen baptizat. Et  
 quare, 5. & seq.  
*Hebraei* metu suppliciorum ad Baptismum adducti, cur  
 & quomodo libere & valide baptizati dicantur. 63,  
 & seq. & 145.

## I

**I** *Acob* non absque intentione ab *Isaaco* patre suo bo-  
 nedictus, 23  
*Innocentius III.* R. P. necessariam in suscipientibus Sacra-  
 menta intentionem decernit. 61  
*Innocentius III.* externam intentionem sufficere docet, 63  
*Innocentius IV.* a Kemaitio objectus explicatur. 24  
*Innocentius IV.* Catharini Systemati favet apertissime. 117  
*Intentio* non minus in suscipientibus adultis necessaria,  
 quam in Ministris conferentibus. 61, & 142, & seq.  
*Intentio* quid? quid rectitudo intentionis, in Ministris  
 Sacramentorum? 53, & 93  
*Intentio*, quæ publica, quæ privata? 78  
*Intentio* faciendi quod facit Ecclesia, uti fidei dogma  
 defenditur? 8, & seq.  
*Intentio* effectus produçendi non desideratur in Sacramen-  
 ti Ministro. 6  
*Intentio* duntaxat duplex ab antiquis Theologis posita,  
 habitualis scilicet, & actualis. 5  
 Ex intentionis necessitate in Ministris Sacramentorum,  
 iusti nulli nascuntur scrupuli. 31  
*Intentio* occulta atque secreta, qua quis secum stulto  
 deliberat, nolle facere quod facit Ecclesia, dum ta-  
 men serio & libere facit, non irritat Sacramentum,  
 88 & seq.  
*Jocus* Ministri absolventis tunc irritat Sacramentum,  
 dum potest a poenitente deprehendi, 41. & seq.  
*Judai.* Vido *Hebraei*.  
*Juden* in ferenda sententia, non privata regitur scientia,  
 sed publica; 79  
*Juramentum* solemniter emissum, sine interna jurandi in-  
 ten-

## M A T E R I A R U M.

entione perinde jurantis conscientiam adstringit. 36.81  
*Jurisperiti* : Vide *Legisperiti*.

### K

**K** *Emnitius* Luthero & Calvinò subscribens, Ministros quoque ludentes & irridentes, Sacramenta valide ministrare contendit.  
*Kemnitius* insignis fraudis arguitur ; in vitiando Inno-  
centii IV. contextu. 24

### L

**L** *Antelotus* Politus : Vide *Catharinus*.  
*Lavardinus* (Petrus) Episcopus Cœndmanensis. 53  
*Legisperiti* quamplurimi Catharini Systemati subscribunt.  
39.  
*Legisperiti* quamplurimi, Sacerdotem Matrimonii Sacra-  
menti Ministrum agnoscunt. 107  
*Legisperiti* Matrimonium consensu ficto non contrahi,  
communitet docent. 106  
*Legisperiti* voluntatem juris & facti optime distinguunt,  
in nescientibus & ignorantibus. 151

### M

**M** *Acedonius* Monachus quomodo ordinationi suæ consensisse dici potest? 151  
*Matrimonium* consensu ficto non contrahitur. 106  
*Matrimonium* clandestinum, etiam ante concilium Tri-  
dentinum, solo interno consensu non contrahebatur,  
sed signis expresso. 201  
*Matrimonii* Ministrum, Sacerdotem benedicentem agnos-  
cunt Theologi bene multi, non ipsos contrahentes. 107  
*Matrimonii* forma, seu mutus inter se conjugum con-  
sensus, quam caute ab intentione perficiendi Sacra-  
mentum, distinguendus. 108. & seq.  
*Matrimonium* ex sententia Judicis contrahentes, cum qui-  
bus conjugibus nollent, quomodo libere & valide con-  
trahere intelligantur. 146

L 6

Ma-

# I N D E X

- Matrimonium* in theatro contractum duplici titulo clandestinum, & nullum. 101  
*Metus* iuste incussus non facit involuntarium. 146  
*Metus* quandonam censeatur gravis, & cadens in constantem virum? 161  
*Minister*. Vide *Intentio*.  
*Mimus* in theatro baptizans, aut forte contrahens matrimonium, cur utrumque faciat invalide. 99. & seq.  
*Mortis* Christi memoria qualis fiat in Missæ Sacrificio. 130.

## N

- N***icensium* Concilium Rebaptizantium errorem obli- que tantum damnavit, ac per legitimam consequentiam. 120  
*Niceni* Concilii iudicium de rebaptizandis hæreticis, Patribus orientalibus, non statim agnitum. 120  
*Nicolaus I.* Rom. Pont. Baptismum a Judæo, vel Pagano collatum, validum iudicat. 49  
*Norifus* (Henricus Gard.) D. Augustinum ab afflicto illi errore de Ministrorum intentione prorsus iutili, egregie vindicat. 72

## O

- O***ratio* alia privata, alia publica, & Sacramentalis: prima, non secunda, intentionem ad sui efficaciam, desiderat interiorem. 139  
*Ordinatio* ab Episcopo temulento & ebrio attentata, nulla prorsus iudicata. 10  
*Ordinationes* Pauliniani & Macedoniani num validæ. Vide in eorum peculiaribus titulis.  
*Ordinati* inviti ac repugnantes, quomodo libere consensisse intelligantur. 147  
*Orientales* Patres, qua ratione redeuntes ab hæresi rebaptizabant, etiam post decreta Conciliorum Nicæni, & Arelatenfis. 120.

# M A T E R I A R U M.

## P

**P** *Allavicinus* (Sforza Card.) *Catharini* sententiam in Synodo Tridentina non fuisse rejectam, diserte testatur. 42. 43. 99

*Parochi* Massiliensis factum horrendum. 51

*Paulinianus* S. Hieronymi frater rite ac valide a D. Epiphanio ordinatus. 151

*Papulo III.* Rom. Pont. expostulationis Libellus datur adversus peregrinas Catharini opiniones. Præf. 6. 6

*Pœnitentiæ* Sacramentum judiciaria Sacerdotis potestate ministratur. 79

*Protestantes.* Vide *peculiares illorum titulos.*

*Puerorum & Adultorum* quàm diversa conditio, in Sacramentorum susceptione. 153

*Pueri*, aut intra Ecclesiam sine solemnitatibus baptizati, aut extra Ecclesiam ex parentibus hæreticis procreati, sacro baptismo tincti, perinde credere intelliguntur, per ora cordaque gestantium. 154. & seq.

## Q

**Q** *uestiones* ab Augustino contra Donatistas agitatæ, de Baptismo mimice aut simulate, seu collato, seu suscepto, quàm bene Catharini Systemati favent. 67

*Querela* in Auctorem olim structa, ob defensatam ex cathedra Catharini sententiam. Præf. 6. 1

## R

**R** *ationum* Theologicarum momenta in gratiam Systematis Catharini. 28. & seq.

*Rationes* contra Catharini Systema fieri solitæ diluuntur. 122. & seq.

*Rubrica* Missalis Romani, quam habeant auctoritatem, in decidendis casibus emergentibus, in celebratione Missarum. 126

*Rubrica* M. R. cum Catharini Systemate conciliantur. 126

Sa-

# I N D E X

## S

- S** *Acramenta*. Vide *peculiares illorum titulos*.  
*Sacramentalis* actus, ut pure *Sacramentalis*, ex recto  
 fine fieri non postulat; etsi ex recto fine debeat fieri  
 ut virtutis religionis actus sit. 132  
*Salmironius* ( *Alfonfus* ) *Catharini Systematis* defensor  
 acerrimus.  
*Salmironius* *Concilii Tridentini Canonem* 11. sessionis se-  
 ptimæ, cum *Catharini Systemate* egregie conciliat. 46  
*Saxones* validè baptizati; etsi foris tantum, non intus  
 Baptismati consensissent. 63  
*Sisebuti Hispaniarum Regis* inconsulta pietas, in *Con-*  
*cilio IV. Toletano* damnata. 63. 145  
*Socratus* *Historicus falsi convictus*, in factio pueri *Atha-*  
*nasii*, colludentes pueros baptizantis. 19  
*Sorboricorum Doctorum Consultationes* datæ; occasione  
*Sacramentorum*, sine inferiori intentione collato-  
 rum. 52. 53.  
*Soto* ( *Dominicus* ) præcipuus *Catharini* æmulus, & ac-  
 cusator. Præf. 9. 9  
*Sozomenus* *Historicus falsi convictus*, non secus ac *So-*  
*crates*. 20  
*Surius* de *Genesis Baptismo* refellitur. 18  
*Suscipientes Sacramenta*. Vide *Intentio*.

## T

- T** *Theologi* veteres quo sensu duplicem duntaxat in-  
 tentionem agnoverint. 5  
*Theologi* quinam *Ambrosio Catharino* præluserint. 39  
*Theologi* recentiores quinam *Catharino* subscripserint, e-  
 tiam post *Decretum Alexandri VIII.* 30. 40. 115  
*D. Thomas* *Catharini Systemati* apertissime sayet. 54.  
 & seq.  
*D. Thomas* nobis a nonnullis objectus exponitur. 66  
*Tilmanus* *Luthero* & *Calvino* subscribens, *Sacramen-*  
*torum Ministros* etiam ludentes & irridentes, rem  
 sacram vnde facere docet. 3

Te.



## M A T E R I A R U M.

*Toletanum* Concilium IV. externam suscipientis intentionem sufficere docet. 64

*Tridentinum* Concilium necessariam in Ministris intentionem iuste definit. 12

*Tridentinum* Concilium Catharini Systemati favens. 41

*Ex Tridentino* Concilio petita trita obiectio diluitur. 42.  
91. & seq.

## V

**V**erbi Dei prædicati, & Sacramentorum quàm dispar ratio, ad suum obtinendum effectum. 30

*Voluntas* sincerâ Christi de salute omnium hominum, non satis patitur, ut illorum salutem pendere faciat, ex sinceritate, aut hypocrisis Ministrorum. 85


*Vvitsleffi* error de Ministrorum intentione. 9

## Z

**Z**acharias Rom. Pont. Baptismum ut validum approbat, ab ignaro Ministro collatum, in nomine Patriæ & Filiæ & Spiritû Sancta; non ex malitia, sed ignorantia latinæ locutionis. 117

*Zacharias* Pasqualigo, Catharini systema Romæ publico scripto defendit, a publicis Curia Censoribus approbato. 119

## F I N I S.



# TYPOGRAPHUS LECTORI.

*Præsenti materiarum Indici subijcere libuit Indicem Operum omnium, quæ noster hic Auctor, vario tempore publici juris fecit: ut vel sic Virorum eruditum votis faciam satis, qui horum Librorum indiculum frustra querunt, ubi maxime perscribi debuit; nec tamen (quo casu nescio) perscriptus est. Extat tamen in novissima Bibliotheca Scriptorum Ordinis Prædicatorum, anno 1721. Parisiis edita, sub finem Tomi secundi pagg. 803. 804. 805, paucis admodum exceptis Opusculis; quæ vel nondum tunc edita fuerant, vel edita pridem italicè, Gallorum Bibliothecariorum diligentiam effugerant. Est autem ut sequitur.*

I. **O** Rationes XIV. Parisiis habitæ, ad singulas Augustissimi Galliarum Senatus Curias; nomine Baccalaureorum Licentiatorum Academiæ Theologicæ Parisiensis, dum illic primi Præsentati munus obiret, Anno 1690.

II. Les veritables Sentimens des Jesuites, touchant

chant le peché philosophique ; à un Seigneur de la Cour.

III. Oratio in Funere Eminentiss. S.R.E. Cardinalis Brancatii de Laurea, habita Romæ in Templo Duodecim Apostolorum.

IV. Historia Congregationum de Auxiliis Divinæ Gratiæ, sub Summis Pontificibus Clemente VIII. & Paulo V. in quatuor Libros distributa, sub ascititio nomine Augustini le Blanc.

V. Eadem Historia, magna rerum accessione aucta, illustrata, ac defensata, cum ætuario Libri quinti, ad confutationem Pseudo-Historiæ Theodori Eleutherii, seu Livini le Mayer è Societate Jesu.

VI. Justification de l'Histoire de *Auxiliis*, contre l'Autheur des Questions importantes.

VII. Le Correcteur corrigé. Suite de la Justification de l'Histoire de *Auxiliis*, contre l'Autheur du faux *Errata* de cet Ouvrage.

VIII. Lettre de Mons. l'Abbè le Blanc, Autheur de l'Histoire des, Congregations de *Auxiliis*, pour servir de Reponse a la Lettre du Secrétaire de Liege du 30. Juin 1698.

IX. Defensio Historiæ Congregationum de *Auxiliis*, adversus Querelam Caroli Gasparis

paris Metzenii , Syndici Academiae Trevirensis .

X. Divus Augustinus summus Prædestinationis & gratiæ defensor , a calumnia vindicatus , adversus Joannis Launoi Theologi Parisiensis Traditionem , foetu posthumo recens editam.

XI. Joannis Launoi Epistola , ex Elifio ad Generalem Societatis Jesu Præpositum data.

XII. Lettre du R. P. Serry au R. P. Daniel Jesuite , pour servir de Reponse a la Lettre de ce Pere, adressée au Reverendissime P. General de l'Ordre de S. Dominique.

XIII. Confutatio Responsi Epistolaris Gabrielis Danielis Jesuitæ , qua novi ejusdem cavilli retunduntur ; rauca futilique Jansenismi accusatio depellitur , propulsatur.

XIV. Schola Thomistica vindicata: Seu Gabrielis Danielis e Societate Jesu Tractatus Theologicus , adversus gratiam se ipsa efficacem ; censoriis Animadversionibus confutatus.

XV. Difesa del Giudizio formato dalla Santa Sede Apostolica , intorno a' Riti , e Cerimonie Cinesi , contro l'Autor delle 12. Riflessioni . A cui vengono annesse tre Appendici , contro le tre Scritture latine ultimamente stampate dalli Difensori de' medesimi Riti condannati.

XVI.

XVI. Decretum Cardinalis Turnonii, in Cau-  
sa Sinensi, Notis Apologeticis illustratum,  
& contra obscuros nonnullos Cavillatores  
vindictum.

XVII. Contra-risposte: o siano Esami di tut-  
te le Scritture pubblicate da' Protettori de'  
Riti condannati della Cina.

XVIII. La Calunnia convinta: cioè Risposta  
ad un Libello pubblicato da' Difensori de'  
Riti condannati della Cina.

XIX. Melchioris Cani Canariensis Episcopi  
Vindicationes; instar Prologi galeati, ad Li-  
bros illius duodecim de Locis Theologicis.

XX. Exercitationes historicæ, criticæ; pole-  
micæ, de Christo, ejusque Virgine Matre.

XXI. Suffragium Censorium, in Causa Ve-  
nerabilis Servi Dei Sebastiani ab Appârîtio,  
Pyraustæ vulgo dicti,


XXII. Divus Augustinus Divo Thomæ, ejus-  
que Angelicæ Scholæ conciliatus, in Quæ-  
stione de Gratia primi Hominis, & An-  
gelorum.

XXXIII. Ambrosii Catharini Vindiciæ: de  
necessaria in perficiendis Sacramentis in-  
tentione, Theologica Disputatio.



99 9669 72









2



